

სმთაწმიდა  
ნიკოლაევიწმინდი



ბაბრიაელ  
ეპისკოპოსი

/ ქიქოძე /



თბილისი „მეგობრივი“  
1990 წ.

ავთანდილ ნიკოლეიშვილის წიგნში მოთხრობილია მე-19 საუკუნის მეორე ნახევრის დიდი ქართველი მღვდელმთავერისა და მამულიშვილის, ქართული ეკლესიის მანათობელ ვარსკვლავად აღიარებული სასულიერო მოღვაწის, იმერეთის ეპისკოპოსის გაბრიელ ჭიქოძის ცხოვრება და საზოგადოებრივი ღვაწლი, გაანალიზებულია მისი სიტყვები და მოძღვრებები, რომელთაც მღვდელმთავარი უქადაგებდა მრევლს ეპისკოპოსად თავისი ხანგრძლივი მოღვაწეობის დროს.

#### რეცენზენტები:

ფილოლოგიის მეცნიერებათა დოქტორი,  
პროფესორი **ლ ე ვ ა ნ მ ე ნ ა ბ დ ე**,  
ფილოლოგიის მეცნიერებათა დოქტორი,  
პროფესორი **რ ე ვ ა ზ ბ ა რ ა მ ი ძ ე**.

**დაიგეგმა** ქუთაის-განათისა და ცაგარ-ლაჩხუმ-სვანეთის  
ვაარქივის **მ თ ა ვ ა რ ე ვ ა ს კ ო ვ ი ს ი ს კ ა ლ ი ს ტ რ ა ტ ე ს**  
**ლოცვა-კურთხევით.**

## შენსავალი

✓ მე-19 საუკუნის ქართული აზროვნების სრულყოფილი შესწავლა შეუძლებელია იმ მნიშვნელოვანი წვლილის გაუთვალისწინებლად, რომელიც გაბრიელ ქიქოძეს მიუძღვის ამ მიმართულებით. თავისი აქტიური საღვთისმსახურებლო მოღვაწეობითა და შემოქმედებით მან წარუშლელი კვალი გაავლო ეროვნული კულტურის ისტორიაში და გვერდაუვლელი როლი შეასრულა საზოგადოების ზნეობრივი გაჯანსაღების საქმეში. ✓

✓ ოთხ ათწლეულზე მეტი ხნის განმავლობაში, როგორც მოღვაწე და ღვთისმსახური, იგი მტკიცედ იღვა ჩვენი ეროვნული ყოფის შუაგულში სიკეთის მოსარჩლედ და პატიოსნების ქომაგად. თავისი „ქადაგებანითა“ და პრაქტიკული მოღვაწეობით გაბრიელ ეპისკოპოსი იყო მაგალითი ზნეობრივი სიწმინდისა, მამულიშვილობისა და მოყვასისადმი უანგარო სიყვარულისა. <sup>არა</sup>მ თვალსაზრისით, არასოდეს გათიშულა ერთმანეთისაგან მისი სიტყვა და საქმე. ამითაც აიხსნება ის გამორჩეული მოწიწება და თაყვანისცემა, რითაც საყოველთაოდ იყო იგი გარემოსილი.

იმ პერიოდის ბევრი ქართველისათვის გაბრიელ ეპისკოპოსი ადამიანის ზნეობრივი სრულყოფილების იდეალურ მაგალითადაა მიჩნეული. ამიტომაც ისმენდა მის ქადაგებებს უდიდესი გულისყურით ფართო საზოგადოება; ისმენდა წიგნიერიცა და უწიგნურიც, ისმენდა გლეხიცა და ინტელიგენტიც... ვინ იცის, რამდენი მათგანისათვის აუხელია გონების თვალი ამ დიდაქტიკურ შეგონებებს, ცოდვის გზაზე ფეხშედგმული რამდენი კაცი შემოუბრუნებია სიკეთისაკენ. მის სიტყვას ხომ ზემოქმედების უდიდესი ძალა ჰქონდა შეძენილი.

გაბრიელ ეპისკოპოსზე სიყვარულითა და მოკრძალებით წერდნენ და საუბრობდნენ თანამედროვენი. ბევრი ეთაყვანებოდა მას და ქედს იდრეკდა მისი ზნეობრივი სიწმინდის, ღვთისმოსაობისა და მამულიშვილური ღვაწლის წინაშე. როგორც შემოქმედმა, მან

უდიდესი წვლილი შეიტანა თავისი დროის მინავლული სასული-  
ერო მწერლობის აღორძინებისა და შემდგომი განვითარების საქ-  
მეში.

იგი იყო კაცი, რომელსაც სხვა ცხოვრება, გარდა ღვთისა და  
ერის უანგარო მსახურებისა, არა ჰქონია; კაცი, რომელიც უღალა-  
ტოდ ერთგულებდა უფლისაგან შთაგონებულ უწმინდეს მცნებებს.

გაბრიელ ეპისკოპოსისადმი საზოგადოების ესოდენ ფართო  
სიყვარული და პატივისცემა კიდევ უფრო გამოვლინდა მისი გარ-  
დაცვალების შემდგომ. მისმა სიკვდილმა ნათლად გამოაჩინა ის ვა-  
კუში, რომელსაც იგი ავსებდა თავისი კაცობითა და ღვთისმოა-  
ობით. ფართო საზოგადოებამ განსაკუთრებული გულისტკივილით  
გამოიგლოვა გაბრიელ ეპისკოპოსის გარდაცვალება და დიდი შე-  
ფასება მისცა მის ეროვნულ ღვაწლსა და დამსახურებას.

პრესაში სისტემატურად იბეჭდებოდა მისადმი მიძღვნილი წე-  
რილები, მასზე გაჰმოიცა წიგნები, ხოლო მისი „ქადაგებანი“ რამ-  
დენიმეჯერ დაისტამბა როგორც ქართულ, ისე უცხო ენებზეც. და  
თითქმის ყველა, ვისაც კი გაბრიელ ქიქოძის ღვაწლის წარმოსაჩე-  
ნად კალამი ხელში აუღია, მას ზნეობრივი კეთილშობილებისა და  
ადამიანური სრულყოფილების იდეალურ მაგალითად სახავდა. იგი  
იყო მიჩნეული იმ ღვთისმსახურთა ხორცშესხმულ სიმბოლოდ, რო-  
მელთა ამაღლებული და სპეტაკი ზატება საუკუნეების მანძილზე  
იდეალად დამკვიდრდა ჩვენს ცნობიერებაში.

გაბრიელ ეპისკოპოსი ეროვნული ფესვებიდან აღმოცენებული  
ღვთისმოსავი და მოღვაწეა, წინაპართა მამულიშვილური საქმეების  
ღირსეული გამგრძელებელი, ვისთვისაც სიცოცხლის უმთავრეს  
მიზანსწრაფვად მოყვასზე უანგარო ზრუნვა ქცეულიყო. ის იყო  
კაცი, სიბრძნითა და გონიერებით მსგავსი გიორგი ჭყონდიდელისა,  
ვის შესახებაც კონსტანტინე გამსახურდია ამბობდა: „ბუნებით  
გმირი და თავმოდრეკილი, რომელსაც სიტყვა „მე“ გადავიწყნოდა,  
მხოლოდ „ჩვენს“ იტყოდა ხოლმე და ამ „ჩვენსში“ იგულისხმებო-  
და მეფე, მამული, სახელმწიფო. აჰა, კაცი, რომელმაც უარი უთხრა  
ყოველ ამსოფლიურ ლხენას, არამცთუ ჩაცმულობით შავოსანი,  
არამედ გულით მგლოვიარე დაქცეული სამშობლოსათვის“...

თავისი უმწიკვლო ცხოვრებითა და მოღვაწეობით „გ. ქიქოძე  
წარმოგვიდგება მიწიერისა და ზეციურის, ხილულისა და უხილა-  
ვის, სულიერისა და უსულოს შუამავლად უმთავრესი მიზნისთვის:

ქართველ ადამიანებში რწმენის დაბრუნებით მიწიერ-ეროვნული სულის, მისი უკვდავების დასაცავად და გადასარჩენად“ (ვახტანგ გუბგენიძე, მეცნიერი, მწიგნობარი, განმანათლებელი, ხელნაწერი, მომაწოდა მთავარეპისკოპოსმა კალისტრატემ. გვ. 10).

ძნელია მოიძებნოს ადამიანის ღვაწლის წარმოსახეი საქებარი სიტყვა, რომელსაც ჩვენი ინტელიგენციის პირველხარისხოვანი წარმომადგენლები გაბრიელ ეპისკოპოსის მიპართ არ ხმარობდნენ. იგი ერთსულოვნადაა მიჩნეული საქართველოს ეკლესიის ვარსკვლავად, რომელიც მაშინ მოევილინა ჩვენს სამშობლოს, როცა ირგვლივ „უფესკრული ბნელი ღამე“ გამეფებულიყო და „ოდნავ ციაგის შუქიც არსად სჩანდა“ (იხ. „კვალის“ სარედაქციო წერილი, 1893 წ. № 42).

„კვალის“ შეფასებით, „მეცხრაშეტე საუკუნეში არც ერთი ქველმოქმედი ქართველის სახელი იპდენს სიამოვნებას და პატივისცემას არ აღძრავს თავის ხსენებით თითოეულის ქართველის გულში, როგორც ყოვლად სამღვდლო გაბრიელი. ეს არის თავის ქველმოქმედებით და სათნოებით ნამდვილი წარმომადგენელი, ნამდვილი მემკვიდრე იმ ძველთა წმინდა მამათა, რომელთა სახელი შორიდან უნათებს ქრისტიანობას, ამხნეებს და უღვიძებს მას სულიერ ძალას“ (იქვე).

ამიტომაც შეადარა ამ დიდი ღვთისმსახურისა და მამულიშვილის გარდაცვალება ჩვენმა სასოჯალოებამ ერთი მანათობელი ვარსკვლავის ჩაქრობას. მთელი საქართველო მოიცვა სამგლოვიარო განწყობილებამ. უწყვეტ ნაკადად დაიძრა ხალხი გელათისაკენ, სადაც ეს წმინდა მამა უნდა დაკრძალულიყო. სამგლოვიარო მიტინგზე ორატორები ერთმანეთს ეცილებოდნენ გარდაცვლილის ღვაწლის განდიდებაში. გამომსვლელებს ბოლო არ უჩანდათ. იმდენად ბევრი იყო სიტყვის მსურველი, რომ თვით ილიასაც კი დაუგვიანეს ტრიბუნასთან მისვლა.

ამასთან დაკავშირებით საინტერესოა მოგონება ექვთიმე თაყაიშვილისა, რომელიც სპეციალურად ჩავიდა თბილისიდან დაკრძალვაში მონაწილეობის მისაღებად. „გაბრიელ ეპისკოპოსის ცხედარი, — იგონებს ე. თაყაიშვილი, — გელათის ეკლესიაში იყო დასვენებული, საკურთხევლის წინ. ხალხი მოდიოდა, მკიდროდ ერტყმოდა კუბოს გარშემო და იყო გაუთავებელი სიტყვები...“

ამ მდგომარეობაში ვიყავით, რომ საღამო შემოგვესწრო და ილიამ იცითხრა: „ჩემი სიტყვის თქმა აღარ ღირს, მაგრამ ცოტა ხანს კიდევ დავიცდით და მერე კი წავიდეთ“. ბოლოს მანვე გვი-  
თხრა, „მივიდეთ ახლა და გამოვეთხოვოთ მიცვალებულსაო“. მე  
წინდაწინ მივედი კუბოს ირგვლივ შემორტყმულ ხალხთან, რამდე-  
ნადმე გავთიშე იგი და ხმა-მალლა დავიძახე: „ბატონებო, ცოტა  
ჩამოდექით და გზა მოგვეცი, ბატონ ილია ჰავკავაძეს აქვს სიტ-  
ყვა-მეთქი“. ერთი სიტყვით „პროვოკაცია“ მოვუწყვე ილიას! ხალ-  
ხი მაშინვე გაიშალა, ილიაც წამოდგა და წარმოსთქვა სიტყვა. მას  
დიდი პატივისცემითა და აღტაცებით მოუსმინა ხალხმა, რომელ-  
საც გაეჭედა ეკლესია... თვითონ ილიაც კმაყოფილი დარჩა, რომ  
სთქვა“ (ე. თ ა ყ ა ი შ ვ ი ლ ი, რჩეული ნაშრომები, ტ. I, 1968 წ.  
გვ. 254).

გაბრიელ ეპისკოპოსისადმი ამ საყოველთაო სიყვარულისა და  
პატივისცემის გამოხატვით ხალხი ერთხელ კიდევ თითქოს წინას-  
წარ უცხადებდა საჯარო თაყვანისცემას ყველა იმ მამულიშვილს,  
ვინც მომავალშიც ერისა და ქვეყნის სამსახურს უანგაროდ შე-  
წირავდა სიცოცხლეს. ეს დაკრძალვა, ფაქტობრივად, იქცა იმ შთა-  
მაგონებელ ძალად, რომელიც ადამიანს ერთხელ კიდევ განუმ-  
ტკიცებდა სიკეთისა და მამულიშვილობის რწმენას. უნერგავდა იმის  
შეგნებას, რომ ღვთისა და მოყვასისთვის გაღებული მაღლი უკვა-  
ლოდ არ იკარგება და სიყვარულით ფასდება.

ამიტომაც შეიძინა ამ წმინდა მამის დაკრძალვამ ესოდენ ფარ-  
თო მასშტაბები და მთელი 46 დღის მანძილზე გარდაცვლილის კუ-  
ბოს ცრემლი და გულწრფელი გლოვა არ მოჰკლებია; ხალხმა ნაღ-  
ველი ვერ დაიციბრო, თვალზე კურცხალი ვერ შეიშრო და დარდი  
ვერ გაინელა.

საზოგადოების, მთელი ქართველი ხალხის, ეს უსაზღვრო პატი-  
ვისცემა და სიყვარული გაბრიელ ეპისკოპოსისადმი ცრემლით გა-  
ჭერებული სიტყვებით გამოხატა ილია ჰავკავაძემ. გაბრიელის სა-  
ხეში მან დაინახა ღვთით წარმოგზავნილი კაცი, რომლის მსგავსი  
პიროვნებანი ზნეობრივი სიწმინდის იდეალურ მაგალითად ევლი-  
ნებიან ამ ცოდვილ ქვეყანას:  $\sqrt{\text{დღეს სამუდამოდ ვეთხოვებით}}$   
ინისთანა დიდ-ბუნებოვანს კაცს, რომელსაც ღმერთი მოუვლენს  
ხოლმე ამ ცოდვილს ქვეყანას, რომ ადამიანმა მისის მიხედვით და  
მაგალითით შეიძლოს საკუთარის ზნისა და ხასიათის გაწვრთნა და

განმტყიცება... საკმაოა კაცმა გაიხსენოს მარტო სახელი გაბრიელ ეპისკოპოსისა, რომ გულში მადლი ჩაეფინოს, ვითარცა მზის შუქი“ (ი. ჯ ა ვ ჯ ა ვ ა ძ ე, რჩ. ნაწ. 5 ტომად, ტ. IV, 1987 წ. გვ. 419).

ამ სიტყვებში ნათლად ჩანს ილიას უდიდესი პატივისცემა გაბრიელ ეპისკოპოსისადმი, რომელიც მისთვის „საისტორიო კაცი“ იყო, „ქრისტეს ჯვრით ხელში თავგამეტებით მღვარი ჩვენი ერის მწედ და მფარველად“. ილია, ეს ენაბასრი პოლემიკოსი და ვინმეს შექების დროს სიტყვა-მომქირნე პიროვნება, უზომოდ ხელგაშლილია გაბრიელის ღვაწლის განდიდებისას. „თვითელი წამი მისის ცხოვრებისა, — განაცხადა მან დაკრძალვაზე, — მოძღვრებაა, მაგალითია, ანდერძია ჩვენთვის და ჩვენის ქვეყნისთვის. ერთად კი მთელი მისი ცხოვრება ერთი დიდი სკოლაა მაღალ-სათნოებისა და სიყვარულისა, მართლისა და ჭეშმარიტებისა, მადლისა და მოწყალებისა“ (იქვე, გვ. 419-420).

ილია ჭეჭეჭეჭემ მკვერმეტყველურად დაანახა საზოგადოებას გაბრიელის როგორც ერისკაცული. ისე სარწმუნოებრივი ღვაწლი და ეპისკოპოსი ხალხის უანგარო მსახურის იდეალურ ხატად მიიჩნია. ქართული ორატორული ხელოვნების უზრუნველეს ნიმუშად აღიარებულ ამ სიტყვაში მძაფრი ემოციურობითა და ეფექტური შთამბეჭდაობითაა გამოხატული გაბრიელ ეპისკოპოსის დამსახურება. ილიას შეფასებით, გაბრიელი ის უიშვიათესი პიროვნება იყო, რომელიც ერთმანეთთან არიგებდა ისეთ „მოურიგებელ და მოუთავსებელ“ დარგებს. როგორებიც მეცნიერება და სარწმუნოება არიან. „იგი სარწმუნოებას ამეცნიერებდა და მეცნიერებას ასარწმუნოებდა... მისის ბაგით სწორედ თვით ღმერთი მეტყველებდა და ვაი, რომ დადუმდნენ იგი ბაგენი და ვინ იცის, როდისღა გვაღირსებს ღმერთი იმისთანა კაცს, რომელიც დღეს წაგვართვა“.

გაბრიელ ეპისკოპოსისადმი მიმართულ ამ გამოსათხოვარ სიტყვას წინ უძღოდა მრავალი პუბლიკაცია, რომელიც გარდაცვლილის ღვაწლის წარმოჩენას მიუძღვნა ილიამ, როგორც რედაქტორმა, „ივერიის“ ფურცლებზე. ეს მასალები მერეც არაერთხელ დაუბეჭდავს მას თავის გაზეთში და ამ წერილებით ფართო საზოგადოებას ნათლად აცნობდა დიდი ღვთისმსახურისა და მამულიშვილის დამსახურებას.

როგორც ითქვა, გაბრიელ ეპისკოპოსის ღვაწლის დასაფასებლად ბევრი რამ გაკეთდა მისი გარდაცვალების შემდეგ. ამ თვალსაზრით

სით განსაკუთრებით გამოვეყოფი ორ წიგნს: 1894 წელს ქუთაისში გამოცემულ კრებულს — „სულ-მნათ გაბრიელის საუნჯე“, რო- ლელშიც გაბრიელის ცხოვრებისა და მოღვაწეობისადმი მიძღვნილ წერილებზე დასტამბული, და ასევე ქუთაისში, 1913 წელს დასტამ- ბულ მედიტონ კელენჯერიძის წიგნს — „გაბრიელი, ეპისკოპოსი იმერეთისა (მისი დრო, ცხოვრება და მოღვაწეობა)“.

ამასთან ერთად, უთუოდ უნდა დავასახელოთ აგრეთვე პრესა- ში დაბეჭდილი უამრავი მასალა: წერილები და მოგონებები გაბ- რიელზე, მისი ცხოვრებისა და მოღვაწეობის ამსახველი დოკუმენ- ტები, ავტობიოგრაფიული ჩანაწერები და ა. შ. ერთი სიტყვით, გასული საუკუნის მოღვაწეთაგან იშვიათად თუ რგებია ვინმეს ესოდენი ყურადღება და პატივისცემა.

როგორც ვნახეთ, ამ საყოველთაო სიყვარულს საფუძვლად ედო გაბრიელის მრავალმხრივი საზოგადოებრივი მოღვაწეობა. მისი გარდაცვალებით ერმა დაკარგა ფართო მასშტაბის მოღვაწე და ღვთისმსახური, რომელიც შთამომავლობის ხსოვნაში „საფლავიდა- ნაც ანათებს“. „თითოეული სიტყვა და საქმე მისი კანონად დასა- დებია. დღესაც ჯადოსნურად მოქმედებს მისი ცხოვრების მაგალი- თები ადამიანზე“ (მ. კ ე ლ ე ნ ჯ ე რ ი ძ ე, გაბრიელი, ეპისკოპოსი იმერეთისა, 1913, წ. გვ. V).

სწორედ ამ დიდმა დამსახურებამ შთააგონა მ. კელენჯერიძეს საფუძვლიანად შეესწავლა გაბრიელის ცხოვრება და მოღვაწეობა და აღეწერა იგი სპეციალურად მისადმი მიძღვნილ წიგნებში. ეს საქმე, სამწუხაროდ, მხოლოდ ნაწილობრივ გააქეთა მან და პირვე- ლი წიგნის გამოცემა მოახერხა. წიგნისთვის დართულ წინასიტყვა- თობაში განმარტებულია ის სირთულენი, რომლებიც მას თავისი კე- თილმობილური განზრახვის შესრულების გზაზე შეხვედრია. „ჩვე- ნი სურვილი იყო, — აღნიშნავს იგი, — მოგვესწრო და შეგვეკრიბა თანამედროვე, ჯერ ისევ ცოცხალ საზოგადოებაში ყველა ის ცნო- ბები და მოგონებანი, რაც კიდევ კარგად ახსოვს ყველას. ამას გარ- და იკვესარებლა არხივებში და კერძო ოჯახებში დაცული მასალე- ბით და ეს მასალა ჩვენი შეძლების და გვარად დამუშავებული დაგვეტოვებინა შემდეგ მკვლევართათვის“.

მასალები კი შეუფროვებია და წიგნიც დაუწერია, მაგრამ გამო- ცემის საქმე მეტად გაძნელებულა, რადგანაც ნაშრომის დაბეჭდვა არავის უკისრია. უსახსრობის გამო, საკუთარი ფულითაც ვერ მო-



უხერხებია მელიტონს წიგნის გამოცემა. მაკრამ ბოლოს, სასომიხ-  
დილს, ნიკო ნიკოლაძე დახმარებია. მან უშოვა თურმე საამისოღ  
საჭირო ფული. აი, რას წერდა ნ. ნიკოლაძე მას ფოთიდან 1913  
წლის 13 სექტემბერს: „...თანახმად თქვენი სურვილისა, გუშინვე  
ვიმეცადინე და გიშოვეთ (ფული) პირველი ტომის გამოსაცემად.  
ეს ამბავი მომილოცნია თქვენთვის და უფრო მეტად ქართველი სა-  
ზოგადოებისათვის. თქვენი მარად ერთგული ნ. ნიკოლაძე“.

წიგნის გამოსაცემად საჭირო თანხა. ნ. ნიკოლაძის შუამდგომ-  
ლობით, ვილაც უცნობ კაცს გაუღია, რომელსაც საკუთარი ვინა-  
ობის გამხელა საჭიროდ არ ჩაუთვლია. მ. კელენჯერაძე აღფრთო-  
ვანებული უხდის მადლობას ამ „იშვიათი და ქვეშაირი ქველმოქ-  
მედების“ ჩამდენ უცნობ პიროვნებას, ვისი შემწეობითაც იხილა  
მზის სინათლე დღეს უკვე ბიბლიოგრაფიულ იშვიათობად ქცეულმა  
ამ საინტერესო წიგნმა.

### ცხოვრება და მოღვაწეობა

✓ გაბრიელ (ერისკაცობაში გერასიმე) მაქსიმეს ძე ქიქოძე 1825  
წლის 15 ნოემბერს დაიბადა ოზურგეთის მაზრის სოფელ ბახვში  
მღვდლის ოჯახში. მამამისი გურიის უკანასკნელი მთავრის — მამია  
გურიელის კარის მოძღვარი ყოფილა. სამიტომო, — იკონებს გაბ-  
რიელი, — იგი „ხშირად დიდი ხნობით სტოვებდა ოჯახს და ქ.  
ოზურგეთში დადიოდა, რომ სხენებული თავადისათვის შეესრულე-  
ბია როგორც წირვა-ლოცვა, ისე სხვა საჭირო საღმრთო წესები“  
(ყურნ. „მწყემსი“, 1896 წ., № 3, გვ. 8). ✓ დედა — მარიამ დგებუაძე  
აღრევე გარდაცვლილა.

მაქსიმესა და მარიამს ხუთი შვილი ჰყოლიათ. გაბრიელი და მი-  
ნი ტყუპისცალი ძმა ნაბოლარები ყოფილან. მშობლებს მაინცდა-  
მაინც არც გახარებიათ ბავშვების შექმნა. გერასიმეს ძმა ჩვილობა-  
შივე დაღუპულა. „ჩემს დედ-მამას ბევრი შვილები ვყავდით და მე  
იმათ შორის ყველაზე უმცროსი ვიყავი. დედა ადრე მომიკვდა და  
სრულიად არ მახსოვს. ბავშვობისას საშინელი ცელქი ვიყავიო“, —  
ასე იკონებს ბავშვობის წლებს გაბრიელი (იხ. კრებული „სულ-  
მნათ გაბრიელის საუნჯე“, 1897 წ., გვ. 5).

იმ ოჯახურმა გარემომ, რომელშიც იგი იზრდებოდა, თავიდანვე  
გაადვივა ბავშვის გულში რელიგიური რწმენა და ღვთისმსახურე-

ბისადმი სიყვარული. ამ თვალსაზრისით უდიდესი როლი შეასრულა მამამ, რომლის უშუალო მზრუნველობითა და შემწეობით შეისწავლა გაბრიელმა წერა-კითხვა და მიიღო პირველდაწყებითი განათლება. მაქსიმეს ოჯახში სისტემატურად დადიოდნენ მოსწავლეები, რომელთაც იგი საეკლესიო წიგნების კითხვას ასწავლიდა და საეკლესიო გალობაში ავარჯიშებდა, რასაც სრულიად უანგაროდ, ყოველგვარი საზღაურის გარეშე აკეთებდა. მათთან ერთად მეცადინეობდნენ გაბრიელი და მისი დაძმები.

ასე ჩაეყარა მკვიდრი საფუძველი მომავალი მქადაგებლის ფართო და მრავალმხრივ განათლებას. ასეთივე დიდ დაინტერესებას იჩენდა თურმე გაბრიელი საღვთისმსახურებლო რიტუალების ჩატარებისადმი. პატარაობიდანვე დაჰყვებოდა ხოლმე მამას ეკლესიაში და „დიდს საქმეში იყო: ხან სანთლებს ანთებდა, ხან საცეცხლურს უბერავდა, ხან პატარა ზარებს რეკდა, ხან მამას შესამოსს აძლევდა და ხან რას არ ჩადიოდა... ვერავითარი სკოლა, რომელი ტიპისაც უნდა იყოს იგი და რა გინდა იდეალური მასწავლებლები და აღმზრდელები მუშაობდნენ შიგ, ვერ შეძლებს იმ გრძნობის დამყარებას ბავშვის სულში, რა გრძნობითაც იყო გაბრიელი შემკული და შეპყრობილი. ეს ღრმა რელიგიური რწმენა, ეს მუყაითობა და მოუწყინარობა რელიგიურ ვალდებულებათა შესრულებაში, ეს სულიერი სიფრთხილე, ეს მღულარე ცრემლი, ხატის წინ მყუდრო, ბნელ ოთახში ნაფრქვევი, ეს მუქლზე დგომა საათობით, ეს ღვთისადმი აღპყრობილი ხელები, ყველა ის, რითაც განსვენებულს მღვდელმთავარს განცვიფრებაში ჰყავდა მოსამსახურე და მესაიდუმლე პირები, ჩნდება და ვითარდება, მუშავდება, მტკიცდება მხოლოდ იმ სკოლაში, რომელსაც ეწოდება ოჯახი“ (მ. კელენჯერიძე, გაბრიელი, ეპისკოპოსი იმერეთისა, 1913 წ., გვ. 10—11).

როგორც გურიის მთავრის მოძღვარი, მაქსიმე ხშირად დადიოდა სასახლეში და თან დაყავდა გაბრიელიც. აქაურმა გარემომ წარუშლელი შთაბეჭდილება მოახდინა ბავშვის ცნობიერებაზე. სასახლეში გატარებულმა დღეებმა კიდევ უფრო მეტად გააღვივეს მისი ინტერესები, გაფართოვდა გონების თვალსაწიერი. აქვე შეხვედრია და დაახლოებია იგი რუს ფელდფებელს, რომელიც მაქსიმეს წირვა-ლოცვაში ეხმარებოდა. „მამა-ჩემის თხოვნითა და იმისსავე ზედამხედველობითა. — იგონებს ხანდაზმულობისას გაბრი-

ელი, — ფელდფებელმა დამიწყო სლავიანური ანბანის, ლოცვებინა და წერა-კითხვის სწავლებათ“ (კრებული — „სულ-მნათ გაბრიელის საუნჯე“, 1897 წ., გვ. 7). სწორედ აქ გაიტეხა მან ენა რუსულში, რაც საიმედო საფუძველი გახდა სამომავლოდ მისი სწავლა-განათლებლისა.

სხვათა შორის, აქვე აღენიშნავ იმასაც, რომ გარდა რუსულისა, გაბრიელს ჩინებულად სცოდნია ფრანგულიც, ხოლო სამეცნიერო მუშაობისათვის თავისუფლად იყენებდა გერმანულ ენასაც.

1837 წელს გ. ქიქოძე შევიდა თბილისის სასულიერო სასწავლებელში, 1839 წელს კი სწავლა განაგრძო სემინარიაში, სადაც ორი წელიწადი დაჰყო. ეს ის პერიოდი იყო, როცა საქართველოში უკვე არნახული მასშტაბები ჰქონდა შექმნილი ცარიზმის რუსიფიკაციულ პოლიტიკას და გადაგვარების გზაზე დამდგარ ქართველებში „მოდათ“ იყო შემოღებული გვარების შეცვლა რუსული გვარების მიბაძვით (მ. კ ე ლ ე ნ ჯ ე რ ი ძ ე, დასახ. წიგნი, გვ. 25). ასეთები საკმაოდ მრავლად სწავლობდნენ თბილისის სასულიერო სემინარიაში. გაბრიელის ამხანაგები, თითო-ოროლას ვამოკლებით, სამწუხაროდ, სწორედ ამგვარად გვარებგადარუსებული ქართველები იყვნენ. სწავლებაც, ბუნებრივია, რუსულ ენაზე მიმდინარეობდა.

ასე აღმოჩნდა ყმაწვილი სემინარიელი სამშობლოშივე არამშობლიურ გარემოში, რომლის მესვეურები ყველანაირად ცდილობდნენ ბავშვის ცნობიერებიდან ეროვნული ფესვების ამოძირკვას. ეს პროცესი კიდევ უფრო გაძლიერდა რუსეთში წასვლის შედეგად. მაგრამ, საბედნიეროდ, გაბრიელის ეროვნული თვითშეგნება, პირიქით, ამით კიდევ უფრო განმტკიცდა და გამოიკვეთა. მართალია, სამშობლოში ახლადმობრუნებულს ქართულად წერა და მეტყველება ცოტათი კი უჭირდა, მაგრამ მშობლიურ გარემოსთან დაშორებით გაჩენილი ენობრივი ხარვეზები მალე დაძლია და შეუვალი სიმტკიცით დადგა ეროვნული თვითმყოფადობის შენარჩუნებისთვის აქტიურად მებრძოლი ქართველი მოღვაწეების გვერდით.

მიუხედავად იმისა, რომ თბილისის სასულიერო სემინარიას. გაბრიელის მამა ამ დროისათვის უკვე საკმაოდ ხანდაწმულიც იყო და გალარიბებულიც. ასე რომ, მას საიმისო შესაძლებლობა არ ჰქონდა, შვილებისთვის თბილისში ესწავლებინა და ხელი გაემართა. მაგრამ

გაბრიელს, როგორც წარჩინებულ სემინარიელს, უკვე მოესწრო თავის შეყვარება პროგრესულად მოაზროვნე მასწავლებლებისთვის. ამათ შორის განსაკუთრებით გამოირჩეოდა სიტყვიერების პროფესორი ვ. კანეესკი, რომელმაც მშობლიური მზრუნველობა გამოიჩინა საყვარელი მოსწავლის მიმართ. კერძოდ, იგი შეუთანხმდა მაქსიმეს და 1841 წელს, თბილისიდან სამუშაოდ ფსკოვში გადასულმა, გაბრიელიც თან წაიყვანა სასწავლებლად.

ფსკოვის სასულიერო სემინარიაში გაბრიელი 1841-1843 წლებში სწავლობდა. 1844 წელს კი პეტერბურგში გადავიდა და 1845 წელს, იქაური სემინარიის დამთავრების შემდეგ, სასულიერო აკადემიაში განაგრძო სწავლა, რომელიც 1849 წელს დაასრულა. პეტერბურგში მყოფ გერასიმეს „ძლიერ აღელვებს შორეული სამშობლოს ბედი. იგი თვალწინ ხედავს დანგრეულ საქართველოს, ბაგრატიონთა საგვარეულო ოჯახის დამსხვრევას და ამ ნამსხვრევების აქა-იქ რუსეთის ქალაქებში დაბნევას“ (მ. კ ე ლ ე ნ ჯ ე რ ი ძ ე, დასახ. წიგნი, გვ. 32).

1849 წელს გაბრიელმა ცოლად შეირთო მარიამ ნიკოლოზის ასული ვლადიკინა, პეტერბურგელი მღვდლის შვილი. და სამუშაოდ გადმოვიდა თბილისში. მან სასულიერო დაიწყო სასულიერო სემინარიის ინსპექტორად და რექტორის თანაშემწედ საღვთისმეტყველო საგნებში. „მიუხედავად მოვალეობის სიმძიმისა და დროის ხასიათისა, გერასიმე ისე ატარებს ამ თანამდებობას, რომ ვერაერთა უღმობელ ისტორიულ კრიტიკას ვერ ძალუძს რაიმე ჩირქი მოსცხოს მის აღამიანობას და მის საინსპექციო მოქმედებას. იშვიათად შეხვდებით თქვენ ასეთს ჰუმანურ პირს, ასეთ კეთილშობილებას, როგორსაც იჩენს გერასიმე შეგირდებთან დამოკიდებულებაში“ (მ. კ ე ლ ე ნ ჯ ე რ ი ძ ე, დასახ. წიგნი, გვ. 39-40).

ვ. ქიქოძემ ხუთი წელი დაჰყო ინსპექტორად. 1851 წელს, შეთავაზებთ, ინიშნება ფიზიკა-მათემატიკის პროფესორად და აქტიურსამეცნიერო-პედაგოგიურ მუშაობას ეწევა.

„ყოველ სულამოს სემინარიის აივანი, — იგონებს მისი ყოფილი მოსწავლე იაკობ გოგებაშვილი, — წარმოადგენს გაცხოველებული დავის ასპარეზს“. იგი იმდენად გაიტაცა პედაგოგობამ, რომ 1854 წელს ს.ერთოდ დაანება თავი ინსპექტორობას და მხოლოდ მასწავლებლობდა. 1855 წელს თბილისის კეთილშობილ ქალთა ინსტი-

ტუტში საღვთო სჯულის მასწავლებლობაც შეითავსა. 1856 წელს ეკურთხა მღვდლად.

გარდა პედაგოგობისა, გ. ქიქოძე აქტიურ მეცნიერულ მოღვაწეობასაც ეწეოდა. იგი განსაკუთრებით დაინტერესებული იყო ფსიქოლოგიით, ფილოსოფიითა და ღვთისმეტყველებით. გატაცებით კითხულობდა სპეციალურ სამეცნიერო ლიტერატურას, წერდა მეცნიერულ ნაშრომებს, ერთი სიტყვით, მეცნიერისა და მასწავლებლის აქტიური შემოქმედებითი ცხოვრებით ცხოვრობდა.

მაგრამ ასე, სამწუხაროდ, დიდხანს არ გაგრძელებულა. 1856 წელს, 32 წლის ასაკში, მას თავს დაატყდა უდიდესი უბედურება: ერთბაშად დაეხოცა ცოლი და შვილები. ამ ტრაგედიის შესახებ საინტერესო ცნობას გვაწოდის ი. გოგებაშვილი. გაბრიელის უფროსმა შვილმა. „სუთი წლის პეტია, — წერს იგი. — დედის, ძმისა და დის სიკვდილის შემდეგ. მთელი თავისი სიყვარული მამაზე გადაიტანა... როცა მამა გაკვეთილებზე იყო. პეტია მალულად მიდროდა სახლიდან, ზიარებდა სემინარიაში, წყნარად შედიოდა კლასში, გაკვეთილებს დამთავრებამდე ჩუმად იჯდა კარების აქლოს და თვალს არ აშორებდა მამას. მაგრამ მამამ ეს უკანასკნელი თავისი იმედიც დამარბა და საბოლოოდ დაობლდა“ (ი. გოგებაშვილი, თბ. ტ. IV, 1954 წ. გვ. 43).

გაბრიელის ცოლისა და შვილების საფლავები დიდხანს არ იყო ცნობილი საოკაადობისათვის. და აი. ამას წინათ. თბილისის ეკრის სასაფლაოზე, წმინდა პანტელეიმონ მკურნალის სახელობის ახლადამოქმედებულ ეკლესიაში, მიკვლეულ იქნა გ. ქიქოძის მეუღლისა და ბავშვების სამარხი, რომელიც აკურთხა ამ ეკლესიის წინამძღვარმა, დეკანოზმა მამა ელისემ (გაზ. „სამშობლო“, 1990 წ. 12 ივნისი).

ოჯახური ტრაგედიით თავზარდაცემული ვაბრიელი იმ წელსვე ბერად აღიკვეცა, თუმცა მასწავლებლობისთვის თავი მაინც არ დაუნებებია. ეს უბედურება მან გარდაუვალ ბედისწერად და უფლის ნებად მიიჩნია და ნებისყოფის არანოქალაქური დანაბებითა და საკუთარ თავთან ჭიდილით სცადა ქედი არ მოეხარა მწუხარებისათვის. ი. გოგებაშვილის მოვონებით. „ოჯახის დაკარგვაში მღვდელმა ქიქოძემ დაინახა განგების ხელი. რომელიც მას სულ სხვა, უფრო ფართო და ნაყოფიერი გზით წარმოატყდა, რის გამო მალე

აღიკვეცა ბერად“ (იქვე, გვ. 43). ამიტომაც არ მისცემია სასოწარ-კვეთილებას, არ ჩაუქნევია ხელი და განახლებული ძალით შეუდგა აქტიურ საზოგადოებრივ მოღვაწეობას.

სწორედ ამ მოღვაწეობაში ჰპოვა მან ამიერიდან ცხოვრების აზრი, საბოლოოდ დათრგუნა ყოველგვარი პიროვნული მისწრაფება და მხოლოდ ღეთისა და ხალხის სამსახური დაისახა სიცოცხლის უზენაეს იდეალად. ი. გოგებაშვილისავე თქმით, მისი ცხოვრების უმთავრეს პრინციპად ამიერიდან იქცა „ყველაფერი — სარწმუნოებისათვის და არაფერი — საკუთარი თავისათვის“.

რა წინააღმდეგობანი და უსიამოვნებანი არ შეხვდა მას ამ უძნელეს გზაზე, მაგრამ მოყვასისადმი უანგარო სიყვარულმა ყველაფერს ძლია. მთელი მისი ცხოვრება ეს არის მაგალითი დიდსულოვნებისა, საკუთარ თავთან ჭიდილში გამარჯვებისა, სულიერი გაუტეხელობისა და რწმენისადმი უღალატო ერთგულებისა. „მტკიცე ხასიათი მისი ვერ განდრიკა, ვერ შეაფერხა ვერც ჩუმად ბეზლობამ, ვერც ზოგთა პირისპირ შეურაცხყოფამ, ვერცა მუქარამა, ვერ შეარყია მისი ღრმა სიყვარული მოყვასისადმი“ (კრებული „სულმნათ გაბრიელის საუნჯე“, გვ. 21).

1858 წელს გაბრიელი დავით გარეჯის მონასტრის წინამძღვრად გაამწესეს. იმავე წელსვე იგი გადაჰყავთ გორის ეპისკოპოსად, ხოლო 1860 წლის 2 ივლისს იმერეთის ეპარქიის ეპისკოპოსად ეკურთხა და გარდაცვალებამდე ამ სამწყსოს მღვდელმთავარი იყო.

იმერეთის ეპარქიაში გაბრიელის საეპისკოპოსო მოღვაწეობამ, თანამედროვეთა დახასიათებით, არნახული ნაყოფი გამოიღო. „არა მგონია, რომ რომელიმე მწყემს-მთავრის მოქმედებას არამცთუ ჩვენში, არამედ ევროპაშიაც მოეტანოს სამწყსოსთვის იმაზედ უნაყოფიერესი შედეგი, რომელიც შესძღვნა იმერთა ერსა განსვენებულმა მღვდელთ-მთავრის ოც-და-თხუთმეტი წლის თავდადებულმა მოღვაწეობამა... ხალხი დაემსგავსა მეტ-ნაკლებობით თავისს მწყემსთ-მთავარს, რომლის გამუდმებულის გავლენის ქვეშ იგი დიდ ხანს იმყოფებოდა“. გაბრიელი განუყოფელად იყო შეკავშირებული თავის სამწყსოსთან „ყველა ეროვნულის სიმებით“, როგორც „ღვიძლი მამა“. ქადაგებდა „წმინდა ზნეობას“, — ასე შეაფასა გ. ქიქოძის მოღვაწეობის შედეგი იაკობ გოგებაშვილმა.

გაბრიელ ეპისკოპოსის ხანგრძლივი და მრავალმხრივი საზოგადოებრივი მოღვაწეობიდან განსაკუთრებით ნაყოფიერი ხანა იმერეთის ეპარქიაში მღვდელმსახურების წლები იყო. ამ პერიოდში იმერეთის ეპარქია, ფაქტობრივად, მთელს დასავლეთ საქართველოს აერთიანებდა. სხვადასხვა დროს, იგი მოიცავდა სამეგრელოს, გურიას, აფხაზეთს, სვანეთსა და რაჭა-ლეჩხუმს.

ასე რომ, გაბრიელის საღვთისმსახურებლო ეპარქია, არსებითად, ნახევარი საქართველოსაგან შედგებოდა და მანაც აქტიურ მოღვაწეობას მიჰყო ხელი. იგი გახდა თაოსანი ყველა იმ საქველმოქმედო და კულტურულ-საგანმანათლებლო საქმისა, რომელიც კეთდებოდა იმ პერიოდისათვის. ამის შესახებ მრავალი კონკრეტული მაგალითის დასახელება შეგვიძლია გაბრიელის ცხოვრებიდან. იგი არ ყოფილა მხოლოდ საეკლესიო მოღვაწეობით შემოფარგლული მღვდელმთავარი და დაუღლელად წინამძღვრობდა საერო საქმეებსაც.

გაბრიელის მოსვლაზე იმერეთში „სარწმუნოებისათვის ერის გული მეტად გაციებული იყო, სამღვდლოება უმეცარი და ანგარებით იყო შეპყრობილი“. ბოროტება და ავკაცობა იმდენად აღზევებულაყო, რომ „ანგარი ხელი საქართველოს ერის წმინდა წმინდათასაც კი შეეხო. ეს ის დრო იყო, როდესაც გელათის ხახულის ღვთისმშობლის ხატი... გაძარცვეს... აი, ამ დროს მოვიდა იმერეთში გაბრიელ ეპისკოპოსი და თავისი მხნე მოქმედებით სუგეში სცა ზნეობით დაჩაგრულს სამღვდლოებას“ („კვალი“, 1893 წ., № 42, გვ. 2). ხალხმა გულით შეიყვარა მოყვასისა და პატიოსნების ქომაგი მოძღვარი, მის სიტყვას მიენდო, მისგან ნაქადაგევ საღვთო ქვეშაობას მიიპყრო გულისყური. ამიტომაც იყო, რომ გაბრიელისადმი სიყვარული და პატივისცემა დღითიდღე იზრდებოდა საზოგადოებაში და „მისნი ქადაგებანი... იმერეთის ეკლესიაში წირვის დროს ისე იკითხებოდა, როგორც წმინდა მამათა ნაწარმოებები“ (იქვე).

განსაკუთრებულ მზრუნველობას იჩენდა გაბრიელი ხალხის აწვალა-განათლებისადმი. მისი თაოსნობით დასავლეთ საქართველოში ასზე მეტი სამრევლო სკოლა და მრავალი ბიბლიოთეკა გაიხსნა. მისივე ხელმძღვანელობით ქუთაისში 1890 წელს დაარსდა ალთა სასწავლებელი, 1894 წელს კი სასულიერო სემინარია. გ. ქი-

ქომის შემწეობითა და დახმარებით მრავალმა ღარიბმა მოსწავლემ მიღო ვანათლება როგორც საქართველოში, ისე საზღვარგარეთაც. იგი მრავალ მოსწავლე ყმაწვილებს ხელს აწოდებდა. მრავალ ყმაწვილებს თავის სახლშიდევ ინახავდა, აძლედა მათ სასწავლებლებში და სწავლის ქირასაც მათ მაგიერ იხდიდა; იგი ისრე სიყვარულით და უიარალოთ ექცეოდა ამ ყმაწვილებს, რომ მათთან სადილობდა და ბაასობდა იმა მიზნით, რომელ მათში გაეღვიძებინა ყოველივე კეთილ-შობილური აზრი, დაენერგა მათ ნორჩ გულში სიყვარული სიმდაბლისადმი“ (დეკანოზ ი. ჭეიშვილის სიტყვა, ჟურნ. „მწყემსი“, 1896 წ., 3 თებერვალი, გვ. 4).

გაბრიელის აქტური ზრუნვის შედეგად მრავალი ეკლესია აიგო და შეკეთდა იმერეთის ეპარქიაში. მაგალითად, ნიკორწმინდისა, ბიჭვინთისა, მოქვისა, ილორისა... (სულ ორასზე მეტი). „ამ დიდ საკულტო აღმშენებლობით მოღვაწეობას თან ახლდა გაბრიელის მიერ თითქმის ყოველწლიურად საკმაოდ სოლიდური საკუთარი თანხის გაღება ეკლესიების მშენებლობაზე“ (შ. მეგრელიძე, მ. კეხევიძე. გაბრიელ ქიქოძე ქართულ სიძველეთა დამცველი, „განთიადი“, 1989 წ., № 5, გვ. 276).

ასევე აქტიურად იღწეოდა იგი ხალხის ცხოვრების პირობების გასაუმჯობესებლად. იყო გულუხვი შემწე და მწყალობელი ღარიბთა და დაერდომილთა, დააარსა სპეციალური სამზრუნველო სასულიერო წოდების ქვრივებისა და ობოლთათვის.

ერთი სიტყვით. გაბრიელ ეპისკოპოსი წარმოადგენდა უანგარო ქველმოქმედისა და მღვდელმსახურის იდეალურ მაგალითს, რის გამოც მრევლის უსაზღვრო სიყვარული დაიმსახურა.

„ქველმოქმედი და მოწყალე“ — აი, ჭეშმარიტად სამართლიანი. დამსახურებული სახელი ჩვენი სიამაყის გაბრიელისა, — ასე ახასიათებს მას მელიტონ კელენჯერიძე. — ამ მოჭირანხულე კაცის გული გაღებული იყო ყოველი ჭირვეული ადამიანისათვის და ყოველი საზოგადოებრივი საქმისათვის. ობოლი და ქვრივი. ღარიბი და სნეული, გასათხოვარი ქალი და თვალცრემლიანი დედა, დამწვარი და ბრმა. ბერი და მღვდელი. გარეშე და მოყვასი, განათლელი, ურია და თათარი, ყველანი თანაჯრძნობას პოულობენ ამ მღვდელმთავრის გულში და ნუგეშობენ მით (მ. კელენჯერიძე, დასახ. წიგნი, გვ. 149).



გაბრიელის აქტიური საზოგადოებრივი მოღვაწეობის დასტურად მაშინდელ პრესიდან და ეპისკოპოსის თანამედროვეთა მოკონებებიდან მრავალი კონკრეტული ფაქტის შოთანი შეიძლება გამოვლითად, ერთნაღ „მწყემსში“ (1896 წ., № 2) გამოქვეყნებული დ. ლამბაშიძის წერილით ვტყობილობთ, რომ „მისი მეუფების მეცადინეობით და შეგონებით იმერეთის ეპარქიაში აღმენდა რამდენიმე ათასი ქვიტკირის და ხის ახალი ეკლესიები; ქუთაისში მათი მეუფების თაოსნობით აშენდა მშვენიერი საკათედრო ტაძარი, წმინდა გიორგის და საფიჩხიის ამალღებს ეკლესიები, აშენდა ვრცელ შენობა ქუთაისის სასულიერო ოთხ-კლასიანი სასწავლებლისათვის. მათი მეუფების მეცადინეობით გაიხსნა სამრევლო სკოლები, რომელთა დაარსების გამო მათ მეუფებას დიდი უსიამოვნება შეხვდა ამ სკოლების მოწინააღმდეგე პირებთან“.

1887 წელს გაბრიელის თაოსნობით შეიქმნა „ქართული საეკლესიო გალობის აღმდგენელი კომიტეტი. იგი შედგებოდა საუკეთესო მაგალობლებისაგან. კომიტეტს... უნდა შეეგონებინა და ნოტებზე გადაეღო გალობანი, რათა შემდგომ თაობებს არ დაკარგვოდა ეს ფასდაუღებელი განძი“ (ნ. ნაღარაია, გაბრიელ ქიქოძის საზოგადოებრივ-საგანმანათღებლო მოღვაწეობა, „სკოლა და ცხოვრება“, 1984 წ., № 2, გვ. 49).

როგორც ვხედავთ, გაბრიელ ეპისკოპოსი აქტიურად იყო გატაცებული არა მარტო საეკლესიო, არამედ ერისკაცული მოღვაწეობითაც. იგი საფუძღვლიანად იცნობდა ჩვენი ხალხის ჳირ-ვარაძს და თავდაღებით იღვწოდა მისი დაძღვევისათვის. ამ მიზნით ძალიან ბევრს მოგზაურობდა თავის ეპარქიაში. თანამედროვეთა ცნობით, ფაქტობრივად, იმერეთში არ იყო სოფელი, სადაც გაბრიელი არ მისულიყო და არ ექადაღა. „მის დღიურში ხშირად შეხვდებოღით ცნობებს იმაზე, თუ რავდენი ქალი გაუმზიღებია, რავდენი ტყვე უხსნია, რავდენი უპატრონო მკვდარი დაუსაფლავებია, რავდენი ფართღეული უყიღია შიშვეღთა შესამოსად, რავდენი გზის ჳირა გადაუხსნია, რავდენი შეგირღისათვის სასწავლო ნიღთები უყიღია, რავდენი სნეული საავადმყოფოღში მიუტცია და უექიმებია...“

აღერ ხიღია ჩანგრეული და გაკეთება უნდა, იქ ეკლესიას სამკაული, ან გუმბათზე ჳვარი აკღია, იქ სკოღას... კონცერტი გაუმართა საქვეღმოქმედო მიზნით... ყვეღა ამ მოვღუნებს ჩვენი მღვდელ-მთავარი ეოთღულ გუშაღად უღღა. ხან ეკლესიას აშე-

ნებს, ხან სკოლას, ხან სასწავლებლებს მუდმივ ჯამაგირს უნიშნავს, ხან ომში დაპრილთათვის ფულს სწირავს, ხილების გაკეთებაში მონაწილეობას იღებს... სასწავლებლებში ისე როგორ დაესწრება, რომ ხუთი-ათი თუქანი არ შესწიროს“ (მ. კ ე ლ ე ნ ჯ ე რ ი ძ ე, დასახ. წიგნი, გვ. 149-150).

ასეთი იყო ის საქმიანობა, რომელსაც გაბრიელ ეპისკოპოსი ეწეოდა იმერეთის ეპარქიაში თავისი ხანგრძლივი მოღვაწეობის მანძილზე და რომელმაც ხალხის უსაზღვრო სიყვარული მოუპოვა მას. მის სახელთან განუყოფელად იყო დაკავშირებული გაჭირვებულთა იმედი, სასოება და ნუგეში. იგი იყო ზნეობისა და პატიოსნების საიმედო ფარი, ადამიანთათვის რწმენის მიმცემი და განმამტკიცებელი მოძღვარი, კაცი, ვისი პირითაც თითქოს თვით ღმერთი ქადაგებდა ქვეშარიტებას, საქმით კი პირადად იძლეოდა ამ ქვეშარიტებისადმი უანგარო და ფანატკური მსახურების მაგალითს.

„კვალის“ სარედაქციო წერილის ცნობით (1893 წ., № 42, გვ. 2), „იმერეთში არ დარჩენილა არც ერთი დავრდომილი, რომელსაც არ განეცაღოს მისი მოწყალება. არც ერთი კაცთმოყვარული საზოგადო დაწესებულება არ დაარსებულა იმერეთში, რომ გაბრიელი არ შეეწოდეს“.

მაგრამ ამ დიდ სიყვარულთან და მადლიერებასთან ერთად, უსიამოვნებაც მრავალგზის მიუყენებიათ, გულიც არაერთხელ უტკენიათ და დაუშსახურებელი წყენაც შეუხვედრებიათ. თუმცა, როგორც ღვთისმოსავი, საოცრად სულგრძელი და მიმტევებელი იყო. არასოდეს დაეშვებოდა ჭორის დონემდე, ვნებათა ღელვას არ აყვებოდა, არ აჩქარებოდა, ანგარიშის სწორებას არ მოყვებოდა და გულში ბოღმას არ ჩაიდებდა; პირიქით, დიდსულოვნად შეუნდობდა და აპატიებდა, რადგანაც ყოველ ადამიანში იგი, პირველ ყოვლისა, მოყვასს ხედავდა.

ამ პატიებაში გულწრფელად იგრძნობოდა გზადანეული და ცოდვით კონებადბნელებული კაცისთვის შემნდობად ხელის გაწვდენის სურვილი, მისი სულის გადარჩენისა და ბოროტების ტყვეობისგან დახსნისთვის უანგარო ზრუნვა. ვინ იცის, რამდენი ადამიანი გაუკეთილშობილებია მას ამ გზით და სიკეთის თესლი გაუღვივებია მის სულში. ამ შემთხვევაში იგი, როგორც ღვთისმსახური. დიდსულოვნად აკეთებდა უფლისგან შთაგონებულ საქმეს,

რადგანაც ღრმად სწამდა, რომ მისი უპირველესი მოვალეობა შუ-  
რისძიება კი არა, შენდობა და მიტევება იყო.

ნათქვამის დასტურად აქ ერთ ასეთ ფაქტს გავიხსენებ: 1875 წელს გაბრიელ ეპისკოპოსს ბრალად დასდეს გელათისა და ქუთაისის ეკლესიების სიძველეთა მოპარვა. ამის შესახებ საინტერესო დოკუმენტური მასალები მოიძია და გამოაქვეყნა ნ. ნადარაიამ (ვრცლად იხ. სამეცნიერო საინფორმაციო ბიულეტენი, 37-38, 1980 წ. ნ. ნადარაიას წერილი — „გელათის საქმე“ და გაბრიელ ქიქოძე“). ამ მასალებით უტყუარადაა დადასტურებული ეპისკოპოსისთვის წაყენებული ბრალდების სრული სიყალბე. მაგრამ ვიდრე სიმართლე გაირკვეოდა, მაშინდელ პრესაშიც, სასულიერო წრეებშიცა და ხალხშიც ათასგვარი მითქმა-მოთქმა თუ ჭორი გავრცელდა. დაინიშნა გამოძიება. შეიქმნა კომისიები, ცილისმწამებლები არ ცხრებოდნენ, საჩივარს საჩივარზე წერდნენ, მაგრამ საბოლოოდ ყველაფერი გაიკვია.

ანდა აკაკის მიერ მოთხოვნილი ასეთი ამბავი გავიხსენოთ: თავიდანვეო, — იგონებს მგოსანი, — გაბრიელ ეპისკოპოსის დიდი თაყვანისმცემელი ვიყავი და ვინც მასზე რაიმე ცუდს იტყოდა, კრიკაში ვეცემოდი ხოლმეო. მაგრამ მღვდელმთავრის მისამართით ნალაპარაკებმა ჭორებმა იმდენი ქნეს. მეც დამაბეჭვეს მის სიწმინდეშიო. გაბრიელს თურმე ბრალად დებდნენ, ეპისკოპოსი შენდობის წიგნს კითხულობს და ინდულგენციებს ჰყიდისო. ერთხელაც, სრულიად მოულოდნელად, აკაკიც გამხდარა ამ ფაქტის მოწმე-ალშფოთებულმა, — დასძინს მწერალი, — მაშინვე გასაკიცხი წერილ\* დავეწერე და „დროების“ რედაქციაში ვაპირებდი დასაბეჭდად გაგზავნასო. მაგრამ ვიდრე გაგზავნიდა, გადაუწყვეტია სტატია თავად მღვდელმთავრისთვის ეჩვენებინა და მისი აზრი პირადად გაეგო. გაბრიელმა მშვიდად და ღიმილით მოუსმინა თურმე, ბოლოს საზოგადოებრივი საქმით დაინტერესება შეუქო აკაკის და თავისი მოქმედების არსი ამგვარად აუხსნა:

„შენც კარგად იცი, რომ მე ახალჩამოსულობაზე პირველ ხანებში... საწირავსაც არ ვიღებდი... გამოცდილებამ სულ სხვა რამეზე დამარწმუნა: ჭერ ერთი, ეს, რომ ჩვენ ხალხს ადრიდანვე ჩვეულებად ჰქონია გადაქცეული!.. როცა შენდობას ითხოვს, ცხადია, რომ ის თავის გულში იხედება, სინანულში ვარდება და ეს კარგია... ამ გვარი რამ აღამიანს გულიდან არ უნდა ამოურეცხო! და რაც

შეეხება სასყიდლის აღებას, ეს ისე აუცილებელ და საჭირო ძღვნად მიაჩნია ჩვენ ხალხს, როგორც ხატის წინ სანთლის ანთება! ამის აკრძალვას ისე მიიღებს, როგორც სანთლს ანთების დაშლას. ახლა პრაქტიკულად გავსინჯოთ ეგ საქმე. ის თვითო-ორი წელიწადი. რომელსაც იძლევიან თავის სურვილით, ამით არაუ დააკლდებოთ. ბევრი მთგანი სულ ცუდად დახარჯავს წარა-შარა სადმე დუქანში ლოთობის დროს და მე კი ვაგროვებ და საზოგადო დანიშნულებას ვაძლევ. ამგვარად მათი წვლილის შეგროვება და ხარჯვა შემწირელებისთვისაც მაღლია და ქვეყნისთვისაც სასარგებლო. აი ეს არის ჩემი აზრი და ჩემი შეხედულება და შენ როგორც გინდოდეს ისე მოიქცი, გინდ გაგზავნე ეგ სტატია დასაბეჭდად და გინდ „არაო“ (ა. წერეთელი, თხზ. სრ. კრებ. ტ. XIII, 1961 წ. გვ. 476).

გაბრიელ ეპისკოპოსის პასუხით თვალახელილი „სინანულში ჩავეარდი და უფრო ფრთხილად ვეკიდებოდი საქმესო“, — შენიშნავს იქვე აკაკი და ნატრობს: „გაბრიელისთანა მოძღვარი რომ ჩვენ ახალგაზრდობასაც გამოუჩნდებოდეს ხოლმე, მაღლია! — მაშინ ისინი ბევრ შეცდომას აიციდენდნენ თავიდანო“.

განსაკუთრებით ზრუნავდა გაბრიელ ეპისკოპოსი სასულიერო პირობა ზნეობრივი სიწმინდის დასაცავად. მღვდელმსახური, ვინც სხვას უნდა შთააგონებდეს ზნეობრივ სისპეტაკესა და პატიოსნებას, უპირველეს ყოვლისა, თავად უნდა იყოს მორალურად სუფთა კაცო. სანწუხაროდ, სინამდვილეში ყოველთვის როდი იყო ასე. სასულიერო წოდების წარმომადგენელთა შორის ანგარებით მოხვედრილნიცა და გამოძალავებულნიც საკმაოდ იყვნენ. გაბრიელმა იმერეთის ეპარქიაში ეპისკოპოსად კურთხევის პირველი დღეებიდანვე მიზნად დაისახა მათთან უკომპრომისო ბრძოლა და ბევრი მათგანი გააძევა ეკლესიიდან, რის გამოც პრაქტიკული უსიამოვნებაც შეხვდა.

ამასთან დაკავშირებით საინტერესო ცნობას გვაწვდის ექვთიმე თაყაიშვილი (იხ. მისი — რჩ. ნაშრომები, ტ. I, 1968 წ. გვ. 256). გაბრიელის ეპისკოპოსობის დროს სამეგრელოს მღვდელმთავრად ყოფილა გრიგოლ დადიანი, „რომელსაც ბევრ უზნეობას სწამებდნენ“. გაბრიელს ჩამოეგდო ამის შესახებ მასთან ლაპარაკი, დადიანს ეს შეურაცხყოფად მიუღია და ეთქვა: - „მეც ისევე მღვდელმთავარი ვარ, როგორც თქვენ და ასეთი ამბავი ჩვენს შორის არ

ეგებისო“. გაბრიელს უპასუხია: „მართალია, მღვდელმთავარი კისართ, მაგრამ პავლე მოციქული ამბობს, ვამხილოთ ერთმანეთიო“.

ასე ებრძოდა გაბრიელ ეპისკოპოსი ანგაზებიან მღვდლებს. ეს ბრძოლა არ იყო იოლი, რადგანაც, დამკვიდრებული ტრადიციის თანახმად, ხშირად მღვდლად ინიშნებოდა „აა“ ის, ვინც მეტი იყო და უფრო ღირსი იყო, ანამედ ის, ვისაც სახსრები ნებას აძლევდა მოეგო გამომცდელის გული“ (ი. გოგებაშვილი, თხზ. ტ. III, 1954 წ., გვ. 44). როგორც ვხედავთ, სასულიერო თანამდებობანი ზოგჯერ ვაქრობის საგნად იყო ქცეული, რის აღსაკვეთადაც გაბრიელმა თავდადებული ბრძოლა გააჩაღა.

ამ ამბით განაწყენებულები გაბრიელის სიკვდილის შემდეგაც კი ცდილობდნენ მისთვის სამაგუროს გადახდას და მის სახელს აუგით იხსენიებდნენ. ამის დასტურად აქ გავიხსენებ ერთ ცნობილ ფაქტს. გაბრიელის გარდაცვალების გამო რუსულ გაზეთ „კავკაზში“ ილია ხონელმა დაბეჭდა ნეკროლოგი, სადაც დამკვიდრებული იყო ეპისკოპოსის ღვაწლი. ამის მიზეზი ყოფილა გაბრიელისა და ილიას შორის — მღვდელ ლუკა ბახტაძის სამსახურებრივი შეტაკება, რაც ილიას მარცხით დამთავრდა.

„გაბრიელ ეპისკოპოსი, — წერდა ილია ხონელი, — პირი ყოველად განათლებული თავისი დროის შესაფერისათ. ჩინებული პედაგოგი, გენოციარი ორატორი. ვერ იყო ადმინისტრატორი... ამისთვის მას აკლდა ის სულის სიშვეიდე, ბუნების თანაბრობა. ის პირუთვნელობა თავის თავისა და სხვათადმი. რაიც კაცს სიფრთხილეს აჩვევს... თითქმის შეუძლებლათ მიაჩნდათ მასთან საქმის დაქერა ძალიან მძიმე ხასიათის გამო. მისი მკაცრი (деспотическая натура) ხასიათი წინააღმდეგობას ვერ იტანდა და ხშირად იქცეოდა ისე, რომ სამართლიანათ ეწოდა მას სახელი „მებრძოლი ბერისა“. ის ყველაზე ექვიანობდა, ყველას ერჩოდა, ყველასთან სამომარ ფეხზე იდგა“ (ეს ნეკროლოგი 1896 წლის მე-8 ნომერში გადმობეჭდა „კვალმა“ ი. ხონელის იმ სტატიათან — „ლია წერილი ბ. ილია ჭავჭავაძისადმი“ — ერთად, რომელიც ნეკროლოგის ავტორმა „ივერიის“ კრიტიკის საპასუხოდ დაწერა).

ილია ხონელის ნეკროლოგის საპასუხოდ, „ივერიის“ 1896 წლის 32-ე ნომერში ხელმოუწერლად დაისტამბა ილია ჭავჭავაძის წერი-

ლი, საღაც მკაცრადაა გაკრიტიკებული ი. ხონელი გაბრიელის დე-  
წლის დამცირების გამო.

ილია წერდა: „ვთქვამ, რომ ჯერ, როცა ამისთანა კაცი საფლავში  
არ ჩაგვისვენებია, როცა მისი წმინდა გვამი თითქოს არც კი გაცი-  
ვებულა, ჩვენი რუსული გაზეთი „კავკაზი“ გვიგინებს მიცვალე-  
ბულსა, მთელს საქართველოს წმინდა ცრემლში ურევს უწმინ-  
დურს დორბლს, ილია ხონელისას და ზედ აყრის ჯერ არ გაცივე-  
ბულს გვამსა“.

ილიას აზრით, ესაა მოუთმენელი შეურაცხყოფა მთელი ქარ-  
თველი ხალხისა, რადგანაც „ეგ კაცი ჩვენი სახელი იყო და არის,  
ჩვენი ღირსება იყო, არის და იქნება კიდევ, ვიდრე ქვეყანაზე სი-  
ტყვა „სამართალი“ არ გაუქმდებია, ისე როგორც გაუქმებია იგი  
ჩვენს საყვარელ ილია ხონელს, რომლის პირითაც მოგვდგომიხართ  
და საყვარელს მკვლარსაც არ გვამარხვინებთ შეუგინებლად. აქ ან  
საბუთი ან ბოღიში!.. სხვა არაა დააწყენარებს აღშფოთებულ გულს  
პატიოსანის კაცისას“.

ცოტა უფრო ადრე კი („ივერია“, 27-ე ნომერი) სარედაქციო  
წერილში ილია წერდა: „გაზეთი „კავკაზი“ არა სცსრება. არ იქნა,  
ჩვენი ქართველური ევერა მოვაწონეთ-რა. მოწონებას ვინა ჰფიქ-  
რობს. შესაძლოა ბევრი წუნი გექონდეს და რად უნდა აეკრძა-  
ლოს გაზეთს გამოგვიმეღავნოს ის წუნი. ოლონდ ყველაფერს, ქე-  
ბა იქნება თუ კიცხვა, სამართლიანი მიზეზი უნდა ჰქონდეს. მხო-  
ლოდ მაშინ აქვს ფასი ქებასაც და კიცხვასაც...“

არც ერთი ჩვენ მიერ დაწყებული და წარმართული საქმე არ  
გადარჩენია „კავკაზს“, რომ ილია ხონელის წარამარა კალმის წვე-  
რით არ ააგდოს ქება და არ შეუშვიროს თავი... „კავკაზს“ ყოველივე  
ქართული თვალში ეკლადა აქვს გაყრილი“, ცდილობს, „ყველა-  
ფერს სახელი გაუტეხოს, თავზე ლაფი დაასხას, მიწასთან გაასწო-  
როს, გაჩენისვე უმალ მოაკვდინოს“. ეს იმიტომაც ზღებო, — უმა-  
ტებს ილია გაზეთის 32-ე ნომერში დასტამბულ წერილში, — რომ  
რუსებმა ჩვენში ეროვნული გრძნობის გაღვივება და, მათ შორის,  
გაბრიელ ეპისკოპოსის გარდაცვალებით გამოწვეული სახალხო  
მწუხარება „ნაციონალური მოძრაობის გამოვლინებად მიიჩნიეს“.

როგორ ჰგავს ეს ყველაფერი ხილულად თუ შენიღბულად მიმ-  
დინარე იმ ბრძოლას, რომელსაც ქართველი ხალხის წინააღმდეგ  
დღესაც აწარმოებს რუსული პრესა. იგივე ლანძღვა-გინება, თავს

ლაფის დასხმა, ბოლშევიკთა და შურით გაქცეული სტატიები... თითქოს არაფერიც არ შეცვლილა კონკრეტული ავტორების გარდა. კოლონიური ჩაჯვრისა და ეროვნული ფესვების ამოძირკვის ძველი ხერხები და საშუალებანი კვლავინდებურად უცვლელი ფორმითაა გამოყენებული.

მიუხედავად იმისა, რომ ილია ხონელს. მან და მისმა ძმამ შემდეგ წლებშიც აქტიურად გააგრძელეს გაბრიელის სახელის წასაბილწად ბრძოლა. 1916 წელს ეურნალ „ცხოვრების“ XVII — XVIII ნომერში ილია ბასტაძის ძმამ — ლუკამ დაბეჭდა წერილი, სადაც ერთხელ კიდევ გალანძღულია და შეურაცხყოფილი გაბრიელ ეპისკოპოსი. ამ ფაქტმა აღაშფოთა საზოგადოება. მკაცრად შეუტიეს ეურნალის რედაქტორ რომანოზ ფანცხავასაც (ხომლელს), რომელიც ამის გამო ლუკას პირად წერილში წერდა: „საშინელი შედეგი იქონია შენმა წერილმა გაბრიელზე. ვინც კი იწერდა „ცხოვრებას“, ყველამ უკან გამომიბრუნა — არა, ჩვენ ოჯახში ამისთანა ეურნალს ვერ შევიტანთო. შარშან გაბრიელის უფლისთვის ჩამომეცალა 80 — 100 ხელმომწერი“

ასე შეიხსნა ხალხმა სტატიის ავტორიცა და ეურნალის რედაქტორიც საყვარელი მღვდელმთავრის სახელის დაუმსახურებელი შეურაცხყოფისათვის. შეურაცხყოფელი და აღმამფოთებელი კი წერილში ბევრი რაზმა. ავტორის აზრით, გაბრიელი ის კაცი იყო, რომელიც „სხვის თვალში ბეწვს ეძებდა და თავის თვალში კი დვირეს ვერ ამჩნევდა“. იგი ბრალს დებდა აგრეთვე მას გელათის „გაძარცვაში“ და ბედის ირონიას ხედავს იმაში, რომ ქართველმა ხალხმა „საუკუნო მონათ მიუსაჯა გაბრიელს მისგან გაცარცული გელათი“ (ამ ფაქტთან დაკავშირებით უფრო ვრცლად იხ. ს. სხირტლაძის სტატია: — ილია ჭავჭავაძის ერთი უცნობი წერილისა და მისი გამომწვევი მიზეზის გამო, „მნათობი“, 1959 წ., № 10).

მაგრამ, როგორც ითქვა, ასეთ ავყია მოპაექრებებს აღმფოთებით ხედებოდა საზოგადოება. ჩვენი ინტელიგენციის საუკეთესო წარმომადგენლებს საქებარი სიტყვა არ დაუშურებიათ გაბრიელ ეპისკოპოსის დიდი მამულიშვილური ღვაწლის დასაფასებლად. ამ თვალსაზრისით განსაკუთრებით გამოირჩეოდნენ ილია ჭავჭავაძე და გაბრიელის ყოფილი მოსწავლე იაკობ გოგებაშვილი.

ზემოთ უკვე მოხსენიებული და მკითხველისთვის კარგად ცნობილი ილიას გამოსათხოვარი სიტყვის გარდა, აქ დავასახელებ შე-

დარებით უცნობ მასალას, საიდანაც ნათლად ჩანს ამ ორი დიდი ქარველი მოღვაწის დამოკიდებულება გაბრიელისადმი. მსედველობაში მაქვს ზაქარია კიკნაძის მიერ მიკვლეული სამი წერილი (იხ. უფრ. „კომუნისტური აღზრდისათვის“, 1956 წ., № 6, გვ. 32—83), რომელნიც საქართველოს ცენტრალურ სახელმწიფო საისტორიო არქივშია (ფონდი 481, საქმე № 278. ფურც. 12) დაცული.

1890 წლის 21 ნოემბერს ი. გოგებაშვილმა ქართველთა შორის წერა-კითხვის გამავრცელებელ საზოგადოებას წარუდგინა მოხსენება გაბრიელის საპატიო წევრად არჩევის თაობაზე. მასში ეწერა: „გაბრიელმა, ეპისკოპოსმა იმერეთისამ, ფრიად დიდი სამსახური გაუწია ხალხის განათლებას საქართველოში.

პირველად: ორკლასიან, კეთილმოწყობილი სკოლის დაარსებით გურიაში სოფელ ბახში თავისი საკუთარი ხარჯით...

მეორედ: მრავალი სამრეკლო სკოლების დაარსებით თავის ეპარქიაში და სხვა ღონისძიებებითაც, რომელთა წყალობით წერაკითხვა ეხლა ძლიერ გავრცელებულია იმერეთის მხარეში.

მესამედ: თავისი ფრიად შესანიშნავი ქადაგებით, ხალხისთვის გასაგები ენით დაწერილნით, რომელსიც ორ ტომად დაიბეჭდნენ. რამდენიმე გამოცემად და რომელნიც ინგლისურს ეხაზედაც კი თარგმნენ.

და ჴოთხედ იმით, რომ თავდაპირველადვე... გაბრიელმა ნამდვილი თანაგრძნობა გამოუჩინა ჩვენს საზოგადოებას, წესდებულებას ხელი მოაწერა, როგორც დამფუძნებელმა წევრმა და იმ თავითვე შემოიტანა ოცდაათი თუმანი ფული ხვედრი დამფუძნებელ წევრობისა და ყოველ წლივ შემოაქვს საწევრო ფული“.

ამ დროისათვის „ქართველთა შორის წერა-კითხვის გამავრცელებელი საზოგადოების“ თავმჯდომარედ ილია ჭავჭავაძე ბრძანდებოდა და, ცხადია, გაბრიელის საპატიო წევრად არჩევას ვერაფერი დააბრკოლებდა. ასეც მოხდა. ამ ფაქტთან დაკავშირებით ილიამ გაბრიელ ეპისკოპოსს ასეთი წერილი მისწერა:

„ქართველთა შორის წერა-კითხვის გამავრცელებელ საზოგადოების“ საერთო წევრთა კრებამ 21 ნოემბერს 1890 წ. ერთბაშად აღიარა უღრმესის პატივისცემით და გულითადის მადლობით თქვენი შრავალგვარი სამაგალითო მოღვაწეობა საზოგადოდ და ქართული მწიგნობრობის გავრცელებისათვის საკუთრად და ერთხმადვე,



დაადგინა უმორჩილესად გთხოვთ მიიღოთ ამ „საზოგადოების“ საპატიო წევრობა, რათა თქვენი ბრწყინვალე სახელი ჩაერთვას მისთა საქმეთა და თქვენმა მონაწილეობამ გაუადვილოს „საზოგადოებას“ გზა მისაღწევად მისდა დანიშნულებისა.

უმორჩილესად მოვასხენებ რა თქვენს ყოვლად უსამღვდელოებას ამ განაჩენს „საზოგადოებისა“, ვალად ვრაცხ ზედ დავძინო, რომ „საზოგადოების“ გულწრფელი ნატურა ინებოთ თქვენ მისი საპატიო წევრობა მისდა სასიკაჯულოდ და თავ-მოსაწონად“.

ილიას ამ წერალს უღრმესი მაღლობით გამოეპასუხა გაბრიელ ეპისკოპოსო. „უმორჩილესად გთხოვთ, — წერდა იგი ი. ჭავჭავაძეს, — გადასცეთ ჩემგნით „ქართულთა შორის წერა-კითხვის გამავრცელებელი საზოგადოების“ კრებას, რომ დიდ პატივად და ჯილდოდ ვრაცხ ჩემ თავს მათგან საპატიო წევრად აღჩვენას; ამისთვის მზად ვარ მივიღო ჭეოვანი მონაწილეობა მაგა საზოგადოებაში, რომელსაც ამისთანა მოწოდებისათვის შევწირავ უკუ-ლითადეს მაღლობას. ხოლო თქვენ ბრწყინვალეობას ვსთხოვ მიიღოს ჩემგან უღრმესი და უწრფელესი მაღლობა თქვენ წერალში გამოთქმული პატივისცემისათვის. მე არ ვრაცხ ჩემ თავს ღირსად ამ საქმისა, რომელიც ამოვიკითხე თქვენ წერალში და ვგონებ ერთმა ხბოლოდ თქვენმა მეგობრულმა ჩემდამი განწყობილებამ შეგაკონათ თქვენ ჩემდამი ამოდენი ჩემი ქება“.

ზ. კიკნაძის მიერ მიკვლეული და გამოქვეყნებული ეს დოკუმენტები ნათლად გაჰოხატავენ იმ პატივისცემას, რომელსაც ჩვენი ინტელიგენცია იჩენდა გაბრიელ ეპისკოპოსის ნაყოფიერი კულტურულ-საგანმანათლებლო მოღვაწეობისადმი.

სწავლა-განათლების საქმით გაბრიელის განსაკუთრებული დანტერესება შემახვევითი მოელენა არ ყოფილა. როგორც უკვე ვნახეთ, იგი თავად იყო დიდი პედაგოგი და თავარი ცხოვრების მოწოდებად მასწავლებლობას მიიჩნევდა, რაც პრაქტიკულად გამოვლინდა კიდევ მისი პედაგოგიური მოღვაწეობის წლებში. გაბრიელ ეპისკოპოსის სამასწავლებლო საქმიანობა განუყოფლადაა დაკავშირებული მის მეცნიერულ კვლევა-ძიებასთან. ამ კუთხითაც მან, როგორც მკვლევარმა და სწავლულმა, საგულისხმო წარმატებები მოიპოვა.

ამის დასტურად საკმარისია გავიხსენოთ ფართოდ განმაურებული მისი ნაშრომი „ცდისეული ფსიქოლოგიის საფუძვლები“, რომ-

მელიც რუსულად დაიბეჭდა 1858 წელს. მრავლისმთქმელია ის ფაქტი, რომ ნაშრომს მაღალი შეფასება მისცა ნ. ა. დობროლიუ-ბოვმა, რომლის რეცენზიაც ურნალ „სოვრემნიკის“ 1859 წლის მესამე ნომერში დაიბეჭდა. „ცდისეული ფსიქოლოგიის საფუძვლების“ მეცნიერულ ღირსებებზე არაერთგზის გაუმახვილებიათ ყურადღება სპეციალისტებს (ა. ბოკოროვი, თ. კუკავა, ვ. გურგენიძე...), რომლებიც ნათლად წარმოაჩენენ გ. ქიქოძის ფართო მეცნიერულ განსწავლულობასა და ერუდიციას. მათი აღიარებით, გაბრიელის ნაშრომი მაშინდელი ფსიქოლოგიური მეცნიერების განვითარებაში ახალ ეტაპს ქმნის. წიგნისადმი ინტერესს ზრდიდა ის გარემოებაც, რომ იგი გასული საუკუნის სამოციან წლებში მთელი რუსეთის იმპერიაში, ფაქტობრივად, ფსიქოლოგიის ერთადერთ სახელმძღვანელოდ იყო მიჩნეული.

\* \* \*

თავისი ეროვნული მსოფლმხედველობით გაბრიელ ეპისკოპოსი ღირსეული წარმომადგენელია მე-19 საუკუნის ქართული პროგრესული ინტელიგენციისა. იგი თავგამოდებით იღვწოდა ქართველთა ეროვნული თავისთავადობის შენარჩუნებისა და განმტკიცებისათვის, გმობდა და უპირისპირდებოდა რუსი კოლონიზატორების ყოველგვარ ცდას, ხელეყოთ და მოესპოთ ჩვენი ხალხის ისტორიული ფასეულობანი.

ამ თვალსაზრისით განსაკუთრებით უნდა აღინიშნოს მისი ღვაწლი მშობლიური ენის უფლებათა დასაცავად. დასაცავი კი ბევრი რამ იყო. გადაგვარების მოსურნენი, სამწუხაროდ, გართეაც მრავლად იყვნენ და შინაც იპოვებოდნენ. ხელისუფლება ყველა გზასა და საშუალებას მიმართავდა საიმისოდ, ხალხის ცნობიერებიდან ერთიანად ამოეძირკვა ეროვნული ფესვები. ერთ-ერთი იყო სასწავლებლიდან ქართული ენის გაძევების მცდელობა, რასაც არაერთგზის მიმართეს. ერის მოწინავე შვილები თავდადებით ებრძოდნენ მთავრობის ასეთ პოლიტიკას და საკადრის პასუხს სცემდნენ მტრებს.

ამ ნაქმეში დიდი დამსახურება მიუძღვის გაბრიელ ეპისკოპოსსაც. როგორც ცნობილია, იგი გაბედულად აღუდგა წინ კავკასიის სასწავლო ოლქის მზრუნველს — პ. იანოვსკის, რომელიც ყოველნაირად ცდილობდა ქართული ენის გაძევებას სასწავლებლებიდან.

ამ შემთხვევაში გაბრიელი ღირსეული თანამოაზრე და თანამებრძოლი აღმოჩნდა ილია ჭავჭავაძისა და მისი თაობისა და მათთან ერთად გაბედულად გაილაშქრა იანოვსკის შავრაზმული პოლიტიკის წინააღმდეგ. ილიას სიტყვებით. „იგი ქრისტეს ჭვრით ხელში თავგამეტებით იღგა ჩვენის ენის მწედ და მფარველად“.

გაბრიელის ეროვნული თვალსაზრისის საფუძველთა საფუძველად ქცეული იყო შეუფალი რწმენა იმისა, რომ ხალხის „ინდივიდუალობის უმთავრესი ელემენტი არის ენა... ძნელია და შეუძლებელი ხალხისთვის მისი მოსპობა“ (ეჟურ „მოამბე“, 1896 წ., № 3, გვ. 99).

სწორედ ამ შეუძლებლის მიღწევას ცდილობდნენ რუსი კოლონიზატორები, რომელთაც სურდათ ენის წართვივით ეროვნული სახე დაეკარგათ ქართველი ერისათვის და გადაეგვარებინათ იგი. სამწუხაროდ, იშვიათად, აღწევდნენ კიდეც მიზანს, რადგანაც ჩვენს ხალხს იც გამოერეოდნენ ისეთი „რუსეთუმე“ ლამურები. რომლებიც პირადი კეთილდღეობის მოპოვებისთვის „ფხვებზე იკიდებდნენ“ ერსაც და ქვეყანასაც. უფრო მეტიც, იყვნენ ისეთებიც. რომლებიც არათუ თავად თმობდნენ მშობლიურ ენას. არამედ, საზოგადოდ. ქადაგებდნენ „მეცნიერულ თეორიას“ „პატარა“ ერების გაქრობისა და „დიდ“ ხალხებთან მათი აუცილებელი შერწყმის შესახებ. ეს მათ „უნივერსალურ-სოფლიო კანონად“ მიაჩნდათ, რომელსაც წინ ვერაფერი აღუდგებოდა. ასე ცდილობდნენ იმპერიის ნასუფრალით მოსყიდული ეს „ინტერნაციონალისტები“ კიდე უფრო განემტკიცებინათ საქართველოში რუსული კოლონიალიზმი.

ერთ-ერთი ასეთი ვაი-ქართველი იყო მუხრანსკი. რომელიც რუსულ ენაზე გამოცემულ ბროშურაში ამტკიცებდა „პატარა“ ერების, და მათ შორის, რასაკვირველია. ქართველი ერის. „დიდ“ ხალხში ვატყვეფს აუცილებლობას. მუხრანსკის ამ სამარცხვინო „თეორიას“ გაბედულად აღუდგა წინ ხალხი. იგი „დაპგმო და შეაჩვენა ჩვენმა მწერლობამ. ინტელიგენციამ, თავადაზნაურობამ, სამღვდლოებამ, მთელმა საქართველომ. თვით მშვიდობიანი და მომთმენი გაბრიელი ააღელვა, შეაძრწუნა ამ უკულმართობამ და მოაწერინა ავტორისათვის წერილი, რომელშიც იგი აბრალებდა მას უღმობელობას, უდიერობას... იგი უმტკიცებდა უკულმართის წიგნაკის ავტორს რომ... განათლება, ყოველი პროგრესული მიმართულება ჩვენს ხალხში შეიძლება გავრცელდეს მხოლოდ ქართულის ენის

მეოხებით“ (ი. გოგებაშვილი, თხზ. ტ. III, 1954 წ., გვ. 338).

მუხრანსკისადმი მიწერილ წერილშიც და სხვაგანაც გაბრიელ ეპისკოპოსს არაერთხელ გამოუთქვამს თავისი გულსწყალობა: ეროვნული გადაგვარების ამ მომაკვდინებელი საფრთხის გამო და დაუკმა მშობლიური ენისადმი გულგრილი დამოკიდებულება. „რას ვშვრებით, რას ვსწავლობთ: სად მივდივართ? — შეშფოთებული კითხულობდა იგი ერთგან და იქვე უმატებდა: — მხოლოდ რუსულად ლაპარაკში ხედავენ განათლებას: დაუვიწყრიათ ყოველი კარგი, რაც მოსაწონი იყო ძველ დროებაში: ნაცვლად ამისა ეჩვევიან ყოველსა ცუდსა და საძაგელსა.“

გაბრიელ ეპისკოპოსი თავის სარწმუნოებრივ და ეროვნულ მოვალეობად თვლიდა გამოეფხიზლებინა და სატანის ტყვეობისაგან დაეხსნა ვადაგვარების გზაზე ფეხშეღმული ყოველი ქართველი. ჰკუთხე მრევლანა. გონების თვალის ახილა, გაეღვიძებინა მთელეპარე ეროვნული ცნობიერება. მისი „მოწოდება იყო. ადამიანისთვის დებრუნებია ადამიანობა — რწმენა. იმედი და სიყვარული: გდაერჩინა საუკუნეების მანძილზე დამპყრობელთაგან მოსპობის პირამდე მიყვანილი ეროვნული ენერგია და ხალხში შეეტანა ქრისტიანული სამართლიანობის ნათელი შუქი...

მართალია. მწიგნობარი და პედაგოგი. უპირველეს რიგში, იყო ქრისტიანობის მსახური, ღვთის მეტყველი, მაგრამ სასულიერო მოღვაწეობა სრულიადაც არ უშლიდა ხელს ყოფილიყო „მიწიერა“. განსაკუთრებით მაშინ. როცა საქმე ეხებოდა ეროვნული სულის გადარჩენას“ (ვახტანგ გურგენიძე. დასახ. ნაშრომი. გვ. 3).

ამ მიზნით დაიწერა გ. ქიქოძის მრავალი წერილი და ქადაგება. მათ შორის 1872 წლის 21 ნოემბერს მუხრანსკისადმი გაგზავნილი ბარათიც. სადაც დიდი ტაქტიკით და ქრისტიანული თავშეკავებულობით, დინჯად და დასაბუთებულად. ესწრაფვის ეპისკოპოსის დაბნელებული გონება გაუნათოს უბადრუკი „თეორიის“ ავტორს.

ამ თვალსაზრისით, პირველ ყოვლისა, იგი ცდილობს თავისი შეხედულება ისტორიიდან მოხმობილი მაგალითებით განამტკიცოს და დაასაბუთოს. „რით ამტკიცებ შენ. რომ ის მოვლენა (მცირე ხალხის ენის განქარება) არის პუნების წესი?“ — ეკითხება გაბრიელ ეპისკოპოსი მუხრანსკის (დასახელებული წერილი იხ. კრებულში — „სულმნათი გაბრიელის საუნჯე“. 1897 წ.). — პირიქით. ხალხი უნდა ეცადოს ენის გავრცელებას, გამდიდრებას და არა

დამარხვასა და დაკარგვას“. გაბრიელი თელის, რომ „ხალხის ინდივიდუალობის უმთავრესი ელემენტი“ სწორედ ენა არის. მშობლიურ ენას მოკლებული ყოველი ხალხი მოკლებულია ყოველგვარ ინდივიდუალურ ნიშან-თვისებას და „უსარგებლოა თავისთვისაც და სხვისთვისაც“.

ეს მით უფრო უნდა ითქვას ისეთი დიდი ისტორიისა და კულტურის მქონე ერებზე, როგორებიც ქართველები და სომხები არიან. მათი ბრწყინვალე წარსული არავითარ საფუძველს არ იძლევა იმგვარი ნიპილიზმისათვის, სადაჰდეც მუხრანსკი მიდის თავისი უბადრუკი „თეორიით“. ენისა და ერის სიდიდე და ისტორიული ფუნქცია ხალხის რიცხოვრივი რაოდენობით არ განისაზღვრება. „ქართველის და სომხების ენანი, — წერდა გაბრიელი, — თუშკა მცირე ხალხების ენანი არიან, მაგრამ არა ღარიბნი. ამ ენებს აქვს მწივნობრობა. ლიტერატურა, საღმთო წერილი, წმ. მამათა წერილნი ნათარგმნი. ამ ორ ენაზე ყოველი მეცნიერება და აზრი გამოითქმის. მათ აქვსთ ორი ათასი წლის მეტი ისტორია. ისინი იყვნენ ოდესჲმე თვით მდგომარენი სახელმწიფონი: ერთი სიტყვით აქვთ მათ ყოველი ელემენტი არსებობისა და სიცოცხლისა. ამისთვის მათი ენის განქარვება ძნელად საფიქრებელია, შეუძლებელია“.

მშობლიური ენის უფლებათა დაცვისათვის ბრძოლა გაბრიელ ეპისკოპოსმა განუყოფელად დაუკავშირა ქართულ ენაზე სწავლების საუცილებლობის მოთხოვნას. ეს ყველაზე მეტად, როგორც ითქვა. იანოვსკისთან გამართულ ბრძოლაში გამოჩნდა. იანკოვსკი, რომელიც კავკასიის ოლქის მზრუნველი იყო 1878-99 წლებში. შეეცადა მთლიანად განედევნა სკოლებიდან ქართული ენა და მის მაგივრად რუსული დაემკვიდრებინა. მის ამ მისწრაფებას გაბედულად აღუდგა წინ ჩვენი ინტელიგენცია. მათ შორის იყო გაბრიელიც.

როგორც ცნობილია, გ. ქიქოძე, ვიდრე მღვდელმთავარი გახდებოდა, აქტიურ პედაგოგიურ მოღვაწეობას ეწეოდა და ყველანაირად ცდილობდა სწავლების პროცესი პროგრესულ დიდაქტიკურადმზრდელობით პრინციპებზე დაეფუძნებინა. მან, რუსულად განათლებამიღებულმა ქართველმა კაცმა, შესანიშნავად იცოდა მშობლიური ენის მნიშვნელობა სწავლების საქმეში. ღრმად სწამდა, რომ „თუ სწავლა სკოლაში მშობლიურ ენაზე არ სწარმოებს. ფუქია ყოველი შრომა და მეცადინეობა. არა თუ დაბალ სკოლებში, გიმნაზიებშიც სწავლება სამშობლო ენაზე უნდა იყოს. რა დიდი

შეცდომაა, როცა ზოგიერთების აზრით არა თუ სხვა საგნები, ასე განსაჯეთ, საღვთო სჯულიც უცხო ენაზე უნდა ისწავლებოდეს“.

რა გასაკვირია, რომ ამ მსოფლმხედველობის კაცს თავდადებით ეღვაწა მშობლიური ენის უფლებათა დასაცავად და გაბედულად ებრძოლა ყველას წინააღმდეგ, ვინც ამ თვალსაზრისს დაუპირისპირდებოდა. ბრძოლა კი, როგორც ითქვა, ნამდვილად იყო საკირო, რადგანაც არაერთხელ გაჩენილა საფრთხე სკოლებიდან ქართული ენის გაძევებისა.

ამის თაობაზე ბევრი თქმულა და დაწერილა, მაგრამ ამ საკითხზე ერთხელ კიდევ უნდა გავამახვილოთ ყურადღება, რათა სრულყოფილად შევაფასოთ გაბრიელ ქიქოძის, როგორც მამულიშვილის, ეროვნული მრწამსი. „1892 წელს კავკასიის სასწავლო ოლქის მზრუნველმა კ. პ. იანოვსკიმ დასავლეთ საქართველოს სამრევლო სკოლების შექოწმების შემდეგ ეგზარქოს პალადისადმი წარგზავნილ მოხსენებითს ბარათში ქართველებს (მეგრელ-სვანებს) ველურები უწოდა და ეგზარქოსს ურჩია, ქართული სამღვდელოების გონების შეზღუდულობის გამო პირველდაწყებით სკოლებში რუსი სამღვდლო პირები დაენიშნა... გაბრიელ ქიქოძემ ახსნა-განმარტებით ბარათში ასე გაბედულად მიმართა პალადი იანოვსკის: „ეს ანგარიში უკიდურესობამდე შეურაცხმყოფელია მთელი სამღვდელოებისათვის და მთელი ქართველი ხალხისთვისაც კი“ (ნ. ნ ა დ ა რ ი ა, „გელათის საქმე“ და გაბრიელ ქიქოძე, სამეცნიერო-საინფორმაციო ბიულეტენი, 37—38, 1980 წ., გვ. 54).

სხვაგვარად არც შეიძლებოდა მომხდარიყო. მღვდელმთავარი, რომელიც მთელი ცხოვრების მანძილზე აქტიურად იღვწოდა მშობლიური ენის უფლებათა დასაცავად, სხვა პოზიციას ვერ დაიკვრდა. ასე მოიქცა ის იმ შემთხვევაშიც, როცა იანოვსკის პოლიტიკის გამტარებელმა, ქუთაისის გუბერნიის სკოლების დირექტორმა ლევიტსკიმ სცადა სასწავლებლებიდან ქართულის გაძევება. ამის გამო ლევიტსკი გააფთრებით ებრძოდა გაბრიელს და მოითხოვდა მის გადაყენებას ეპისკოპოსობიდან, რისთვისაც ზემდგომ ორგანოებში ხშირად აგზავნიდა დასმენებსა და საჩივრებს გაბრიელზე. „ეპარქიის ხელმძღვანელი, — წერდა იგი ერთ საჩივარში. — „ტუზემეცი“ არის, რომელიც მოსთქვამს და გოდებს, რომ რუსული ენის ხარჯზე ითელება და იზღუდება მშობლიური ენაო“ (ამის

თაობაზე დაწვრილებით იხ. ს. სხირტლაძის წერილი კრებულში „იაკობ გოგებაშვილი“, 1960 წ.).

გაბრიელის კონფლიქტი იანოვსკისთან იმდენად ფართოდ განხილურდა, რომ მას იმ პერიოდის მრავალი მოღვაწე იგონებს. მაგალითად, დავით კლდიაშვილი თავის მემუარებში ამის გამო წერს: „ხალხს ღრმად უყვარდა გაბრიელი, ტკბილი მოუბარი, უბრალო, თავმდაბალი, მისი კეთილისმყოფელი, მისი დამცველი და ქომაგი. ყველამ ზედმიწევნით იცოდა, რა სასტიკი. პასუხი გასცა მან საოლქო განათლების მზრუნველს ცნობილ იანოვსკის, რა გაბედულად გადმოუშალა მისი ანტიპედაგოგიური მიმართულება, როპელიც მას შექოპქონდა ჩვენს სასწავლებლებში ერის გადაგვარების წადილით“.

ასევე დიდი უთანხმოება ჰქონდა გაბრიელს ეროვნულ ნიადაგზე ეგზარხოს ეესევისთანაც, რაც შემდგომში განხეთქილებამდეც მისულა. ი. გოგებაშვილის მოგონებით, 1874 წელს გაბრიელს მისთვის დასაბეჭდად გაუგზავნია თავისი „ქადაგებანი“, ჰაერამ ეგზარხოსს ნებართვა არ მიუცია და უთქვამს: „რა უნდა ნეტავი... სურს კიდევ უფრო გამოიჩინოს თავი და განათლდეს. მაშ თვითონვე გაატაროს ცენსურაშიო“. გაბრიელზე გაბრუნებულ ეესევის, შურისძიების მიზნით, როცა იგი ავად იყო, რევიზია გაუგზავნია, რასაც, არაობიექტურა შეოწმების გამო, დიდი მოთქმამოთქმა მოჰყოლია.

ზემდგომ დაწესებულებებთან და პიროვნებებთან ამგვარ დაპირისპირებას ხშირად მათი გულისწყრომაც მოჰყვებოდა ხოლმე. დროდადრო გაბრიელზე საიდუმლო მეთვალყურეობაც ყოფილა დაწესებული, რადგანაც ის მთავრობისათვის არასაიმედო კაცად იყო მიჩნეული. ამის თაობაზე საინტერესო ცნობებს ვხვდებით ს. სხირტლაძის სტატიაში „ილია ჭავჭავაძის ერთი უცნობი წერილისა და მისი გამომწვევი მიზეზის გამო“ („მნათობი“, 1959 წ., № 10).

1885 წელს ოხრანკის აგენტებმა ვერაგულად მოკლეს გაბრიელის მდივანი, ცნობილი პუბლიცისტი ესტატე მქედლიძე (ბოსლეველი). რადგანაც გაბრიელი ბოსლეველის მფარველად და დამცველად ითვლებოდა (ბოსლეველს ამხანად პოლიცია სდევნიდა), მასაც მისვლია მუქარის წერილები... „იმის რიდმა და შიშმა, რომ მოსალოდნელი მკვლელობით ქართველ ხალხს კვლავ ახალი სამარცხვინო ჩირქი მოეცხებოდა, — წერს ს. სხირტლაძე, — გაბრიელს

საქართველოს დროებით დატოვება აფიქრებინეს“. ამ მოულოდნელმა გადაწყვეტილებამ ყველა ადაშფოთა. გაბრიელის მტრების ასალაგმავად გაბედულად აღიმაღლა ხმა „ივერიამ“.

ს. სხირტლაძეს მოჰყავს ფრაგმენტი გრიგოლ ყიფშიძის წერილიდან, რომელიც „ივერიის“ 1885 წლის მე-6 ნომერში დაისტამბა: ჟინც იცის, რა ღვაწლი მიუძღვის გაბრიელს ჩვენი ქვეყნის წინაშე, იმას ამ ამბავმა თავზარი დასცა. როგორ? გაბრიელი, ეგ ჩვენი სასიქადულო კაცი, ეგ ჩვენი ერის გულმტკივნეული მქადაგებელი, მაღალის ზნეობისა, მაღალის განათლების მექონი, რომლის სახელითაც თავს უნდა ვიწონებდეთ ყველანი ქართველნი ქვეყნის წინაშე, ჩვენგან მიდის, ჩვენ გვცილდება, ჩვენს სიავეს, უბედურებას ვერ უძღვებს, მოღი და თავზარი ნუ დაგეცემა“.

„დროების“ კორესპონდენტისთვის გაბრიელს უთქვამს, როცა ესტატე მქედლიძე მოკლეს, მეც მაშინვე მომივიდა მუქარის წერილი. „ჩემი სულის სიმდაბლე იყო, რომ შევშინდი, მაგრამ მთლად ჩემი თავისთვისაც არ შევშინებულვარ. მე ერთი ხნიერი კაცი ვარ. დიდი ხნის სიცოცხლე მაინც არა მაქვს, მაგრამ რომ მართლა მოვეკალით, რა ჩიჩქი დაედებოდა მთელ ხალხს, რომელმაც თავისი მოძღვარი ასე სასტიკად გაიმეტაო. აჰან მაფიქრებინა ჩემი ქვეყნის დატოვება. მაგრამ როგორც ვხედავ, მართლა სწუხს საზოგადოება და არა ჰსურს ჩემი მოშორება. რომ კიდევაც გადაწყვეტილი მქონდეს წასვლა, მაინც აღარ წავალ და ვეცდები გადავიხადო მცირედ მაინც ეს დაუმსახურებელი პატივისცემა“ („დროება“, 1885 წ., № 141).



როგორც ღვთისმსახური და განმანათლებელი, გ. ქიქოძე პრინციპულად წინააღმდეგია ყოველგვარი ძალადობისა. მისი აზრით, პირველ ყოვლისა, ღვთაებრივი რწმენის განმტკიცება, ზნეობრივი თვითშეგნების ამაღლება და განათლება არის ის გზა, რომლის მეშვეობითაც უნდა დავძლიოთ ყოველგვარი სოციალური წინააღმდეგობა, რათა საზოგადოებაში დამყარდეს ჰარმონიული ურთიერთობანი. ეს არ გამოორიცხავს წოდებრივ განსხვავებულობათა არსებობის აუცილებლობის აღიარებას. გაბრიელი თვლიდა, რომ ადამიანთა მატერიალური და უფლებრივი განსხვავებულობა ჩვეუ-



ლებრივი ცხოვრებისეული მოვლენაა და არ ილაშქრებს მის წინა-  
აღმდეგ.

პირიქით, იგი ხშირად მოუწოდებდა ხოლმე ყმას მორჩილებისა  
და ბატონისადმი კეთილსინდისიერი სამსახურისაკენ. ბატონისადმი  
გამოვლენილი ორგულობა და ურჩობა მას უფლის საწინააღმდეგო  
მოქმედებად მიაჩნდა, მაგრამ იქვე ბატონსაც მოაგონებდა ლმობი-  
ერებასა და ჰუმანურობას. ამ შემთხვევაში გაბრიელი გამოდის რო-  
გორც წოდებათა თავისებური შემრიგებელი, რომელიც ცდილობს  
სოციალური წინააღმდეგობანი შეგნებისა და ჰუმანური ურთიერთ-  
დამოკიდებულების გზით აღკვეთოს.

მაგრამ ეს იმას როდი ნიშნავდა, თითქოს გ. ქიქოძე თავისი ქა-  
დაგებებით ამართლებდა და აკანონებდა სოციალურ ბოროტებას.  
რა თქმა უნდა, არა. გაბრიელის თანამედროვენი იგონებენ და მისი  
ქადაგებებიდანაც ნათლად ჩანს, როგორი პრინციპული და შეუვა-  
ლი იყო იგი, როცა მის მიერ იდეალად დასახული სოციალურ ურ-  
თიერთობათა მოდელი იმსხვრეოდა და მშრომელი ადამიანის ბედი  
უნუგეშოდ ითელებოდა. ამ შემთხვევაში მღვდელმთავარს არაერ-  
თხელ აღუმაღლებია ხმა და რისხვით შეუჩვენებია უსამართლობა,  
რასაც ბატონების უკმაყოფილებაც ხშირად მოჰყოლია.

ამის თაობაზე მეტად საინტერესო მასალაა დასტამბული „კვალ-  
ში“ (1893 წ., № 42), საიდანაც ვეცნობით გ. ქიქოძის კრიტიკულ  
დამოკიდებულებას ბატონყმობისადმი.

ნათქვამის დასტურად მომყავს ფრაგმენტი „კვალის“ პუბლიკა-  
ციიდან: „გათავდა თუ არა წირვა, გაბრიელი დადგა ამბიონზე და  
დაიწყო ბატონყმობის მძვინვარე დამოკიდებულებაზედ ქადაგება.  
მისმა სიტყვამ მოხეტია ნიაღვარსავით ძლიერად, მან დახატა ცოც-  
ხლად გლეხის უნუგეშო მდგომარეობა ბატონის ხელში. თავადაზ-  
ნაურობამ დაიწყო ღრტივნა. იგი თანდათან ღელდებოდა. მოისმა  
საყდარში მქადაგებლის გმობა, მაგრამ გაბრიელი არ შეუშინდა,  
მან დაასრულა თავისი ძლიერი სიტყვა. მან მიიხედ-მოიხედა და შე-  
ამჩნია, რომ აღარც ერთი მებატონე აღარ დარჩენილა ეკლესიაში,  
მხოლოდ მის წინაშე იდგნენ გლეხნი და ღვრიდნენ მღუღარე  
ცრემლს“.

ეს ფაქტი იმდენად განმაურებულა მთელს საქართველოში, რომ  
მას ბევრი იმდროინდელი მოღვაწე იგონებს ხოლმე. გავიხსენოთ,  
მაგალითად, ფრაგმენტი დ. კლდიაშვილის მოგონებიდან: გაბრი-

ელის ქადაგებამ ქუთაისის მთავარანგელოზის ტაძარში ბატონყმობის წინააღმდეგ. — წერს დავითი, — „გამოიწვია განრისხება ერთი მდიდარი აზნაურისა, გვარად კანდელაკის, რომელმაც წამოიძახა:

— ამ ლეკურით გავათავებ აქვე ამ ჩვენს დამლუპველს! და გავარდა ეკლესიიდან და ხმაღზე ხელწავლებული უდარაჯებდა ეპისკოპოსის გამოსვლას. გაბრიელს უთხრეს ეკლესიაში მოთმენა, არ გამოსულიყო — კანდელაკი მოკვლას გიპირებსო; ამის გაგონებაზე იგი გავიდა ეკლესიიდან და გაბედულად, უშიშრად ჩაუარა კანდელაკს. გაბრიელის მოსაკლავად გამზადებული კანდელაკი სახტად დარჩა და ხელი ხმაღზე შერჩა“.

ამ ფაქტთან დაკავშირებით ასევე საინტერესოა მოსკოვის ქიქობის ეს მოგონებაც (იხ. კრებული „სულ-მნათ გაბრიელის საუნჯე“, 1897 წ., გვ. 22—23): „გათავდა ქადაგებაცა და წირვაც! გალავანი, ქუჩიდან ეკლესიის კარებამდე, ისე იყო გაქედილი თავად-აზნაურობით, რომ ნემსიც არ ჩავარდებოდა; ხმა-მალალი დრტვინვა, მუქარა მღვდელ-მთავრის მიმართ ისმოდა გარეუან თვით ეკლესიაში, რომლის გამოსავალ კარებთან გარეთ აეტუზა აზნაური კ. კ. და ქარქაშიდან ამოწვდილ ხმაღზე ხელი დაედო: ისმოდა მოკვლის მუქარა. მღვდელ-მთავარმა წყნარად, დამშვიდებით გაიხადა სამოსელი და წამოვიდა კარებისაკენ; ეკლესიის შუაგულ ადგილას დაუხვდა დეკანოზი გ. გ. და მოახსენა, ნუ გაბრძანდებითო, რადგან თავდაზნაურობა აღელვებულიაო. „ნუ სწუხარ, დეკანოზო“, ბრძანა მღვდელმთავარმა და თამამად გამოსწია კარებისაკენ. აი, წამი, რომელსაც კალპით აღწერა და ენით გამოთქმა შეუძლებელია, რომელიც შეიძლება მხოლოდ იგრძნოს კაცმა; წამი დასკვნისა ორთა წინააღმდეგ ძალთა შეჯახებისა! სულგანაბულნი შესცქერიან აქეთიქიდან ამ საშიშარს, მაგრამ დიდებულს წამს. მღვდელ-მთავარმა უშიშრად გამოადგა კარებში ფეხი, გადაიხედა მარჯვნივ, საცა კ. კ. ხმაღზედ ხელდადებული იდგა: ხმაურობა შეწყდა, საზოგადოება გაიბო შუაზედ და მღვდელ-მთავარმა წყნარად გასწია ქუჩისაკენ, სადაც უცდიდა ეტლი, მაგრამ შიგ არ ჩაბრძანდა და წავიდა ფეხით“. მძლია მღვდელმთავარმაო, ეს ოხერი ხელი ხმლის ვადაზე შემაცივდაო, — უთქვამს შემდეგ კანდელაკს ამ ფაქტის გამო.

ასეთი რაინდული სულისა და შინაგანი სულიერი ძალის მატარებელი პიროვნება გახლდათ გაბრიელ ეპისკოპოსი. მისთვის სიტყვა და საქმე განუთიშველი იყო ერთმანეთისაგან. სწორედ ასეთმა

პრინციპულობამ, წაღვთო მცნებებისადმი უღალატო ერთგულებამ, სიმართლის გამოქომაგებისა და დაცვის იშვიათმა უნარმა და მაღალი ზნეობრივი ნორმებისადმი თაყვანისცემამ განსაზღვრა ის საყოველთაო სიყვარული, რითაც გაბრიელ ეპისკოპოსი იყო გარემოცული თანაქედროვეთაგან.

ზემოთ მოხსენიებულმა ფაქტმა ილია ქავეკვაძის ცხოვრებიდან ერთი, თითქმის ანალოგიური ეპიზოდი შეიძლება გაგვახსენოს. ერთ-ერთ თავყრილობაზე, 1864 წელს, სადაც ბატონყმობასა და მის გადავარდნაზე ყოფილა მსჯელობა, ქუთაისში ახლად ჩასულ ილიას მკაცრად შეუტევია ბატონყმობისათვის და დაუგმია იგი, რასაც იმდენად განუჩინებია კრებაზე დამსწრე თავად-აზნაურობა, რომ ერთი მათგანი ორატორისკენ მოსაკლავადაც გაწეულა და ძლივს მოუხურობიათ მისი შეჩერება.



იმ საყოველთაო სახალხო სიყვარულისა და პოპულარობის დასტურად, რითაც გაბრიელ ეპისკოპოსი იყო გარემოსილი, აქ მკითხველს შევახსენებ ი. ზურაბიშვილის მოგონებას (იხ. „განთიადი“, 1984 წ. № 4). რომელშიც გ. ქიქოძის საღვთისმსახურებლო და სასოგადოებრივი მოღვაწეობიდან რამდენიმე მეტად შთაბეჭედავი ეპიზოდია აღწერილი. მრავლისმთქმელია ის ფაქტი, რომ გაბრიელის სახელი ფართოდ ყოფილა ცნობილი და დაფასებული უცხოეთშიც. კიევის უნივერსიტეტში, — იგონებს ი. ზურაბიშვილი, — ჩემთან ერთად უცხოელებიც სწავლობდნენო. მათ შორის ბულგარელებიც ყოფილან. ერთმა მათგანმა, როცა ჩემი ქართველობა შეიტყო, მკითხა, ეს ის ქვეყანა ხომ არ არის, საიდანაც სახელგანთქმული გაბრიელ ეპისკოპოსი ბრძანდებო. ჩემს შეკითხვაზე, — საიდან იცოდა მან გაბრიელი, უცხოელს უპასუხია: „გაბრიელ ეპისკოპოსის სახელი დიდად არის ცნობილი ბულგარეთში, როგორც შეუდარებელი მქადაგებლისა, და მისი ქადაგებანი ბულგარულ ენაზე ნათარგმნია და გამოცემული.

საქართველოსი ამ ჩემმა ბულგარელმა სხვა არა იცოდა, გარდა იმისა, რომ ის იყო ეპისკოპოს გაბრიელის სამშობლო“.

გ. ქიქოძისადმი მოწიწებასა და პატივისცემას, სხვა ფაქტორებთან ერთად, დიდად განსაზღვრავდა მისი თავდადებული მოღვაწეობა ქართველი ხალხის ეროვნულ ღირსებათა დასაცავად. ამ თვალ-

საზრისით ძალზე საინტერესო ცნობას გვაწვდის ი. ზურაბიშვილი: 1888 წლის შემოდგომაზე საქართველოს სტუმრად ეწვია რუსეთის იმპერატორი ალექსანდრე მესამე. ქუთაისში ჩამობრძანებული ხელმწიფე აპალის თანხლებით სობოროს ესტუმრა და, ტაძარში შესული, ის-ის იყო, ამბიონისკენ გაეპართა, რომ ეპისკოპოსის ხმა მოესმა:

— შედგე, რუსეთის ხელმწიფე...

ხელმწიფე შეყოყმანდაო, ამბობდნენ დაჰსწრენი, უნდოდა სვლა განეკრძო, მაგრამ უნებლიედ შედგა კარიბჭეში, სადაც ეპისკოპოსის ბეჭობაზე მთავრობა და ცხადის უკმაყოფილებით მოისმინა ეპისკოპოსის სიტყვა:

— ეს ქვეყანა უძვირფასესი მარვალიტია შენს გვირგვინშიო, — უთხრა სხვათაშორის თავის მისალმებაში გაბრიელმა, — და როგორც ასეთი, სხვა ყურადღებისა და ზრუნვის ღირსია, სხვა მოპყრობას მოითხოვს, ვიდრე ის, რომელსაც ადგილი აქვსო...

ეროვნული უკმაყოფილება და ჩივილი იმდენად ნათლად იყო გამოთქმული ეპისკოპოსის სიტყვაში, რომ იმთავითვე გუნება გაფუჭებული იმპერატორი სულ მოიღრუბლა. ის ღრუბელი ვერც იმ საღამოს თავდა-აზნაურების მიერ გამართულმა ნადიშმა გალუყარა სახილგან“.

ეს ფაქტი კარგად ახასიათებს გაბრიელ ეპისკოპოსის რაინდულ ბუნებას. ერისთვის უანგაროდ თავდადებული და მოყვასის ბედზე დღენიდაც მზრუნველი, საზოგადო საწუხარით სულდამძიმებული და საქვეყნო საქმით მულამყამს დატვირთული; მოწყალე და ცოდვილთა შემწყნარებელი, ღარიბ-ღატაკთა გამკითხველი და ჩაგრულთა მოსარჩლე. — ასეთი იყო იგი მთელი თავისი ცხოვრების მანძილზე.

მას შემდეგ, რაც ღვთის გზას შეუდგა, მთლიანად თქვა უარი ყოველგვარ მიწიერ პატივსა და დიდებაზე, საბოლოოდ დაუხშო გულის კარები პიროვნულ ვნებებსა და ზრახვებს. მისთვის ყოველი ადამიანი, განურჩევლად სოციალური მდგომარეობისა, თანასწორი იყო. არქიელის გორაზე, ზაგრატის ტაძრის მახლობლად, ძალზე სადად და უბრალოდ ცხოვრობდა ერთსართულიან სახლში. ესაწირველად ქალაქში რომ ჩამობრძანდებოდა, — იგონებს ი. ზურაბიშვილი, — უბრალო ბიჩუყს ეტლს მიართმევდნენ და ასეთივე ეტლით ბრუნდებოდა შინ...

ძნელი წარმოსადგენია უფრო მთლიანის და ამასთან ისეთის თავისებურის ბუნების ადამიანი, როგორც გაბრიელ ეპისკოპოსი იყო. მაღლიანი და მაღლით სავსე იყო, — რაღაც გემომოკლებული დახასიათება იქნებოდა. სათნოება და მაღლი მას უთუოდ არ აკლდა, ოღონდ მისის სახის ღრმა და რთული გამომეტყველება, რომელშიაც სიყვარული და სიკეთე სიმკაცრის რაღაც მსგავსს ეჟულუბოდა და ყველა ამას მწუხარე, სევდიანი იერი ახლდა, რჩეულთა შორისაც განარჩევდა.

მისი ნაღვლიანი თვალები საღღაც შორს იცქირებოდნენ, მის მსმენელთა ზემოთ, თითქოს სცდილობდნენ შორს, მიუწვდომელი და საიდუმლოებით მოცული მომავალი განეჭვრიტათ.

ბოროტება და სიავე საკმარისად არის გაბნეული სოფლად, რომ ნამდვილ და ღირსეულ მოძღვრის გული დაამწუხროს, ხოლო გაბრიელ ეპისკოპოსის ამ მწუხარებას და ნაღველს ბეჭედი დასდო არა სიავემ უფრო, რომლის მსხვერპლი ხდება ცალკე პირი, ფიზიკური არსება, მას თვალ წინ ედგა უფრო დიდი მსხვერპლი, მისი დაჩაგრული ერი, დაჩაგრული ისეთის ძალისაგან, რომელზედაც მისი სიტყვა კი არა, ვერ სჭრიდა ვერავითარი ძალა.

ამ ნაღველს ადვილად ამოიკითხავდით მის დამწუხრებულ თვალებში“.

ყოველივე ამან, ერის წინაშე ამ განსაკუთრებულმა დამსახურებამ და უანგარო მოღვაწეობამ, დაბადა საზოგადოებაში ის განუზომელი სიყვარული და მოწიწება, რითაც მღვდელმთავარი იყო გარემოსილი მთელ საქართველოში. მისი გარდაცვალებით კი, ი. ზურაბიშვილისავე სიტყვებით რომ ვთქვათ, „ხალხის მწუხარებას რაღაც უნუგეშობის სახე მიეცა, თითქო გაბრიელ ეპისკოპოსი იყო ვდილი ბუნების საწინააღმდეგო ყოფილიყოს, თითქო ის სამუდამოდ უნდა შერჩენოდა სააქაოს და უფრო თავის ქვეყანას“.

✓ 1895 წელს გაბრიელს შეუსრულდა იმერეთის ეპისკოპოსად კურთხევის 35 წელი. ჩვენმა ინტელიგენციამ, საერთოდ, მთელმა საზოგადოებრიობამ, ფართო სამზადისი გააჩაღა ამ თარიღის ღირსეული აღნიშვნისათვის. პრესაში სისტემატურად იბეჭდება მასალები გაბრიელის ცხოვრებისა და მოღვაწეობის შესახებ. ამ დროისათვის მღვდელმთავარი უკვე საკმაოდ ხანდაზმული და ჯანმრთელობაშიერყეულია. თავდაუზოგავმა შრომამ და ღვაწამ, ცხოვრების მიერ თავსდატეხილმა ტრაგედიებმა და უსიამოვნებებმა, ფიზიკურად გა-

ტეხეს იგი. თუმცა ძველებური შეძლება აღარა აქვს, მაგრამ გული მაინც არ უდგება. კვლავ ბევრს საქმიანობს, ზოგზაურობს, იღვწის, ყოველდღიური ცხოვრების შუაგულში იმყოფება, ბოლომდე იზიარებს მრევლის ქირ-ვარამს.

იუბილესა და ზარ-ზეიმის წინააღმდეგია, თავისი ღვაწლის მოკრძალებით შემფასებელი და თავმდაბალი. როცა საკუთარ დამსახურებაზე წერს, საოცრად მორიდებულია და თავშეკავებული, ზალხისა და ქვეყნის ინტერესების დაცვისას — უდრეკი და პირდაპირი.

ავადმყოფობის გამო იუბილე არ აღნიშნულა, მაგრამ დეპეშები კი საკმაოდ მიიღო. მადლიერი მამულიშვილნი ღვაწლს უქებდნენ და ამავე უფასებდნენ. ილია წერდა: „გამსკვალული გულწრფელი პატივისცემით თქვენი მოღვაწეობისადმი ოცდათხუთმეტი წლის განმავლობაში ეპისკოპოსის ხარისხში, ღრმა პატივისცემით მოგილოცავ დღევანდელ დღეს“.

ასეთივე სიყვარულით ესალმებოდა იაკობ გოგებაშვილიც: „მიზოძეთ ნება, მეუფეო, მოგიძღვნათ თქვენ უპატივცემულისა და უგულწრფელისა მოლოცვა თქვენი ოცდა თხუთმეტი წლის დიდებული და უნაყოფიერესი მღვდელმთავრული მსახურების იუბილისა და გისურვოთ მხურვალედ მთელი გულით განახლება თქვენი უძვირფასესი ჯანმრთელობისა, საკეთილდღეოდ ეკლესიისა და მამულისა, რომელიც ღრმად შეწუხებულია თქვენი უძლურებისა გამო“.

ამ დროიდან დიდხანს აღარც უცოცხლია. ავადმყოფობითა და წლებით დაუძლურებული 1896 წლის 25 იანვარს გარდაიცვალა. უჩვეულოდ დიდი ზამთარი ყოფილა იმ წელს ქუთაისში. გზებზე თოვლისაგან იყო შეკრული. არათუ მიცვალებულის ღირსეული გაბატონება, გელათში წასვენება და დაკრძალვა ვერ მოხერხდებოდა უამინდობის გამო, არამედ მეზობელს მეზობელთან მისვლა უჭირდა. ამიტომაც გადაწყვიტეს გაზაფხულამდე დაეცადათ, ვიდრე თოვლი არ გადნებოდა და გზები არ გაიხსნებოდა.

მანამდე კი გაბრიელის ცხედარი ქუთაისის საკრებულო ტაძარში უნდა დაესვენებინათ. „საკრებულო ტაძარში ჩამოსვენება მიცვალებულისა; — წერს მ. კელენჯერიძე, — დაინიშნა 3 თებერვალს: მაგრამ ეს საქმეც არ იყო. ადვილი თოვლის სიდიდის და უგზობობის გამო. დაბარებულ იქნა ადგილობრივი ჯარის ერთი როტა გზის“.

(თოვლის) გასატყეცად. ამის შემდეგ გორიდან დაიძრა პროცესია ქალაქის მცხოვრებთა. რადგან ქალაქში ქუჩები თოვლით იყო ავსილი, მალაზიებსა და მალაზიებზეა ცალიერი ადგილი სულ არსად იყო. ამიტომ პროცესია შენობის ს-სურავეებით უფრო მიდიოდა, ვიდრე ძირს ქუჩასზე. მიასვენეს მიცვალებული როგორც იქნა და დაიწყეს წირვა“ (დასახ. წიგნი, გვ. 230).

მიუხედავად უამინდობისა, საკრებულო ტაძარში მიცვალებულის გადასვენებას დიდძალი საზოგადოება დაესწრო. „კვალის“ ცნობით (1896 წ., № 7, გვ. 106), „ჯაკვის ბიდთან რომ მიცვალებულს მიასვენებდნენ, პროცესია მღვდელ-მთავრის სასახლემდე უწევდა და ეს მიხვეულ-მოხვეული, ახალი ნაკეთები გზა მთლათ გატენილი იყო ხალხით“.

ორმოცდაექვსი დღე ეთხოვებოდა გაბრიელ ეპისკოპოსის ცხედარს მადლიერი საზოგადოება. ხალხმა უჩვეულო სიყვარული და პატივისცემა გამოხატა მისადმი. ბევრი გულწრფელი ცრემლი დაიღვრა და გულითადი სიტყვა ითქვა მღვდელმთავრის უდიდეს დამსახურებაზე. განეთებსა და ჟურნალებში სისტემატურად იბეჭდებოდა მასალები გაბრიელის ცხოვრებასა და მოღვაწობაზე. მათ შორის იყო ეპისკოპოსის ანდერძიც, რომელიც მას 1890 წელს დაუწერია. ამ საკმაოდ ვრცელი დოკუმენტიდან ერთხელ კიდევ წარმოჩინდება საზე დიდსულოვანი და უანგარო პიროვნებისა, ვინც ქველმოქმედებასა და მოყვასზე ზრუნვას შესწირა მთელი თავისი ცხოვრება. შეგახსენებთ ფრაგმენტებს ამ ანდერძიდან:

„წმინდა ხატებიდან ორი, მაცხოვრის და ღვთისმშობლისა მოპედილი ხატები ჩამოიკიდოს ჩემს სასაფლაოსთან გაუქრობელი კანდელით... ყველა სხვა ხატები და აგრეთვე რუსული და ქართული საეკლესიო ღვთისმსახურების წიგნები გაიგზავნოს გურიაში სოფელ ბახვის ეკლესიაში.“

ძვირფას პანაგეას, რომელიც მიბოძა მე ხელმწიფე იმპერატორმა და აგრეთვე ძვირფას არქიმანდრიტის ქვარს აღმასებით მორთულს, რომელსაც მე ვხმარობდი ღვთის-მსახურების დროს, ვსწირავ ქუთაისის საკრებულო ტაძრის საღაროს“ (ოქკალი, 1896 წ. № 8, გვ. 128).

მთელი მისი პირადი ქონება, გარდაცვლილის სურვილით, უნდა გადაცემოდათ ქვრივ-ობლებსა და ლარობებს.

„1. ქუთაისის სააზნაურო საადგილ-მამულო ბანკში დაცულს 12,200 მანეთს, — ეწერა ანდერძში, — გირავნობითი ფურცლებით ვუტოვებ და ვუანდერძებ სამუდამოთ ბანკის შკოლას.

2. იმერეთის ეპარქიის სასულიერო წოდების ქვრივთა და ობოლთა სამზრუნველოს ორი ათას მან...

3. ქუთაისის სამოქალაქო საქველ-მოქმედო საზოგადოებას ქალაქის ღარიბთათვის ათას ხუთას მ...

4. ქუთაისის სასულიერო სასწავლებელს ღარიბ მოსწავლეთათვის სამი ათას მ...

5. თბილისის სასულიერო სემინარიის ღარიბ მოსწავლეთა სასარგებლოდ სამი ათასი მ...

6. იმერეთის ეპარქიალურ ჩემ სახელზე დაარსებულ საქალბო სასწავლებელს ხუთი ათას მ...

7. ქუთაისის უფასო საქალბო სასწავლებელს ორი ათას მ...

8. გელათის მონასტერს ვუტოვებ ათას მანეთს, იმ პირობით, რომ ამ თანხის სარგებლით ყოველ წლობით — ჩემი სიკვდილის დღეს — ყველა ძმებმა მიწირონ მონასტრის ყველა ეკლესიებში, და ეს სარგებელი მიეცეს ყველა ძმებს.

9. ქუთაისის სასულიერო სასწავლებელს ვუანდერძებ უფლებას ჩემს თხზულებათა გამოცემისას იმ პირობით, რომ გამოცემის მოგება ეძლეოდეს ამავე სასწავლებლის ღარიბ მოსწავლეთ“.

ასე უნდა დაგვირგვინებულოყო გაბრიელ ეპისკოპოსის მიწიერი ცხოვრება. ანდერძიდან ერთხელ კიდევ ნათლად ვლინდება მისი, როგორც უდიდესი ქველმოქმედის, ადამიანური ბუნება. მთელ თავის ქონებას იგი ხალხსა და ქვეყანას უტოვებდა და არა მახლობელ ნათესავეებს. უტოვებდა საზოგადოებისათვის სასარგებლო კეთილ საქმეთა განსახორციელებლად. ანდერძით გათვალისწინებულ სურვილთა აღსრულება უნდა ყოფილიყო დიდსულოვნებისა და კეთილშობილების ის უკანასკნელი მაგალითი, რომელსაც თავისი სიკვდილითაც აძლევდა ადამიანებს მღვდელმთავარი.

გაბრიელის გარდაცვალების ამბავი უმაღლეს მთელ საქართველოს. მაშინდელი პრესა მწუხარებით წერდა მასზე, როგორც დიდ მამულიშვილსა და მღვდელმსახურზე. სტატიათა ავტორები თითქოს ერთმანეთს ეჯიბრებოდნენ გარდაცვლილის ღვაწლის შექებაში. წერდნენ სასულიერო პირებიცა და საერონიც, ჩვენი ინტელიგენციის საუკეთესო წარმომადგენლებიცა და უბრალო ადამიან-



ნებიც, ილიას დროშის ქვეშ დარაზმული მაჰულიშვილებიცა და სოციალ-დემოკრატებიც... წერდნენ ყველანი, განურჩევლად ეროვნული და სოციალური მრწამსისა. თავად განსაჯეთ: გაბრიელ ეპისკოპოსისადმი მიძღვნილი პუბლიკაციები სისტემატურად იბეჭდებოდა ისეთი რადიკალურად განსხვავებული მიზანდასახულების ჟურნალ-გაზეთებში, როგორებიც იყო: „მწყემსი“, „ივერია“, „კვალი“, „ცნობის ფურცელი“, „მოამბე“... მაგრამ თითქმის ყველა პიროვნება, ვისაც კი გაბრიელთან დაკავშირებით კალამი აედო ხელში, ხაზგასმით აღნიშნავდა მის დიდ საზოგადოებრივ დამსახურებას და გულწრფელად წუხდა ეპისკოპოსის გარდაცვალების გამო.

მაგალითად, „ყველა ქვეშარიტი და გულწრფელი ქართველი, — წერდა იმ დღეებში „ივერია“ (№ 27), — რომლის თვალთა ხედვა და ყურთა სმენა მთელს სამშობლოს სწვდება, გრძნობს კიდევ, რომ ჩვენს ქვეყანას საუკეთესო შვილი დააქლდა, ჩვენს ცაზედ ბრწყინვალე ვარსკვლავი მოსწყდა“. წერილის ავტორის — ნ. ურბნელის აზრით, გაბრიელ ეპისკოპოსი ქართულ საეკლესიო სიტყვიერებაში ახალი ეტაპის დამწყები იყო. მის „თვითეულს სიტყვას, თვითეულს ქადაგებას საერო პანგი ამკობს, საერო კილო ამშვენებს... მომხიბლავი ძალა აქვს ამ ახალს ოქროპირის მკვერ-მეტყველებას და მიზეზიც აქ არის, რომ მისი ნაწარმოები ინგლისურად სთარგმნეს“.

საგანგებო წერილით გამოეხმაურა გაბრიელის გარდაცვალებას იაკობ გოგებაშვილი, რომელმაც საქებარი სიტყვები არ დაიშურა ყოფილი მასწავლებლის ღვაწლის ღირსეული წარმოჩენისათვის. მისი აზრით, გაბრიელ ეპისკოპოსი იყო „ყოვლად ღირსეული, უნაყოფიერესი, უმწიკვლო, ბრწყინვალე“ პიროვნება, სამაგალითო სახელი „შავი ზღვის პირიდგან დაწყებული დაღესტნამდე ყოველს ქართველს წოდებაში: გლეხობაში, სამღვდელობაში, თავად-აზნაურობაში, მოხელეობაში, მასწავლებელთა და მოსწავლეთა შორის, ერთის სიტყვით, მთელს საქართველოს ერში... განსვენებულის სპეტაკს გულში ღვიოდა, ენთო ძლიერი, შეურყეველი სარწმუნოება და გონებაში — საფუძვლიანი და მრავალ-მხროვანი განათლება, მეცნიერება და ორნივე — სარწმუნოება და მეცნიერება ჰარმონიულად იყვნენ შეთვისებულნი, შეზრდილნი, შეთანხმებულნი და შეადგენდნენ ერთს. რთულს მომხიბლავს სასულიერო ძალას, ბრწყინვალე ინტელექტსა“ (ი. გოგებაშვილი, ტ. III, 1954, გვ. 10—11).

გარდა მკითხველისათვის კარგად ცნობილი ამ წერილისა, აქვე მინდა გავიხსენო ი. გოგებაშვილის ერთი უცნობი სტატიაც, რომელსაც მკვლევარმა იროდიონ ერემეიშვილმა მიაკვლია და რომელიც ამერელის ფსევდონიმიტ დაიბეჭდა გასუთ „ივერიაში“ (1896 წ., 10 მარტი, № 54). იაკობი ცრემლიანი სიტყვებით წერს გაბრიელ ეპისკოპოსსე, როგორც „ღვთათ მოვლინებულ დიდ მწვემსმთავარზე“, რომელსაც მთელი ქართველი ერი დასტაროდა. მისი აზრით, მან ბრწყინვალედ აღასრულა „მცნება ლეთის, ვალი თავისი ქვეყნის წინაშე და სამარადისო, დიდებული ძეგლი აიგო თვისთა მემამულეთა გულში“ (სრულად იხ. ჟურნ. „სკოლა და ცხოვრება“, 1989 წ., № 11, გვ. 53).

წერილებთან, გამოსათხოვარ სიტყვებთან და მოგონებებთან ერთად, იმდროინდელ პრესაში გაბრიელისადმი მიძღვნილი მრავალი ლექსიც დაიბეჭდა. ამ ლექსებში, რომელთა დიდი ნაწილი თუმცა მოკლებულია მხატვრულ თავისთავადობას, გულწრფელადაა გამოხატული საზოგადოების საერთო გულისწყვეტა და მწუხარება დიდი მღვდელმთავრისა და მამულშვილის გარდაცვალების გამო. მაგალითად, დომენტი თომაშვილი წერდა:

გაგვიქრა დიდი ლამაზი,  
მხათობი ჩვენი მხარისა!  
ბიერათ ვინმეა მსიღველი  
ასეთი მწვემსთა — მთავრისა!..

(„კვალი“, 1896 წ.; № 11; გვ. 178).

ასეთი ფართო რეზონანსი შეიძინა გაბრიელ ეპისკოპოსის გარდაცვალებით გაჩენილმა მწუხარებამ. დიდი სამზადისი უაიშალა მიცვალებულის ღირსეული დასაფლავებისათვის. ქუთაისში ჩვენი ინტელიგენციის საუკეთესო წარმომადგენელთაგან შეიქმნა დამკრძალავი კომისია, შედგა დასაფლავების გეგმა. ამის თაობაზე ინფორმაციები სისტემატურად იბეჭდებოდა პრესაში.

„კვალის“ მეათე ნომრიდან, მაგალითად, ცნობილი ხდება, როგორ და რა წესით მოხდებოდა დაკრძალვა. გაბრიელის გამოსვენება უნდა მომხდარიყო ქუთაისის საკათედრო ტაძრიდან ათ მარტს, კვირას, დილის 9 საათზე. ამის შემდეგ „პროცესია გაემართება ვაგზლისაკენ თბილისის ქუჩით, სადაც გამწკრივებულნი იქნებიან მთელი ქუთაისის სასწავლებლების მოსწავლენი თავ-თავიანთ მასწავლებლებით და აღმზრდელებით. მიცვალებულის წინ გაემართებიან

საეკლესიო და საერო ბაირაღები, ბაირაღებს შემდეგ იქნებიან მკა-  
ლობელი გუნდები სხვადასხვა სასწაულებლებისა; შემდეგ სამღვდ-  
ლოება; მიცვალებულის კუბოს მიჰყვებიან მახლობელი ნათესავენი,  
ნათესავეებს შემდეგ გენერლობა და უმალესი ჰოსპიტალიზაცია პირ-  
ნი... შემდეგ სხვა-და-სხვა დეპუტაციები უცხო გუბერნიიდან მო-  
სულნი... ამგვარად დაწყებული პროცესია მივა ვაგზაჟდის, საი-  
დანაც რკინიგზის მატარებლით გაემართება გელათისაკენ; გზაზე  
მოწამეთა მონასტრის მახლობლათ მცირე ხნით შეჩერდება, სადაც  
ამ მონასტრის სამღვდლოება მიეგებება და გადაიხდის პანაშვიდს.  
გელათის სადგურიდან ყოვლად სამღვდლო ხელით იქნება გასვენე-  
ბული თვით გელათის მონასტრამდის, სადაც ტაძრის წინ მცირე  
ხნით იქნება დასვენებული, რომ დანარჩენ მსურველთ მიეცეს სა-  
შუალება სიტყვის წარმოთქმისა და შემდეგ მიბარებულ იქნება  
მიწას თვით გელათის ტაძარში“.

დასაფლავებაზე უამრავმა ხალხმა მოიყარა თავი. ამდენი ხალ-  
ხი, ერთად თავშეყრილი, იშვიათად ენახა ქუთაისს. საქართველოს  
თითქმის ყველა ქალაქიდან ჩამოვიდა დეპუტაციები. ამასთან დაკავ-  
შირებით მეტად მნიშვნელოვანია ის ცნობები, რომელთაც დაკრძალ-  
ვის მონაწილენი გვაწვდიან. დავით კლდიაშვილი, ბათუმიდან საგან-  
გებოდ ამ ფაქტთან დაკავშირებით ჩამოსული, იგონებს, რომ „გე-  
ლათის სადგურთან სოფლებიდან ჩამოსული ზღვა ხალხი სოფელ-  
სოფელ ჭარბებით იდგა მინდორში. სადგურზე საგანგებო მატა-  
რებლები ერთი მეორეზე მოდიოდა ხალხით ავსილი“.

ავადმყოფობის გამო, აკაკი წრეთელი და იაკობ გოგებაშვილი  
დასაფლავებაზე ვერ ჩავიდნენ. თბილისიდან სპეციალური დელე-  
გაცია ჩაბრძანდა ილიას მეთაურობით. მიღებულ იქნა უამრავი  
დეპუტა, რომელთა ავტორები უსაზღვრო მწუხარებას გამოხატა-  
დნენ დიდი მღვდელმთავრის გარდაცვალების გამო.

ათ მარტს, დილის ცხრა საათზე, ქუთაისის საკათედრო ტაძარ-  
დან გამოასვენეს მიცვალებული და პროცესია, რომლის სიგრძე  
„კერატნახევარი“ იქნებოდა, გელათისაკენ დაიძრა. დასაფლავება-  
ზე საგანგებოდ მობრძანდა ებრაელთა რაბინი, რომელსაც „მოპ-  
ქონდა ხავერდის ყდაში ვაკეთებულა ათი მცნება“ („კვალი“,  
1896 წ., № 12, გვ. 190). სადგურზე იდგა სპეციალური მატარებე-  
ლი, რომლის „ბოლოში მიბმული იყო საქვლოვიაროთ მორთული  
ღია ვაგონი, ბალდახინივით ვაკეთებულა... აქ დაასვენეს ცხედარი

და გარშემო სამღვდელოება მოთავსდა. მაგრამ ამოდენა წალხს სად დაიტევდა ვაგონები, რომლებიც ისე გაივსო, რომ საშიში იყო მათი დაძვრა... მეორე ლოკომოტივი მიაშველეს და დიდი გაჭირვებით მივიდა მატარებელი მოწამეთამდე“ (იქვე).

პანაშვიდი გადაიხადა საქართველოს ეგზარხოსმა ვლადიმერმა. დაკრძალვაზე მოწვეულთა შორის მრავლად იყვნენ არაქართველნიც. „კვალის“ ცნობით, წირვა და გალობა იმ დღეს რუსულ-ქართული იყო, პანაშვიდი კი რუსულად შეასრულეს, რადგანაც დაკრძალვის ოგანიზაციის საქმეში აქტიური მონაწილეობა მიიღეს რუსმა მღვდელმსახურებმაც. ამ შემთხვევაში არ უნდა დაგვავიწყდეს ის საჩუქნარო ფაქტი, რომ ქართულ ეკლესიას, ისევე როგორც მთელ საქართველოს, იმხანად დამოუკიდებლობა დაკარგული ჰქონდა და საეკლესიო საქმეთა უმაღლესი განმგებელი რუსი ეგზარხოსები იყვნენ.

გაოსათხოვარ მიტინგზე ბოლო არ უჩანდა სიტყვებს. ორატორები ერთმანეთს ეცილებოდნენ გაბრიელის ღვაწლის განდიდებაში. გარდა საეკლესიო დამსახურებისა, ხანგასმული მოწიწებით აღონიშნა გარდაცვლილის უდიდესი მამულიშვილური დამსახურებაც. მაგალითად, ეპისკოპოსმა გრიგოლმა ამ სიტყვებით მიმართა გაბრიელის ხეშტს: „გმადლობს შენ ენაცა მშობილური, ენა, რომელიცა მღიჯარ ჰყავ შენ ქადაგებითა შენითა, ენა, რომლისთვისაცა ებრძოდი შენ სუდგრათ იმ განუსჯელთა პირთა, რომელთაცა ენა პეტრიწისა, გიორგი მთაწმინდელისა და ამბროსი მქადაგებლისა უარჰყვეს, ვითარცა უვარგისი და გაპოუდევარი მეცნიერებისათვის. შენ იყავ ერთად ერთი მაღალი ხარისხის მექონი ქართველი, რომელიც გამოესარჩლე ჩვენს ენას, როდესაც ერთმა დიდმა პირმა უქადაგა ამ ენას სიკვდილი. შენმა წუნმა აღუფრთოვანა სული საქართველოს და თვით მტერმოყვარეც დაგიმორჩილა შენ“.

როგორც ითქვა, ავადმყოფობის გამო გაბრიელის დაკრძალვას ვერ ღაესწრო აკაკი წერეთელი. მაგრამ თავისი მოწიწება მან გარდაცვლილის ღვაწლისადმი არაერთხელ გამოხატა. მაგალითად, მღვდელმთავრის დასაფლავების წლისთავზე გელათის მონასტერში გადახდილ პანაშვიდზე აკაკიმ აღნიშნა: „სიცოცხლე მისი სიხარული იყო ქვეყნიასათვის და სიკვდილი სიქადულად გადაიქცა. როგორც მნათობა, რაც უფრო დიდ სიმაღლეზეა, უფრო თვალსაჩინოა ყველასათვის და უფრო შორსაც აწვდენს სხივებს, ისე ეს დაუ-

ვიწყარი მოძღვარიც, დღეს სიკვდილით ამაღლებული, ყველასთვის საერთოდ სათვალდა-თვალოა და ყოველის მხრით თანასწორად ფენს სხივებს, რომლითაც გვინათებს ბნელს აწმყოში და იმავე დროს ჩვენს წარსულს მომავალთან აკავშირებს“ (იხ. კრებული „სულ-მნათი გაბრიელის საუნჯე“, 1897 წ., გვ. 73).

### „ქადაგებანი“

გაბრიელ ეპისკოპოსის შემოქმედებითი ნიჭი, უპირველეს ყოვლისა, ქადაგებებში გამოვლინდა, იმ სიტყვებსა და მოძღვრებებში გამოიხატა, რომელთაც სისტემატურად წარმოთქვამდა ხოლმე იგი ეკლესიებში მრევლთან შეხვედრების დროს. გაბრიელი წინასწარ, საგანგებოდ ემზადებოდა ამ შეხვედრებისათვის, თავად წერდა ან კარნახობდა ქადაგებათა ტექსტს, ხეწდა და სრულყოფდა მათ. ასე გადარჩა მისი გამოსვლების დიდი ნაწილი, რომელიც ორ ტომად დაიბეჭდა ქუთაისში 1913 წელს. ეს გამოცემა უცვლელად დასტავა განმეორებით გამომცემლობა „საბჭოთა საქარველომ“ 1989 წელს (ციტატები გაბრიელის „ქადაგებიდან“ სწორედ ამ გამოცემიდან მექნება მოყვანილი. ფრჩხილებში ჩასმულ რიცხვთაგან პირველით აღნიშნული იქნება ტომი, მეორით — წიგნის გვერდი).

„ქადაგებანი“, როგორც ეს ხაზგაპიშათაა აღნიშნული სპეციალურ ლიტერატურაში, სასულიერო მწერლობის იმ უნარს ეკუთვნის, რომელიც ჰომილეტიკის სახელითაა ცნობილი. „დიდი ქართველი“ ქადაგებელი გაბრიელ ქიქოძე, — წერს ნ. კანდელაკი, — ახალი დროის მსოფლიო ჰომილეტიკის თვალსაჩინო წარმომადგენელია. მისი ისტორიული ხელოვნება ჩვენი მკვერამეტყველების საგრძნობი შემადგენელია და წინავეალი საფეხურია. ის თავისი ცოცხალი სიტყვის უხვი საუნჯით ამდიდრებს მსოფლიო სამქადაგებლო ხელოვნებას და ღირსეულ ადგალს იპყვადრებს საკაცობრიო ზეპირი მეტყველების ისტორიაში“ (ნ. კ ა ნ დ ე ლ ა კ ი, ქართული მკვერამეტყველება, 1968 წ., გვ. 356).

ჰომილეტიკა. ეფგრემ მცირის განპარტებით, „არს ზეპირად პირისპირ თქუა“. კორნელი კეკელიძე. სპეციალურად ახასიათებს რა ამ ლიტერატურული უნარის სპეციფიკუო ნიშან-თვისებებს, მიუთითებს, რომ ჰომილეტიკა „აღნიშნეს მოძღვრება-ქადაგებებს, რომელთაც. მორწმუნეთა დაჯამოდღვრად, სხეადასხეა ადგილას,

უფრო კი ეკლესიაში... სამღვდელონი წარმოთქვამდნენ ხოლმე. ქადაგება-მოძღვრებას ან თვით ავტორი წერდა ხოლმე, ანდა წარმოთქმის დროს ჩასწერდნენ მას მაშინდელი სტენოგრაფები“ (კ. კე-კელიძე, ძველი ქართული ლიტერატურის ისტორია, ტ. I, 1980 წ., გვ. 551.).

ქართულ სასულიერო მწერლობაში ჰომილეტიკური ძანრის არაერთი შესანიშნავი ნიმუში შექმნილა. ეს ძანრი ძველი დროის ჩვენს ლიტერატურაში კარგად იყო განვითარებული. შინაარსობრივი თვალსაზრისით კ. კეკელიძე ქადაგებათა რაჰდენიჲე სახეობას გამოყოფს. ესენია: 1) საღღესასწაულო ქადაგებანი, რომელთაც საულფლო-საღვთისმშობლო და ცნობილ წმინდანთა ღღესასწაულებზე წარმოთქვამდნენ ხოლმე; 2) პანეგირიკები ან ხობტა-შესხმანი — მოწამეთა და წმიდათა სახელობისა, რომელთაც აგიოგრაფიული საფუძველი აქვთ; 3) ეპიტაფიები ან სასაფლაოზე და მიცვალებულის ცხედართან წარმოთქმული სიტყვები; 4) საკუთრივ ქადაგება ან ჰომილია, რომელშიაც განმარტებულია კვირა-უქმეებში წასაკითხი ადგილი ჭაღვთო წერილიდან და რომელსაც ეგზეგეტიკურ-მოხალისტური ხასიათი აქვს (იქვე).

გ. ქიქოძის ჰომილეტიკურ მეჰკვიდრეობაში მთავარ ადგილს ქადაგებათა სწორედ ეს მეოთხე სახეობა იჭერს, თუმცა, შიგადა-შიგ, კ. კეკელიძის მიერ გამოყოფილი სხვა სახეობანიც გვხვდებიან ხოლმე. გაღაუქარბებლად შეიძლება ითქვას, რომ გაბრიელმა შემოქმედებითად განავითარა და ახალ საფეხურზე აიყვანა ეროვნული სასულიერო მწერლობის მდიდარი ტრადიციები. ამისი უქვეელი დადასტურებაა მკითხველისათვის კარგად ცნობილი მისი „ქადაგებანი“, ახალი დროის ქართული სასულიერო ლიტერატურის ეს ერთ-ერთი ყველაზე შესანიშნავი შენაძენი. გაბრიელ ეპისკოპოსის სახით მე-19 საუკუნის ქართულ მწერლობას მოევლინა შემოქმედი, რომელსაც აღაღვინა და განვითარების ახალ ეტაჰზე აღამაღლა უმდიდრესი ტრადიციები ეროვნული სასულიერო ლიტერატურისა. ამ თვალსაზრისით მას ბაღალი არა ჰყავს ბოლო ორი საუკუნის ჩვენი მწერლობის ისტორიაში.

გაბრიელ ეპისკოპოსის „ქადაგებანი“ თუმცა, უპირველეს ყოვლისა, საღვთო რწმენის განსამტკიცებლად შექმნილი სიტყვა-მოძღვრებანია, მაგრამ, გარდა ღრმა თეოლოგიური განსწავლულობისა, მკითხველს ხიბლავს მათი ავტორის ფართო მეცნიერული ერუდი-

ციაც. იგი ჩვენს წინ წარმოდგება, როგორც დიდი მორალისტი და ფილოსოფოსი, რომელიც საფუძვლიანად იცნობს და აანალიზებს რეალური ცხოვრების პრობლემებსა და საჭირობოროტო საკითხებს. თავისი ქადაგებებით გ. ქიქოძე ჩვენს ცნობიერებაში მკვიდრდება როგორც დიდი მოაზროვნე და მორალისტი, მკვიერმეტყველი და სიტყვის დახვეწილი ოსტატი, რომელიც კარგად ფლობს ადამიანის სულთან მიახლების ხელოვნებას, ადვილად იმორჩილებს და კეთილისმყოფელ ზეგავლენას ახდენს პიროვნებაზე.

გ. ქიქოძის ქადაგებათა მიკუთვნება ჰომილეტიკური ჟანრისათვის, უპირველეს ყოვლისა, მათი დანიშნულებითა და პრაქტიკული მიზანდასახულებითაა განპირობებული. როგორც ითქვა. ამ ქადაგებათა გაცნობა საზოგადოებისათვის ზეპირი გზით ხდებოდა. მრევლთან შეხვედრის დროს ორატორი მათ ზეპირად წარმოთქვამდა და ამგვარად აცნობდა ხალხს თავის გულისწოდებას.

მაგრამ გაბრიელის ქადაგებათა მხატვრულ-ლიტერატურულ სპეციფიკაზე დაკვირვება იმაშიც გვარწმუნებს, რომ მათი ფორმაცა და შინაარსიც უხვად შეიცავს, აგრეთვე, სასულიერო მწერლობის სხვა ჟანრებისათვის სპეციფიკურ ნიშან-თვისებებსაც. ეს ერთგულ კიდევ ადასტურებს იმ ქვეშარიტებას, რომ ლიტერატურულ ჟანრებსა და ფორმებზე საუბარი ხშირად პირობითია ხოლმე და ცალკეული მხატვრული სახეობანი მკვეთრად არ შეიძლება გავმიჯნოთ ერთიმეორისგან.

თუ ამ პოზიციებიდან შევხედავთ, გაბრიელის ქადაგებებში ადვილად დავინახავთ სასულიერო მწერლობის სხვა ჟანრებისთვის სპეციფიკურ ნიშან-თვისებებსაც. ასეთია, მაგალითად, ეგზეგეტიკისთვის დამახასიათებელი თავისებურებანი. კ. კეკელიძის განმარტებით, ეგზეგეტიკის საგანია „ბიბლიური ტექსტის ახსნა-განმარტება“. ეგზეგეტიკისათვის, ჩვეულებრივ, ნიშანდობლივია ტექსტის სამკვარი განმარტება: „ერთი — ტექსტისა და მისი შინაარსის უბრალოდ და მარტივად გადმოცემა და ენოსრობა, მეორე — მისი შეგნების გაადვილება კომენტარების საშუალებით, მესამე — ერთი ეხიდან მეორეზე გადმოღება“ (კ. კეკელიძე, გვ. 457). გ. ქიქოძის ქადაგებებში ხშირად გვხვდება ხოლმე ბიბლიური ტექსტების ამდაგვარი ახსნა-განმარტებანი. მაგალითად, მას ციტატების სახით მოჰყავს ფრაგმენტები ან ცალკეული ეპიზოდები საღმრთო წიგნებიდან და მსმენელისთვის ადვილად გასაგები და მისაწვდომი

ენით ახდენს მათ განმარტება-კომენტირებას, რითაც ცდილობს გაუადვილოს ადამიანს ლეთაებრივი ქვეშარტიების არსის შეცნობა, მის სიღრმეში ჩაწედომა.

ეს ციტატები, რომელნიც ხშირად ეპიგრაფებადაც აქვთ წამოღვარებული გაბრიელის ქადაგებებს და უშუალოდ ტექსტშიცაა დამოწმებული მრავალგზის, გამოყენებულია, როგორც საქადაგებელი მოძღვრების ანოტირებ-მსოფლმხედველოპრაქტიკული დასაყრდენი. ორატორი ცდილობს მრევლისთვის აღვილად ხელმისაწვდომი გახადოს მათში ნაგულისხმევი სიბრძნე და თავისი მსოფლმხედველობის კონცეპტუალურ ბაზისად აქციოს ისინი. ამ გზით მსმენელისათვის ნათელი ხდება ამა თუ იმ ძნელად გასაგები ბიბლიური ეპიზოდის არსი და ზნეობრივ-თეოლოგიური მნიშვნელობა. ასე იქცევა საღვთო წიგნებიდან მოხმობილი თეოლოგიური და ზნეობრივი მაქსიმები გაბრიელის ქადაგებათა ანოტირებულ ლაიტმოტივად. ტექსტში მათი პერიოდული განმეორებით ორატორის მსჯელობა მეტ ემოციურ დატვირთვასა და დამაჭერებლობას იძენს.

აგილოთ, მაგალითად, „მოკლე მოძღვრება მაზიარებელთადმი“ (II, გვ. 60-61), რომელშიც მოცემულია ახსნა-განმარტება წმიდა მოციქულ იაკობის შემდეგი სიტყვებისა: „უკეთუ ვინმე მსმენელ ხოლო იყოს სიტყვისა ამის და არა მყოფელ. ესე ვითარი იგი მზგავს არს კაცისა მის, რომელმან განიცადოს პირი ქმნილებისა თვისისა სარკითა; რამეთუ განიცადა თავი თვისი და წარვიდა, და მეყვსეულად დაავიწყდა, რაბამ რა იყო“.

მთელი ქადაგება იაკობის ამ სიტყვების განმარტებას წარმოადგენს. გაბრიელ ეპისკოპოსი მოაგონებს მრევლს, რომ მარტო ზიარება, თუ მზიარებელი არ ეცდება საქმითაც აღასრულოს ეკლესიაში მოძღვრისაგან ნაქადაგევი სიბრძნე, თავის მოტყუებაა. ზიარების შედეგად ადამიანმა თავისი ნამდვილი სულიერი სახე უნდა დაინახოს. პირველ სარკედ, რომელმაც უცდომლად უნდა წარმოაჩინოს პიროვნების შინაგანი ადამიანური ბუნება, გაბრიელი მიიჩნევს საღმრთო წერილსა და წმინდა მამების ლოცვებს. „ვინც ყურადღებით ისმენდა მათ, უთუოდ იგი შეიტყობდა მისის სულის სახესა და მდგომარეობასა; მეორე სარკე იყო თვით თქვენი გონება და სინდისი... მეამე სარკე იყო აღსარების თქმა წინაშე მოძღვრისა თქვენისა და დარიგება მოძღვრისაგან მიღებულნი... სამნი ზემოხსენებულნი საჩივენი უთუოდ ცხადად გვაჩვენებდა, რომ სულიერი



ჩვენი სახე არის გასვრილი და უწმინდური მრავალთა ცოდვათაგან ჩვენთა; დავიბნათ სულიერი პირი ცრემლითა, გავწმინდოთ ! ულიერი სახე ჩვენი კეთილთა საქმეთა მიერ, ცუდთა ჩვეულებათა მოშლითა... ხშირად შევხედოთ სამთა იმათ სულიერთა სარკეთა და, თუ რამე ცუდი გამოთქმულება შევატყვეთ ჩვენს სულს, მოვიშალოთ იგი და მივაჩვიოთ უმჯობესსა გამოთქმულებასა და ჩვეულებასა; ერთი სიტყვეთ, გავისწოროთ ცხოვრება“.

ასეთი განზოგადებული სახე შიილო ციტირებული სტრიქონების გაბრიელისეულმა კომენტარმა, რომლის მთავარი მიზანი ადამიანის რწმენის განმტკიცება და ზნეობრივი სახის სრულყოფისკენ სწრაფვაა.

გ. ქიქოძის ქადაგებათა მსოფლმხედველობრივი საფუძველი და შთაგონების წყარო ძირითადად საღმრთო წიგნებია. მისი სიტყვები და მოძღვრებანი, თავიანთი დანიშნულებითა და მიზანდასახულებით, მრავალფეროვანია. ისინი ხან რწმენის განმტკიცების მიზნით დაწერილი ზოგადი ხასიათის შეგონებანია, ხან ამა თუ იმ რელიგიური დღესასწაულისადმი თუ წეს-ჩვეულებისადმი მიძღვნილი ქადაგებანი, ხანაც რაიმე კონკრეტული ცხოვრებისეული რეალობით განპირობებული სიტყვები.

“ორატორი ესწრაფვის თავისა ყოველი გამოსვლა კონკრეტულ სიტუაციას შეუხამოს და მიუსადაგოს, რითაც ცდილობს თავიდან აიცილოს ზოგადი და უსარგებლო ფუქსიტყვაობა. მისი ყოველი გამოსვლა, ყოველი ქადაგება, ადამიანის ცოდვისაგან დახსნისა და მის სულში ღვთაებრივი რწმენის განმტკიცების კონკრეტული მიზნისწრაფვითაა შთაგონებული და განპირობებული.

ამ თვალსაზრისით იგი, როგორც ითქვა, ღირსეული გამგრძელებელია ჩვენი სასულიერო მწერლობის მდიდარი ტრადიციებისა.

საღმრთო წერილების ახსნა-განმარტებასა და კომენტირებას ქართულ ქრისტიანულ ლიტერატურაში დიდი ყურადღება აქვს მიქცეული. კ. კეკელიძის მტკიცებით, იგი „აუცილებელ და მნიშვნელოვან საქმედ ყოფილა მიჩნეული, ვინაიდან ამაზე იყო დამოკიდებული ქრისტიანული რელიგიისა და მორალის გეროვანი და საფუძვლიანი შეთვისება მორწმუნეთა მიერ“ (კ. კეკელიძე, დასახ. წიგნი, გვ. 458).

პრობლემურ-შინაარსობრივი თვალსაზრისით, გაბირელის ქადაგებებს გარკვეული კატორიები შეიძლება დაეძინოს აგრეთვე სა-

მოდღვრო-მოთხრობით ქართულ სასულიერო პოეზიასთან, რომლის მთავარი მიზანდასახულებაც, კ. კეკელიძის აზრით, იყო „სარწმუნოებრივ-ზნეობრივი აზრების“ გამოხატვა. სასულიერო ლირიკის ეს დარგი „არის ნაყოფი მორწმუნე ადამიანის სულის ზეალმაფრენის: და შინაარსის მხრივ ორ უმთავრეს შტოს გვაძლევს: აგიოგრაფიულ-გორტალოგიურს, რომელიც სხვადასხვა წმინდანისა და დღესასწაულისადმია მიმართული, და ბიბლიოგრაფიულ-ისტორიულს, რომელსაც საგნად აქვს სხვადასხვა თხზულება, უფრო კი ბიბლიური წიგნები და ისტორიული ფაქტები“ (კ. კეკელიძე, დასახ. წიგნი, გვ. 607).

როგორც გაბრიელის ქადაგებათა კონკრეტული ანალიზის დროს ვნახავთ ქვემოთ, მათში, შინაარსობრივად, საკმარის ხშირად გვხვდება ხოლმე კ. კეკელიძის მიერ სამოდღვრო-მოთხრობითი პოეზიის დახასიათების დროს ხაზგასმული ნიშან-თვისებები და ისინი ერთმანეთისაგან უფრო მეტად აზრის გამოხატვის მხატვრულ-ვერსიფიკაციული ფორმებით განირჩევიან, ვიდრე პრობლემურ-შინაარსობრივი თვალაზრისით.

ასევე შეიძლება მოვიძიოთ გ. ქიქოძის ქადაგებებში პოლემიკისთვის, როგორც სასულიერო მწერლობის ერთ-ერთი ჟანრისთვის; დამახასიათებელი ნიშან-თვისებებიც. ქრისტიანული რელიგია, როგორც ცნობილია, ხშირად მართავდა ხოლმე ლიტერატურულ კამათს არაქრისტიანულ რელიგიებთან და სხვადასხვა სახის არაქრისტიანულ ცრურწმენებთან. „ამ კამათის მიზანი იყო გაძათილება მოწინააღმდეგეთა და მათი მოძღვრების სიყალბის დამტკიცება. ამნაირად წარმოიშვა ეგრეთ წოდებული პოლემიკური მწერლობა, რომელსაც მიზანში ჰყავდა აპოლოგური არაქრისტიანული რელიგიებიდან უმეტესად წარმართობა, ებრაელობა, მაჰმადიანობა“ (კ. კეკელიძე, დასახ. წიგნი, გვ. 474).

გაბრიელის ქადაგებებში ამ ტენდენციას ასეთი ფართო მასშტაბები არ შეუძენია, მაგრამ ობიექტურობა მოითხოვს ითქვას, რომ მღვდელმთავარი თავის სიტყვებსა და მოძღვრებებში შიგადაშიგ ამ თვალსაზრისითაც ამახვილებს ყურადღებას. აქ, უპირველეს ყოვლისა, უნდა შევეხოთ მის დაპოკიდებულებას ხალხში უძველესი დროიდან შემორჩენილი ზოგიერთი წარმართული ცრურწმენისადმი და პოლემიკას ღვთის რწმენადაკარგულ ადამიანებთან, რომლებიც მხოლოდ ყოველდღიური ყოფითი მისწრაფებების დაკმაყოფი-

ლებით შემოიფარგლებიან და ამოების ვნებათაღელვით გონება-  
დამდაზღებულებს ზურგი შეუქცევიათ ღმერთისადმი. მათთვის  
დახშულია გზა სულის ხსნისა და სრულიად მიუწვდომელია იმ  
ქვეშარიტების არსი, როპელიც შთაგვაგონებს, რომ „წმიდა ეკლე-  
სია გვაშადებს ჩვენ და გვზრდის არათუ მხოლოდ ამ სოფლის  
ცხოვრებისათვის, არამედ უმეტესად მომავლისა საუკუნოისათ-  
ვის“ (I, გვ. 86).

ამიტომაც თელიდა გაბრიელი თავის უმთავრეს საღვთისმსა-  
ხურებლო მოვალეობად იმ ადაშიანთა სულიერი უზადრუკობის მზი-  
ლებას, რომლებიც უარყოფდნენ „სჯულსა ჩვენსა“ და ცხოვრების  
ამოების ბნელ უფსკრულში გადასაჩეხად იყვნენ განწირულნი.  
მათი სულის დახსნა და გადარჩენა, მათი მოქცევა და მობრუნება  
ღმერთისაკენ, — აი, უმთავრესი მიზანსწრაფვა გაბრიელ ეპისკოპო-  
სისა. უფრო მეტიც, იგი თელიდა, რომ ეს ყოველი ქვეშარიტი ქრის-  
ტიანის უპირველესი მოვალეობაც უნდა ყოფილიყო. მას თავისი  
ცხოვრებით მაგალითი უნდა მიეცა რწმენაგაბზარულ ადაშიანთათ-  
ვის, რათა ამით „ყოველ ურჩს ეკლესიისა“ ნათლად შეეგრძნო  
მადლი „წმიდა ცხოვრებისა“, ცხადად დაეხსნა, „რა კეთილი  
და სასარგებლო საქმე არის მართლ-მადიდებლობა“.

გაბრიელი ქრისტიანული სარწმუნოების განსაღიდებლად და  
სხვა რელიგიებთან შედარებით მისი უპირატესობის ხაზგასასმელად  
ზოგჯერ ისტორიულ პარალელებსაც მიპართავს ხოლმე. ამ თვალ-  
საზრისით იგი განსაკუთრებით უსეამს ხაზს ქრისტიანობის უღიდეს  
როლს ქართველი ხალხის ეროვნული გადარჩენის თვალსაზრისით.  
„ჩვენი ეს მცირე მამული, სრულიად ტანჯული და აოხრებული“  
მტერთაგან, სწორედ ქრისტიანობამ დაიცვა გადაშენებისაგან, აღ-  
ადგინა, განამრავლა და განაძლიერა. მათი მტრები კი, უპირველეს  
ყოვლისა, ოსმალები „თან-დათან ფუჭდებოდენ, მცირდებოდენ,  
ხდებოდენ, სუსტდებოდენ. რისთვის? რა მიზეზია, რომ მაჰმადიან-  
ნი ცხადად ფუჭდებოდენ, და სადაც მაჰმადის სჯული სუფევს, იქ  
ყოველიფერი დაწყველილია და წამხდარი? მიზეზი ამისა არის მათი  
სჯული. იგი აფუჭებს მათს ზნეობას. ნუ გონებ, რომ თვით ოსმა-  
ლები უნიკო ხალხი იყოს, ან მოშიშარი, ან ბუნებისაგან დასჯილი;  
არა! ვინც იცნობს მათ, პირდაპირ იტყვის, რომ ისინი ბუნებისაგან  
ნიკით, სიმამაცით, გამოჩენილნი არიან; მაგრამ იგინი გაფუჭებულ-  
ნი არიან თავიანთი უგნური და გაფუჭებული სჯულის გავლენით.

სჯული მათი აზნელებს მათ ჰკუასა, რყენის ზნეობას, უფუჰებს ხასიათს, მაშინ, როდესაც ჩვენი სჯული, ქრისტეს სარწმუნოება, აკეთებს კაცს, აუმჯობესებს, წარმატებაში შეიყვანს... აჰა, ძმაო, რა სარწმუნოება მოგკა შენ ღმერთმა. რამდენი ჰაღლობა, დიდება, სიყვარული, მორჩილება, გპართებს შენ ღუთისაღჲი“ (II, გვ. 72--73).

მართალია. ამ მსჯელობაში, ქრისტიანობისა და მ-ჰმადიანობის, ამ დაპირისპირებაში, აშკარად იგრძნობა ტენდენციურობა, მაგრამ ამას თავისი ნათლად გაიზნული მიზანწრაფვა აქვს; მქადაგებელმა კარგად იცოდა იმ ადამიანთა უმეტესობის განათლებისა და ინტელექტუალური მოჰზადების ღონე, ვისაც ამ სიტყვებს უქადაგებდა.

გ. ქიქოძის ქადაგებათა მხატვრული სპეციფიკის დახასიათების ღროს ისიც შეიძლება ითქვას, რომ ისინი ესეისტური ჟანრისთვის ნიშანდობლივი სპეციფიკური ნიშან-თვისებებითაც არიან აღბეჭდილნი. ორატორი, საერთოდ, როგორც ვხედავთ, ერთი რომელიმე ჟანრის ჩარჩოებში არაა ჩაკეტილი და იგი ყველა ლიტერატურულ საშუალებას ხმარობს მიზნის მისაღწევად. მიზანი კი უაღრესად კეთილშობილური იყო — ადამიანის სულში ღვთისმოსაობის რწმენის გაღვივება, მისი განწმენდა ყოფითი ჰუჰყისაგან, სწრაფვა პიროვნების ზნეობრივი ამაღლებისაკენ.

გაბრიელის ყოველი ქადაგება, ფაქტობრივად, ეს არის გულწრფელი და ძალდაუტანებელი დიალოგი მრევლთან, დიალოგი, რომელიც ოდნავ ზეაწეული, არტისტული პათეტიზმითაა გაფლენთილი. მათში დიდი ადგილი აქვს დათმობილი არა მარტო იდეალური ღვთაებრივი ჰარმონიის დახასიათებას, არამედ ამ ჰარმონიის საწინააღმდეგო მხარის ჩვენებასაც. თავის გამოსვლებში ორატორი ზშირად კონტრასტულად უპირისპირებდა ხოლმე ამ ორ მხარეს ერთმანეთს და მათი შედარება-შეპირისპირების შედეგად კიდევ უფრო შთამბეჭდავად და დასაბუთებულად ცდილობდა პიროვნების სულში ღვთაებრივი რწმენის განმტკიცებას.

ასე წარმოჩინდება მის ქადაგებებში, ერთის მხრივ, სახე ქრისტიანული რწმენით ამაღლებული იდეალური ადამიანისა, და, მეორეს მხრივ, სახე მიწიერი ცოდვით დამძიმებული და დამდაბლებული პიროვნებისა. გაბრიელი ცდილობს მრევლს ნათლად დაანახოს ღვთისგან განდგომის უმძიმესი შედეგები, უჩვენოს, რა ხდის კაცს ცოდვილად, აპოვინოს სულის ხსნის ჰეშმარტი გზა.

იგი, როგორც ორატორი, ღრმად ფლობდა ადამიანის გულის წვდომის ხელოვნებას. მისი ქადაგებანი შეიძლება მივიჩნიოთ სასულიერო მწერლობის ტრადიციათა გაღრმავებად. მათი ავტორი ლოგიკური დამაჯერებლობით მსჯელობს თეოლოგიისა და ზნეობის მრავალ ურთულეს პრობლემაზე. დიდაქტიზმითა და დამრიგებლური პათოსით აღბეჭდილი ეს სიტყვანი და მოძღვრებანი მოკლებულია რიტორიკულ სიმშრალეს და ღრმა შთაშავონებელი ემოციური ძალითაა დამუხტული. ამ შთაშებულობაა მათ სძენს მსჯელობის დამაჯერებლობა და სიმარტივე, ძალდაუტანებლობა და ზომიერი პათეტიზმი, აზრის გამკვირვალობა და ვულწრფელობა.

სტილური თავისთავადობის ერთ-ერთ ძირითად საყრდენად მათში ქცეულია არქაული ლექსიკისა და სინტაქსური კონსტრუქციების ზომიერი გამოყენებაც. გაბრიელის ქადაგებებს ენობრივი თვალსაზრისით შუალედური ადგილი უჭირავთ ძველ ქართულ საეკლესიო ენასა და ყოველდღიურ სამეტყველო ენას შორის. ეს საშუალებას აძლევს ავტორს არც მთლიანად მოსწყდეს ეროვნული სასულიერო მწერლობის მდიდარ ენობრივ ტრადიციებს და არც მეტისმეტად გაამარტივოს მისი ქადაგებების ენა.

სწორედ ამისი შედეგია ის გარემოება, რომ გაბრიელის ქადაგებანი არაა დამძიმებული მსვენელ-სთვის ძნელად აღსაქმელი ლექსიკითა და სინტაქსური კონსტრუქციებით, აზრი გამკვირვალეა და ნათელი, ფრაზა ლაღი და შეუზღუდავი. არქაიზმები და სასულიერო ლექსიკა, რომელსაც ორატორი, ჩვეულებრივ, იყენებს ხოლმე თავის გამოსვლებში, სტილური ინდივიდუალობისა და ემოციური შთაშებულობის განმაპირობებელ ბუნებრივ ფორმად აღიქმება, რითაც უფრო მეტად იზრდება ქადაგებათა მხატვრული ოსტატობის დონე.



როგორც აღინიშნა, გაბრიელ ეპისკოპოსისადმი, როგორც მოღვაწისა და ღვთისმსახურისადმი, ფართო საზოგადოების პატრიუსციემა დიდად იყო განპირობებული მისი გაააოცარი მკვერამეტყველებით. თანამედროვენი აღფრთოვანებულნი არიან გაბრიელის ორატორული ხელოვნებით. მის ქადაგებებში მკვერამეტყველო ოსტატობით წარმოჩინდებოდა ორატორის ნააზრვეი და მსმენელებთან მყარდებოდა გულითადი, ძალდაუტანებელი კავშირ-სიახლო-

ვე. იგი ვახლდათ ღირსეული შთამომავალი გრიგოლ ხანძთელისა, რომელზეც გიორგი მერჩულე ამბობს: „სიტყუაჲ მისი იყო შეზავებულ მარილითა მადლისადათა“.

გაბრიელის ორატორულ ხელოვნებაზე აღტაცებით წერენ მისი თანამედროვენი. მოსე ჭანაშვილს, მაგალითად, ის „მსოფლიოში უდიდეს მქადაგებლად“ და „ნ:პდვილ ცოცხალ აკადემიად“ მიაჩნია, ხოლო მოსე ქიქოძის შეფასებით, „გასაოცარი და მომხიბლავი ზედმოქმედება გაბრიელ ეპისკოპოსის ქადაგებათა საგრძნობია განსაკუთრებით მაშინ, როდესაც გვესმის თვით მქადაგებლისაგან, როდესაც თვითონ ის ქადაგებს... მსმენელნი ნათლად ხედავენ, ღრმად გრძნობენ, რომ მქადაგებლის სიტყვა და მოძღვრება... ამოჩქეფს, მოძინარეობს სიყვარულის და სარწმუნოების წყაროსაგან და აფრთოვანებს სულსა მქადაგებლისასა. ამ საიდუმლო ძალას შეუმჩნეველად ითვისებს მსმენელიცა და მისი სული ექვემდებარება ამ ძალის ზედ-მოქმედებას“ (იხ. კრებული „სულ-მნათი გაბრიელის საუნჯე“, 1897 წ., გვ. 27).

ასე თანდათანობით ყალიბდებოდა ის საყოველთაო სიყვარული და პატივისცემა, რითაც გაბრიელ ეპისკოპოსი იყო გარემოსილი მთელ საქართველოში. აზრის პროგრესულობითა და გულწრფელობით, მსჯელობის ლოგიკური თანმიმდევრობითა და მისაწვდომობით, სიტყვიერი დახვეწილობითა და ძალდაუტანებლობით, ფრაზის სისადავითა და სინათლით, ემოციური შთამბეჭადობითა და ეფექტურობით, მისი ქადაგებანი ქართული ორატორული ხელოვნების საუკეთესო ნიმუშებს წარმოადგენენ.

გ. ქიქოძის ქადაგებებს ამდაგვარ შეფასებებს აძლევენ როგორც მისი თანამედროვენი, ისე მომავალი თაობებიც. მაგალითად, ქართული მკვებრმეტყველების ისტორიის ცნობილი მკვლევარი ნ. კანდელაკი გაბრიელის ორატორულ ოსტატობას „საკაცობრიო მნიშვნელობის ხელოვნებად“ მიიჩნევს და ქართული სასულიერო მკვებრმეტყველების ისტორიული განვითარების „უკანასკნელ მაღალ საფეხურად“ აღიარებს.

მკვლევარის აზრით, გ. ქიქოძის ქადაგებათა „სტილის კაზმულობას უმთავრესად ზოგიერთი არქაული ელემენტი ქმნის, რაც ოდნავ მოძველებული ელფერით მოსავს მეტყველებას, მაგრამ ვერ უკარგავს მას სიცხადესა და მკაფიობას. კონტრასტების შუქით განთეობული არქაული ელემენტები ინარჩუნებენ სიძველის იერს, მაგ-

რამ იქნენ ახალ დანიშნულებას“ (ნ. კანდელაკი, ქართული მკვებრმეტყველება, 1968 წ., გვ. 350).

გაბრიელის ქადაგებათა ძირითადი მსოფლმხედველობრივი საფუძველა ქრისტიანული რწმენა და საღმრთო წიგნებია. იგი ეკლესიას ზნეობრივი აღზრდისა და რწმენის განმტკიცების უპირველეს კერად მიიჩნევდა. გაბრიელ ეპისკოპოსის თეოლოგიურ მოღვაწეობას საბჭოთა ხელისუფლების წლებში დაწერილ ნაშრომებში, გასაგები მიზეზების გამო, ზოგჯერ ტენდენციური ცალმხრივობითაც უდგებოდნენ ხოლმე. ეს იყო სამწუხარო შედეგი იმ დამოკიდებულებისა, რომელსაც ეკლესიისადმი, საერთოდ, სარწმუნოებისადმი, იჩენდა ახალა ეპოქის იდეოლოგია.

სწორედ ამ იდეოლოგიურმა ცალმხრივობამ და ტენდენციურობამ განაპირობა იმისთვის ხაზგასმა, თითქოს გაბრიელ ეპისკოპოსის ქადაგებანი „რელიგიური ცრურწმენითა და ქრისტიანული მისტიციზმის ყალბი შინაარსით“ იყოს მხოლოდ გამსკვალული. „მისი აზროვნების პრინციპული მხარე, — წერს ნ. კანდელაკი, — ანტიმეცნიერულია. ის ეყრდნობა მოთმინების, მოღუენებისა და გულგრილობის ქრისტიანულ მასალას. ორატორი იღვწის ბოროტებასთან შერიგებისა და კლასთა შორის მშვიდობისათვის“ (იქვე, გვ. 348).

აქ, ამ შეფასებაში, ძნელი არაა იდეოლოგიურ სტერეოტიპულ პრინციპებზე დაფუძნებული მცდარი დასკვნები დავინახოთ, რის შედეგადაც არასწორი განმარტება ეძლევა გაბრიელის ქადაგებათა ცალკეულ მხარეებს. უყურადღებოდაა მიტოვებული ის ცხოვრებისეული პრობლემები, რომლებსაც ხშირად აქცევდა ხოლმე ორატორი მსჯელობის საგნად.

აქვე უსათუოდ გასათვალისწინებელია ისიც, რომ გაბრიელის ქადაგებანი ხშირად მეცნიერულ საფუძველზე დაფუძნებული. იგი, არსებითად, თითქმის ყოველთვის, უშუალოდ სინამდვილიდან ამოდის ხოლმე და არ წყდება ცხოვრებისეულ რეალობას. ამიტომაცაა, რომ მის ქადაგებებში მოვლენათა საფუძვლიანი განსჯა იკავებს ძირითად ადგილს.

ასე რომ, გაბრიელის მსოფლმხედველობის ანტიმეცნიერულობაზე საუბარი არასწორია. პირიქით, მისი თეოლოგიური მოძღვრება, როგორც ეს ადრევე აღნიშნეს მღვდელმთავრის დიდმა თანამედროვეებმა, საოცარი ნიმუშია მეცნიერებისა და სარწმუნოების

ურთიერთშერწყმისა. ილიას აზრით, გაბრიელ ეპისკოპოსი ის მოძღვარი იყო, რომელიც „სარწმუნოებას ამეცნიერებდა და მეცნიერებას ასარწმუნოებდა“. ი. გოგებაშვილი კი წერდა: „სარწმუნოება, მოკლებული განათლებას, ხშირად იქცევა ვიწრო ფანტიკოსობად, ან აღმერთებს გარეგანს, დროებითს ფორმებს ეკლესიისას და ივიწყებს შინაგან მხარეს, ცხოველმყოფელს ზნეობრივ პრინციპებს, დედა-აზრს სახარებისას“. გაბრიელის ქადაგებათა უმთავრეს ღირსებად იაკობი იმას თვლის, რომ მათში წარმატებითაა უკუბღებული ყველა ეს საშიშროება.

გ. ქიქოძის ქადაგებათა მკითხველი ნათლად შეიგრძნობს სიყვითისა და ბოროტების სიღრმისეულ არსს. ორატორის მიზანია გაგვიღვივოს რწმენა მოყვასისადმი სიყვარულისა და დათრგუნოს ადამიანის არსებაში ფესვგადგმული უკეთურობის მაცდუნებელი გრძნობა. ამ ღვათებრივი მიზნისაკენ გაბრიელი მიისწრაფვის დარწმუნების, შთაგონების მეშვეობით. მისთვის მთავარია მოყვასს დაეხმაროს სულის მხსნელი გზის ძიებაში. ეს არის ღმერთთან, ქრისტიანულ ზნეობასთან ზიარების ქადაგება, რომელიც ადამიანის შინაგანი ბუნებისა და ცხოვრებისული რეალობის ღრმა მეცნიერული ცოდნის საფუძველზეა აღმოცენებული.

ძნელია დავასახელოთ ადამიანის მიწიერი ყოფის რომელიმე მნიშვნელოვანი მხარე, გაბრიელის ქადაგებათა განაჯის ობიექტად რომ არ ქცეულიყო. ასე გაუმიჯნავად ერწყმის მის ქადაგებებში ერთმანეთს საერო და სასულიერო მოტივები, რითაც დიდად იყო განპირობებული ის საყოველთაო ინტერესი, რასაც თანამედროვენი იჩენდნენ მის მიმართ.

მაგრამ ობიექტურობა მოითხოვს ისიც ითქვას, რომ გ. ქიქოძის ქადაგებათა მხატვრულ-ლიტერატურულ მნიშვნელობას კრიტიკულად შემფასებელნიც ჰყავდნენ. მაგალითად, ნიკო ნიკოლაძე 1870 წელს დაწერილი თავისი წერილებით რადიკალურად დაუპირისპირდა მაშინდელ პრესაში გაბრიელის ქადაგებებზე გამოთქმულ თვალსაზრისს. კერძოდ, ნ. ნიკოლაძეს მხედველობაში აქვს „მნათობის“ 1870 წლის პირველ ნომერში დასტამებული რეცენზია, რომელშიც ნათქვამი იყო, რომ გ. ქიქოძის „სიტყვანი და მოძღვრებანი“ კაცის ცხოვრებას გააუკეთესებს და სისრულემდის მიიყვანსო (გვ. 116). ამის გამო გაზეთ „დროების“ 1870 წლის მე-20 და 21-ე



ნომრებში დასტამბულ წერილში ნიკო ნიკოლაძე წერდა, რომ „მნათობის“ „კრიტიკა უსაფუძვლო ქების შესხმაა“.

იგი სადავოდ არ ხდის იმ ფაქტს, რომ გ. ქიქოძის ქადაგებებს „მშვენიერი და უსათუო ქეშმარიტებანი უძევს საფუძვლად. ამ ქეშმარიტების გასაფრთხილებლად მქადაგებელი შესანიშნავ ბუნებით ნიჭს ხმარობს ხოლმე. ეს ყველაფერი უეჭველია; აგრეთვე უეჭველი ისიც არის, რომ ამ ქადაგებას სასულიერო ლიტერატურაში მნიშვნელობა უნდა ჰქონდეს“. მაგრამ, კრიტიკოსის აზრით, მღვდელმთავრის მიერ ნაქადაგევი ქეშმარიტებანი ძველისძველია და „ათი ათასჯერ გამოუთქვამთ პირველ მამამთავრებს და ზნეობის მასწავლებლებს“ (ნ. ნიკოლაძე, თხზ., ტ. II, 1960 წ., გვ. 46).

ეს შენიშვნა უთუოდ სწორია და გასათვალისწინებელი, მაგრამ არც ის უნდა გამოგვრჩეს მხედველობიდან, რომ ზნეობრივი ქეშმარიტებანი მარადიულ ადამიანურ ღირებულებებს შეადგენენ და მათ ყველი არასოდეს არ გაუღიბ. გაბრიელის მიერ ნაქადაგევი ზნეობრივი და თეოლოგიური პრობლემები, უმეტესწილად, სწორედ მარადიულ სულიერ ღირებულებებს წარმოადგენენ და ისინი ყოველთვის აქტუალურნი იქნებიან, რადგანაც სიკეთისა და ბოროტების კიდლი, ზნეობრივი სრულყოფისკენ სწრაფვა, მარადიულად მიმდინარე პროცესია, რომელსაც საარსებო არა აქვს.

სულ სხვა ამბავია, რამდენად ოსტატურად და მაღალმხატვრულად ახერხებს ავტორი ამ ქეშმარიტებათა გამოხატვას. საზოგადოებრიობამ იმთავითვე აღიარა და დრომ ეს შეფასება საკვებით დაადასტურა, რომ გაბრიელ ეპისკოპოსის ქადაგებანი მაღალი ლიტერატურული დონის ნაწარმოებებია, შესრულებულნი დახვეწილი ოსტატობითა და ნატიფი ხელოვნებით. ასე რომ, მათ ღირსეულებს მარტო შინაარსობრივი მხარე კი არ განსაზღვრავს, არამედ ამ შინაარსის მხატვრული გამოხატვის ფორმაც. კერძოდ, გ. ქიქოძე თავისი სიტყვებითა და მოძღვრებებით ღირსეული გამგრძელბეღელია ქართული სასულიერო მწერლობის მრავალსაუკუნოვანი მონაპოვრისა.

აქვე არ უნდა დავივიწყოთ ისიც, რომ „ქრისტიანულ მწერლობაში საავტორო უფლებებისა და ორიგინალების საკითხი სულ სხვანაირად იყო გააზრებული, ვიდრე ახალი დროის მწერლობაში. ამ ფაქტის გათვალისწინებით უნდა იქნეს გაანალიზებული აღრეული

საუკუნეების და მათ შორის ქართული ლიტერატურული ძეგლები. მართებულად შენიშნავს დიდი მედიევისტი ყებელოვი: ძველად თითქმის არ არსებობდა საავტორო უფლებისა და ლიტერატურული საკუთრების ვაკება“ (რ ე ვ ა ზ ბ ა რ ა მ ი ძ ე, საავტორო უფლების საკითხის გაგებისათვის ლიტერატურათმცოდნეობაში. იხ. წიგნში: ლიტერატურული ძიებანი, 1 (XVI), 1987 წ. გვ. 206).

მსოფლიოს გამოჩენილ ლიტერატურათმცოდნეთა ნააზრევზე დაყრდნობით, რ. ბარამიძე დასაბუთებულად ადასტურებს ზემოთქმულ თვალსაზრისს და ნათელყოფს სასულიერო მწერლობისათვის მკაფიოდ დამახასიათებელ იმ ტენდენციას, რომ „ბიბლიური და პატრისტიკული სახეები არის არა მევანის საკუთრება, არამედ ღვთაებრივი ზეშთაგონება, რომელიც შეიძლება იქნას გამოყენებული კონკრეტული განწყობისა და სიტუაციის შესაბამისად“. მკვლევარის განმარტებით, „ბიბლია აღქმული და გააზრებული იყო, როგორც ღვთაებით შთაგონებული ქმნილება და ამდენად ის ერთდროულად ყველას საკუთრება იყო. ბიბლიური ციტატის, ბიბლიური სახისა თუ სიმბოლოს გამოყენება არავის პრეროგატივას არ წარმოადგენდა. ნებისმიერი მწერალი, მოაზროვნე და თვით რიგითი მოქალაქე, რაიმე დებულების, მოსაზრების ნათელსაყოფად ეყრდნობოდა რა ბიბლიურ სახეს, ამ უკანასკნელის ფიგურირება ამა თუ იმ ძეგლში არ აღძრავდა კითხვას, საიდან მოდის იგი: უშუალოდ ბიბლიის წაკითხვითაა აღძრული, თუ წინა დროის რომელიმე მწერლის თხზულებიდანაა ამოკითხული. ამიტომ არც იდგა საკითხი ლიტერატურული წყაროს ძიებისა“ (იქვე).

გაბრიელ ეპისკოპოსი მყარად დგას სასულიერო მწერლობის ამ ტრადიციაზე და თანმიმდევრულად იცავს მას.

ეფექტობ, ნ. ნიკოლაძის პოლემიკურ წერილში ზემოთ ხაზგასმული თავისებურებანი ვერაა სათანადოდ ყურადღებამიქცეული, რის გამოც მსჯელობამ ცალმხრივი ხასიათი მიიღო. კრიტიკოსი ზელის, რომ ხალხის ზნეობრივი სახის გაჯანსაღების ის გზა, რომელიც გაბრიელ ეპისკოპოსს აურჩევია, მცდარია და ამ მიზნის მიღწევა მხოლოდ სოციალური წყობილების შეცვლითაა შესაძლებელი. „ეჟურნალს, — ამბობს იგი, — უნდა სცოდნოდა, რომ ხალხის ზნისა და ჩვეულების შეცვლაში ან გაუმჯობესებაში უმთავრესი გავლენა იმ ხალხის მდგომარეობას და წყობილებას აქვს. იმაზე არ უნდა დავიწყებოდა, რომ ხალხის ზნეობით აღზრდისათვის, ქა-

დაგებების გარდა, სხვა რამეცაა საჭირო, და ეს „სხვა რამე“ იმაში მდგომარეობს, რომ მას მიზნათ ამ ბუნების დაკმაყოფილება ჰქონდეს: „მნათობს“ ისიც უნდა გახსენებოდა, რომ ამ ბუნების დაკმაყოფილებისათვის აუცილებლად საჭიროა ზოგიერთი საზოგადო წესების შეცვლა... საზოგადოების ზნეობითი აღზრდა საზოგადოების წყობილების და მდგომარეობის გაუმჯობესებას მოსდევს, უამისოთ კი სრულიად შეუძლებელია“ (ნ. ნიკოლაძე, დასახ. ტომი, გვ. 46).

ადამიანის ზნეობრივი სახის გასაუმჯობესებლად აუცილებლად საჭირო ის ორი მომენტი, რომელთაც ნ. ნიკოლაძე ასახელებს ციტირებულ ფრაგმენტში, ვფიქრობ, ერთმანეთს არც გაპორიციხავს და არც უპირისპირდება. საზოგადოებას ზნეობრივი გაჯანსაღება მარტო სოციალურ-პოლიტიკური წყობილების შეცვლა-გაუმჯობესებაზე არ არის დამოკიდებული. ასე რომ, თეზისი — „საზოგადოების ზნეობითი აღზრდა საზოგადოებას წყობილების და მდგომარეობის გაუმჯობესებებს მოსდევს“ — მხოლოდ ნაწილობრივია სწორი, რადგანაც მატერიალურად კეთილმოწყობილ საზოგადოებაშიც არანაკლებად აქტუალურია ადამიანის ზნეობრივი სახის სრულყოფის პრობლემა.

თანაც, გ. ქიქოძის ქადაგებათა შეფასების დროს, მხედველობიდან არ უნდა გამოგვჩიხს ის არსებითი მომენტი, რომ გაბრიელი იყო არა რევოლუციონერი და სოციალური რეფორმატორი, არამედ ღვთისმოსავე, რომელსაც საზოგადოებრივი გაჯანსაღების უპირველეს საშუალებად ღმერთთან ზიარება და რწმენის განმტკიცება მიაჩნდა.

საგანგებოდ შეეხო ნ. ნიკოლაძე გაბრიელის ქადაგებათა უცხო ენებზე თარგმნის საკითხსაც და აღნიშნა, რომ ამ ფაქტის მიჩნევა ნაწარმოების მაღალმხატვრობის დამადატურებელ არგუმენტად შეცდომააო. ამჯერადაც მას მხედველობაში ჰყავდა „მნათობის“ რეცენზენტი, რომელიც წერდა: „ეს შემთხვევა (იგულისხმება გ. ქიქოძის ქადაგებათა ინგლისურად თარგმნა — ა. ნ.) ამტკიცებს მოხსენებულ ქადაგებათ და მოძღვრებათ ფრიად ღირსებაებს. ჩვენ. ქართველებს, შეგვიძლიან ვიამაყოთ ამით, რადგან ქართველი ხიქია ნაწარმოები ინგლისელებსაც კი. ამისთანა გონიერ და დამჯდარ ხალხს. მოვაწონეთ და ისე მოვაწონეთ, რომ შრომა გასწიეს მის გადათარგმნაზე და იწყეს მათი ხმარება“ (უერნ. „მნათობი“, 1870 წ. 1, გვ. 116).

ნ. ნიკოლაძე არ ეთანხმება ამ თვალსაზრისს და მართებულად შენიშნავს, რომ „მარტო გადათარგმნა წიგნის ღირსებას ვერ ამტკიცებსო“.

მოგვიანებით ნ. ნიკოლაძემ დიამეტრალურად შეიცვალა აზრი გ. ქიქოძის ქადაგებებზე და მათ მალალ შეფასებას აძლევდა. იგი უდიდესი პატრიარქებით იყო გამაჰყვალული გაბრიელ ეპისკოპოსისადმი, როგორც დიდი მამულიშვილისადმი, და მასზე ამბობდა, რომ ის „ერთი ყველაზე ღირსეული და სრულყოფილი ფიგურა არისო ჩვენი დროისა“. ასევე აღსანიშნავია ისიც, რომ, როგორც ვნახეთ, სწორედ მისი აქტიური ზრუნვითა და დახმარებით შეძლო მ. კელენჯერიძემ გ. ქიქოძის ცხოვრებასა და მოღვაწეობაზე დაწერილი წიგნის გამოცემა 1913 წელს.

აქვე ორიოდ სიტყვა მინდა ვთქვა გაბრიელ ეპისკოპოსის ქადაგებათა ინგლისურ ენაზე მთარგმნელის შესახებაც. 1868 წელს: გ. ქიქოძის ქადაგებანი ინგლისურად თარგმნა სოლომონ სიზარ მალანმა. გაბრიელ ეპისკოპოსის ქადაგებებით მოხიბლულ შვეიცარიელ ლეთისმეტყველსა და კლასიკური ფილოლოგიის პროფესორს გადაუწყვეტია საკუთარ სამწყსოში წვეოდა მღვდელმთავარს და პირადად გაეცნო იგი.

მართლაც, 1872 წლის გაზაფხულზე ის ესტუმრა ქუთაისს. გაბრიელ ეპისკოპოსმა მოსიბლა მალანი, რომელმაც ერთი კვირა დაპყო მღვდელმთავართან, „თან ახლდა წირვასა და მღვდელმსახურებაზე, ნახა ფრესკებით შემკული და პატრიოსანი თვლებით მოოქვილი მასიური ოქროს ჭურჭლეულით მდიდარი ტაძრები; დიდი შთაბეჭდილება მოახდინა მასზე რიტუალის ზვიადმა იერმა და გალობის ხმატკბილობამ, ხელზე მთხვევის ცერემონიამ დასხვ. თვით მალანმა ქართულად წარმოთქვა ქადაგება საკათედრო ტაძარში“ (დვიდ მარშალ ლენგი, ქართველოლოგიური კვლევა-ძიება ოქსფორდში იმ. ეურნ. „ცისკარი“, 1957 წ. № 4, გვ. 140).

\* \* \*

გაბრიელის სიტყვები და მოძღვრებანი ბოროტების კირთებისაგან აღამიანის სულის დახსნისკენ სწრაფვა და სიკეთის გამოსარჩლებაა. ორატორის ყოველი გამოსვლა ეს არის გულითადი დიალოგი მრევლთან, ძალდაუტანებელი ქადაგება ღვთაებრივი რწმენისადმი უღალატო ერთგულებისა, გულწრფელი დაღადისი ღვთით

შთაგონებული ზნეობრივი მცნებებისა, რომელთაღმე ერთგულებაჲ უნდა დათრგუნოს ადამიანის სულში ბოროტება და გააღვიოს მოყვასისადმი უანგარო სიყვარულის უზენაესი გრძნობა.

თავისი ქადაგებებით გაბრიელი გვევლინება როგორც დიდი თეოლოგი და მორალისტი, ვინც ფილოსოფიური დამაჯერებლობითა და ლოგიკური მჭევრმეტყველებით განუპარტავს პრევლს მარადიულ ზნეობრივ ღირებულებებს, ადამიანთა ცხოვრების არსსა და მიზანდასახულებას, შთაგონებს და განუმტკიცებს ღვთის რწმენას. გვმოძღვრავს და გვასწავლის იმ გზას, რითაც უნდა ვეზიაროთ უზენაეს სულიერ პარმონიას და თავი დავიხსნათ ყოფითი ამოებების ტყვეობისაგან.

არ დარჩენილა მიწიერი ცხოვრების მანკიერება, რომელიც გაბრიელ ეპისკოპოსის ქადაგებათა მხილებისა და განსჯის საგნად არ ქცეულიყოს. ამ თვალსაზრისით იგი უშუალო გამგრძელებელია ქართული ქრისტიანული ლიტერატურის დიდი ტრადიციებისა. მსგავსად ჩვენი სასულიერო მწერლებისა, გ. ქიქოძეც თავგამოდებით გმობს ყოველგვარ ბოროტებას და ცდილობს მათი კირთებისაგან პიროვნების განთავისუფლებას.

ქართულ სასულიერო ლიტერატურათან მისი ქადაგებების ამდაგვარი პირდაპირი მემკვიდრეობითი კავშირი შეინიშნება არა მარტო შინაარსობრივი თვალსაზრისით, არამედ მხატვრული გამოსახვის ფორმათა მსგავსებითაც. გაბრიელი-მქადაგებელი ამ შემთხვევაში პირდაპირ მიყვება იმ მაგისტრალურ გზას, რომელიც ქრისტიანულმა იდეოლოგიამ დაამკვიდრა ჩვენს ლიტერატურაში.

გ. ქიქოძის ქადაგებებში დასმული პრობლემები, მათ შორის, რასაკვირველია, მის მიერ მხილებული და დაკნობილი მანკიერებანიც, მრავალგზის ქცეულა ჩვენი სასულიერო მწერლობის ასახვის ობიექტად. ამ თვალსაზრისით ორატორი მარადიულ ზნეობრივ ღირებულებებს, საყოველთაოდ ცნობილ ქეშმარიტებებს, გამოხატავს ხოლმე. მავრამ ამ ქეშმარიტებათა ქადაგება ხშირად იძენს იმ შთამაგონებელ ემოციურ დატვირთვას, რითაც საყოველთაოდ ცნობილი აზრები ახალი ძალით იჭრებიან მსმენელის გულში და იპყრობენ მის ცნობიერებას.

მოვიშველით კონკრეტული მაგალითი. როგორც ცნობილია, ქრისტიანული რელიგიის დანიშნულება იმ რწმენის განმტკიცებაა, შთაგონოს პიროვნებას აქსოფლიური ცხოვრების წარმავლო-

ბა. „ამ სოფლის სიცოცხლე, — ქადაგებს გაბრიელი, — ღმერთმა დაგვინიშნა, ძმაო, მისთვის, რათა მოვამზადოთ თავი ჩვენი მომავლისა ნეტარებისათვის. ამ სოფლის ყოველივე წარმავალი არს, ყოველივე აქვე დარჩება. და ესრეთ რომელმან კაცმან ამ სოფელში ძონასა და გაიჩინა რომელიმე ცრუ საუნჯე, იგი დაჰკარგავს ჭეშმარიტსა, ზეციერსა საუნჯესა“ (I, გვ. 67). გ. ქიქოძის საღვთისმსახურებლო მოღვაწეობის უმთავრესი მიზანი იყო გაეთავისუფლებინა ადამიანის სული ამ „ცრუ საუნჯის“ ტყვეობისაგან და ეჩვენებინა მისთვის „ზეციურ საუნჯესთან“ მისაახლებელი გზა.

ღმერთთან, ამ „ზეციურ საუნჯესთან“, მიახლების გზაზე კი მას ერთ-ერთ ძნელად დასაძლევ ბარიერად და სულის წამწყმედ ცოდვად ვერცხლისმოყვარეობა მიაჩნდა. ვერცხლისმოყვარეობით გონებადაბნელებულ ადამიანს გაბრიელი განწირულად თვლის და მისი უბედურების მთავარ პირობად იმას აღიარებს, რომ მას შეგნებული არა აქვს ერთი მარტივი ჭეშმარიტება: „ყოველივე ამ სოფლის საუნჯე არის წარმავალი და მოლაღატე, ხოლო სული შენი არის უკვლავი“. „რასა იქმ შენ მაშინ, — მიმართავს იგი ვერცხლის ტყვეობაში მყოფ ადამიანს, — ოდეს საუნჯე შენი დაგრჩება აქა და შენ კი გადახვალ იმ სოფელში, რას იქ შენ, ჰოი კაცო, ვერცხლის ხარბო? შენი სიყვარული და ნუგეში იყო ვერცხლი და სიმდიდრე; საწყალი შენი სული იქ სიმდიდრეს ველარ ნახავს. ანუ რასა იქმ, შენ, ჰოი, შენ პატივის და ჩინების მოყვარეო, კაცო, როდესაც გარდახვალ იმ საუკუნეში?.. რაც გიყვარდა, ის აქ დაგრჩა და რასაც მიჩვეული არა ხარ, იქ დაგხვდება. რას იქ შენ მაშინ განმიშვლებული და მოკლებული ყოველითა შენითა ნუგეშითა?“ (იქვე).

ცხადია, მთელ ამ მსჯელობაში ახალი და ორიგინალური არაფერია. ეს ყველაფერი არაერთგზის თქმულა და კანკადაა ცნობილი ყოველი ქრისტიანისათვის. მაგრამ ამ შემთხვევაში არ უნდა დაგვავიწყდეს ის გარემოება, რომ ქრისტიანული ღვთისმსახურება, პირველ ყოვლისა, სწორედ ამგვარ ჭეშმარიტებათა და მარადიულ ზნეობრივ ღირებულებათა განმტკიცებას ისახავდა მიზნად. ამ შემთხვევაში მთავარი ყურადღება იმას ექცეოდა, როგორ, რა ახალი გზებითა და საშუალებებით, მიაღწევდი ღვთაებრივი სათნოების განმტკიცებას პიროვნების სულში. გაბრიელ ეპისკოპოსის ქადაგებებიც, უწინარეს ყოვლისა, სწორედ ამ მხრივია საინტერესო ისტორიულადაც და თანადროული თვალსაზრისითაც.

ცხოვრების მანკიერებათა დაგმობა და ადამიანის ზნეობრივი განწმენდისკენ სწრაფვა, როგორც წესი, ბიბლიური წიკნებიდან მოშველიებულ სიბრძნესა და სიუყუტურ ეპიზოდებს ეფუძნება ხოლმე. მქად ვებელს ხშირად მოჰყავს ცალკეული ფრაკვენტები, პოპულარული. ადვილად მისაწედოპი ენით მოუხრობს მრევლს მათ შესახებ, განმარტავს ტექსტს, რის შედეგადაც ნათელს ხდის ამ ეპიზოდებისა თუ ბრძხული აზრების სიმბოლურ-ალეგორიულ ქვეტექსტებს.

მაგრამ აქვე ისიც ხაზგასმით უნდა აღინიშნოს, რომ გაბრიელი მხოლოდ კომენტატორის როლში როდი გამოდის. საღვთო წიკნების ყოველი მისეული ახსნა-განმარტება ორგანულადაა დაკავშირებული თავისი დროის საჭირბოროტო პრობლემებთან. ასე ერწყმის მის ქადაგებებში ერთმანეთს ზოგადადამიანური პრობლემებისა და თეოლოგიური საკითხების სიღრმისეული განსჯა კონკრეტული ცხოვრებასეული მოვლენების გონივრულ ანალიზს.

გ. ქიქოძის სიტყვებსა და მოძღვრებებში მძაფრი კონტრასტულობითაა ნაჩვენები სიკეთისა და ბოროტების ურთიერთჭიდილი. ორატორი ნათლად მიგვანიშნებს ყველა იმ სირთულესა და წინააღმდეგობაზე, რომლებიც ადამიანს ელობებიან წინ ქრისტიანული სულეირი პარპონიის მისაღწევ გზაზე და იმასაც არაერთგზის ამბობს. რომ ბევრს როდი შეაწევს შინაგანი ძალა საიმისოდ, თავი დააღწიოს მიწიერ ამაოებათა ტყვეობას. ეს უდიდეს ნებისყოფასა და რწმენის აბსოლუტურ სიმტკიცეს გულისხმობს. მაგრამ ავტორი იქვე იმ სასიკეთო შედეგებზეც საუბრობს, რომლებიც ამ მსხვერპლშეწირვის ფასად მიიღწევა. ეს არის ადამიანის ზნეობრივი სრულყოფა და იმქვეყნური სასუფეველის დამკვიდრება.

ორიოდე სიტყვა გაბრიელ ებისკოპოსის ქადაგებათა კომპოზიციურ აგებულებასზე. ორატორის სიტყვები და მოძღვრებანი, როგორც წესი, მრცულობითი სამცირით ხასიათდებიან. საშუალოდ, თითოეული მათგანი, უმეტესწილად, 3-4 ნაბეჭდი გვერდია და მათში ძირითადი ყურადღება ერთ ძირითად პრობელმაზეა გამახვილებული. ავტორი თავიდანვე გამოყოფს განსასჯელ საკითხს და მთელსაუბარს მის სიღრმისეულ შეფასება-ანალიზსა და ახსნა-განმარტებას უმორჩილებს. ეს საუბარი მოკლებულია განყენებულ ფრაზეოლოგიას და არაა გადატვირთული ზოგადი, არაფრისმქმელი მსჯელობებით. ამგვარი განსჯის ობიექტად, როგორც ითქვა, ქცე-

ჟღერა ქრისტიანული რელიგიის საკულტო დღესასწაულები და წეს-ჩვეულებანი, ადამიანის ზნეობასთან და ყოველდღიურ ცხოვრებასთან დაკავშირებული საჭირობო პრობლემები, ბიბლიის ცალკეულ ეპიზოდებისა და დეტალების განმარტებანი.

საგანგებოდ უნდა აღინიშნოს გ. ქიქოძის ქადაგებათა ენობრივი მხარე, რომელიც ყურადღებას იქცევს ლიტერატურული დახვეწილობით, ლექსიკური სიმდიდრითა და მისაწვდომობით. მისი თხრობა არაა გადატვირთული მოძველებული საეკლესიო და მრევლისთვის ძნელად გასაგები არქაული სიტყვა-გამოთქმებით. მართალია, ორატორი ხელაღებით არ ამბობს უარს არქაულ საეკლესიო ლექსიკაზე, მაგრამ ყოველთვის იცავს ზომიერებასა და სიფრთხილეს. მის მიერ გამოყენებული არქაიზმი სტილური ინდივიდუალობის მიღწევის ერთ-ერთი მნიშვნელოვანი ხერხია, რომელიც ბუნებრივად ერწყმის სასაუბრო ენის სისადავესა და უბრალოებას.

გაბრიელმა კარგად იცოდა, რომ მისი ქადაგებების მსმენელთა უმეტესი ნაწილი უბრალო ხალხი იყო, რომლისთვისაც ნაკლებად მისაწვდომი იქნებოდა ხელოვნურად გართულებული და გადატვირთული მსჯელობა. ამიტომაც ცდილობდა იგი შეგნებულად ეთქვა უარი მეტისმეტ მწიგნობრულობაზე, თავი შეეკავებინა ხაზგასმული პათეტიკისა და რიტორიკისგან და მრევლთან გამართული გულთადი დიალოგებითა და ქადაგებებით ესწრაფოდა ეპოვა ადამიანის გულისკენ მიმავალი გზა.

ასე იძენს ორატორის სიტყვა უშუალოებას, გულწრფელობას, სისადავეს, უბრალოებას — ყველა იმ ნიშან-თვისებას, რითაც იშლება ზღვარი მქადაგებელსა და მსმენელს შორის. ზედმეტი ფერადებისა და ჩუქურთმებისაგან განტვირთული მისი თხრობა ლაღია, სადაა და გადაუტვირთავი. მის ქადაგებებში იგრძნობა ხალხური გნის ლაღი სუნთქვა.

ასე, მრევლისთვის ადვილად ხელმისაწვდომი ენით, გამოხატავს ორატორი სათქმელს. თხრობის უშუალოება და სისადავე აშკარად შეგვაგრძნობინებს იმას, რომ მქადაგებელსა და მსმენელს შორის თავიდანვე მყარდებოდა ნდობისა და გულითადი სიახლოვის განწყობილება. ამას დიდად განსაზღვრავდა არა მარტო მსჯელობის გულწრფელობა და სიმართლე, არამედ გაბრიელის პიროვნული თვისებებიც — თავმდაბლობა, უშუალოება, შემწყნარებლობა, მრევლისგან გაუმიჯნელობა და ხალხის ტყვილისა და სიხარულის სა-



ფუძვლიანი ცოდნა. ორატორი მსმენელთა წინაშე იღვა არა როგორც მხოლოდ მქადაგებელი და ჰკუის დამრიგებელი, არამედ მათი სისხლი სისხლთაგანი, მათსავით ცოდვილი არსება, ხორციელი ადამიანი, რომელიც გულწრფელად იზიარებდა მათ ჭირსა და ღზინს.

ამიტომაცაა მისი ქადაგებანი მოკლებული კატეგორიულ იმპერატიულ ტონსა და შიშველ, გამაღიზიანებელ ლიდაქტიურობას. ღრმა მოკრძალება, გულწრფელი შემგონებლობა, გულითადობა, მოძმის გულში ღვთაებრივი რწმენის გაღვივების მძაფრი სურვილი — აი, ნაწილი იმ ნიშან-თვისებებისა, რომელნიც გაბრიელ ეპისკოპოსის ქადაგებებს განსაკუთრებულ ღირსებებს სძენდნენ მსმენელებში.

მრევლის სიყვარულსა და პატივისცემას მქადაგებლისადმი დიდად განსაზღვრავდა რწმენა იქნისა, რომ ორატორისათვის სხვა ცხოვრება, სხვა პრინციპები, არ არსებობდა, გარდა მის მიერ ნაქადაგევი სიბრძნისა. იგი იმ ცხოვრებით ცხოვრობდა და იმ ზნეობრივი ნორმებით მოქმედებდა, რააც სჯავს შთააგონებდა. გაბრიელის პიროვნული ცხოვრება: ამისი ნათელი დადასტურება იყო, სანიმუშო მაგალითი ადამიანის ღვთისმოსაობისა და კეთილშობილებისა. ამიტომაც ენდობოდა მას ხალხი, სწავლათ და სჯეროდათ მისი. საზოგადოებრივი საქმისათვის უნაგარო თავდადება, მოყვასისათვის მუხლჩაუხრელი სრუნვა და გარჯა, სძენდა მას იმ დიდ ავტორიტეტს, რითაც გაბრიელის სახელი იყო ხალხში გარემოსილი და ზნეობრივი სრწმინდის მაგალითად ქცეული.

გაბრიელ ეპისკოპოსი, პირველ ყოვლისა, საკუთარი თავის განმკითხველი იყო, რადგანაც ღრმად სწამდა, რომ სხვათა განმკითხველ-დამმძღვრელი უწინარესად თავისივე თავის განმკითხველი უნდა იყოს ხოლმე. ადამიანის ცოდვათაგან განწმენდისა და ზნეობრივი ამაღლების უპირველეს გზად იგი სწორედ ამას მიიჩნევდა და მაგალითად იობს ასახელებდა, იობს, რომელიც „ღრმად გაშინჯავდა და სიმართლით ასწონვიდა ყოველთა თვისთა საქმეთა... იგი ხშირად ფიქრობდა, თვისთა საქმეთა ზედა. ხშირად გაიკითხავდა თავის თავს“ (1, გვ. 77).

თუ იობი ამდაგვარად იქცეოდაო, — უმატებს შემდგომ იქვე. — იობი, რომელიც „ესოდენ იყო კეთილი და ჯაცმოყვარე, რომელსა თანამედროვენი მისნი იტყოდნენ მას ზედა: იგი არის თვალი ბრძა-

თათვის, ფეხი დავრდომილთათვის, საზრდო და ნუგეში მშვიერთათვის“, მაშინ „ჩვენ უმეტესად გვმართებს გაშინჯვა და გამოკვლევა ცხოვრებისა ჩვენისა“. ამდაგვარი მსჯელობით ავტორი ცდილობდა ადამიანის სულში უფრო მეტად გაეღვივებინა ბოროტებისა და აღამიანურ მანკიერებათა საწინააღმდეგო განწყობილება, ამოეძიკვა „ფესვი ცოდვისა“. მარტო მონანიებითა და ამა თუ იმ კონკრეტულ ბოროტებათა დაგვიით ადამიანის სული ვერ განიწმინდება ცოდვათაგან. საკუთარ მანკიერებათა თვითმხილებასა და მონანიების ორი მიზანი უნდა ჰქონდეს. ერთი „წარსულისა შენისა ცხოვრებისა ცოდვანი და ბრალნი შეინანო და მიიღო ღვთისაგან შენდობა, მეორე კი უდიდესი ისა, რათა მომავლისა დროებისათვის შეიქმნა უმჯობესი, ესე იგი, აღარ სცოდავდე და არ გაამწარებდე ღმერთსა“ (I, გვ. 78).

თავის პირველ სიტყვაში, რომელიც გ. ქიქოძემ იმერეთის ეპარქიაში ეპისკოპოსად კურთხევის შექმდეგ წარმოთქვა 1860 წლის 8 სექტემბერს გელათის მონასტერში, მან მრევლის ყურადღება მიაპყრო მასზე დაკისრებული მოვალეობის სიმძიმეს. „ვითარ შევსძლო მე უღირსმან და უძლურმან ტვირთვა ესოდენისა მძიმისა ტვირთისა“, — განაცხადა მან. მაგრამ როგორც მთელმა მისმა ხანგრძლივმა მოღვაწეობამ დაადასტურა, გაბრიელ ეპისკოპოსმა სამაგალითოდ შეასრულა ეს სპატიო მოვალეობა და მრავალ სასიკეთო საეკლესიო და საერო საქმეს უწინაშედგრა წარმატებით.

ახლად ნაკურთხი ეპისკოპოსის პირველივე სიტყვაში ნათლად გამოჩნდა მისი მოკრძალებული და კაცთმოყვარე ადამიანური ბუნება. დრომ დაადასტურა, რომ მის ამ გამოსვლაში არავითარი პოზა და სიყალბე არ ყოფილა. მან საოცარი მოკრძალებითა და გულწრფელობით ჩამოაყალიბა ყოველი ჭეშმარიტი ქრისტიანისთვის სავალდებულო ის ძირითადი პრინციპები, რომელთაც პირველ ყოვლისა, თავად თვითონვე ემსახურა მთელი ცხოვრების მანძილზე უწყევლოდ და უბიწოდ. მას ღრმად სწამდა და სჯეროდა ის ჭეშმარიტება, რომ სხვისი შემფასებელი თვით უნდა იყოს ზნეობრივად სრულქმნილი პიროვნება. ამიტომაც ცდილობდა, მისი პირადი ცხოვრება უტყუარი სარკე ყოფილიყო იმისა, რასაც სხვებს უქადაგებდა. ამის მიღწევა კი უძნელესი საქმე იყო, რადგანაც ჭეყნად არავინ იბოვება, „რომელმან დაიცვა თავი თვისი უბიწოდ“.

გაბრიელის მთელი ცხოვრება და მოღვაწეობა მყარად და-  
ცფუძნა შეგნებას იმისას, რომ „ეპისკოპოსო, რომელი სხვათა ს-  
წავეებს სიწმიდესა და მოითხოვს, რათა ყოველნი უბრალოდ და  
უბიწოდ ატარებდენ თვისსა ცხოვრებასა, თვით პირველი უნდა აქ-  
ლევდეს მათ სახესა კეთილად ცხოვრებისასა, არა თუ მხოლოდ სი-  
ტყვითა, არამედ საქმიანთა და ყოვლითა ცხოვრებითა თვისითა“  
(I, გვ. 2).

ადამიანის ზნეობრივი სრულყოფილების მისაღწევად და ცოდ-  
ვათაგან განსაწმენდად გაბრიელი ცდილობდა სწორად დაგვაფიქროს  
ამქვეყნიური ცხოვრების ამოებებაზე. ამ მიზნით თავის ქადაგებებ-  
ში ის მრავალგზის სვამს ხოლმე ისეთ კითხვებს, რომლებმაც უნდა  
გამოაფხიზლოს ცოდვის ბურთულაში მთვლემარე და უფსკრულისაყენ  
დაქანებული პიროვნება. „როგორ განატარე წარსულ წელს ქრის-  
ტიანული შენი ცხოვრება — სიწმინდით და კრძალულებით, ანუ  
დაფანტულად და უზრუნველად? მიუმატე შენ წარსულის წლის  
განმავლობაში რომელიმე მაღლი და სიკეთე, ანუ უწმინდელთა  
ცოდვათა შენ დაუმატე ახალნი ცოდვანი? უპქობესი შეიქმენი სუ-  
ლიერად, ანუ უარესი? მიუახლოვდი ღმერთსა. ანუ უმეტესად გა-  
ნეშორე მისგან? მოიშალე რომელნიმე ცუდნი ჩვეულებანი, ბოროტ-  
ნი მიდრეკილებანი, ანუ, სამწუხაროდ, იგუბი უმეტესად განძლიერ-  
დენ შენს ბუნებაში?“ (I, გვ. 13), — აი, კითხვები, რომელთაც ხში-  
რად სვამს ხოლმე გაბრიელი თავის ქადაგებებში და ამათ ცდი-  
ლობს ადამიანის სული დაიხსნას ცოდვის ტყვეობისაგან, აზიაროს  
იგი „ქრისტიანული ზნეობითი ცხოვრების“ მაღლსა და სიკეთეს.

ეს კი მხოლოდ იმ შემთხვევაში იქნებოდა შესაძლებელი, თუ  
პიროვნების სულში არ მოღუნდებოდა საკუთარ ცოდვათა თვით-  
განსჯის შინაგანი და სხვათაგან უხილავი უნარი. გაბრიელ ეპის-  
კოპოსი დღენიადაგ შეაგონებდა მრევლს, რომ ადამიანს ორი ცხო-  
ვრება აქვს — ერთია შინაგანი, გარედან უხილავი, მეორე კი — გა-  
ზრეგანი, ხილული. „პირველსა შეადგენენ ყოველნი სულიერნი თვა-  
სებანი და მოქმედებანი კაცისანი, ესე იგი პატი, განჯრახვა, სურ-  
ვილი, მიდრეკილებანი, სიყვარული ანუ სიძულვილი, მხიარულება ანუ  
შწუნარება, ერთი სიტყვით, ყოველი, რასაც კაცი გრძნობს გულსა  
შინა თვისასა, ხოლო მეორე არის ყოველი ხილული მოქმედება  
კაცისა“ (I, გვ. 15—16). ადამიანი არ უნდა გაორდეს ამ ორი ცხოვ-

რებით, არ უნდა გახდეს მსახური „ორთა უფალთა, ესე იგი სოფელსა და ღმერთს“ შორის, „რადგანაც ღმერთი არ მიიღებს ნახევარსა გულსა შენისასა“.

გაორებული ადამიანები კი, გაბრიელის აზრით, მრავალნი არიან ჩვენს შორის. იგი ცდილობს ნათლად დაანახოს მრევლს, რა იწვევს ამღაგვარ გაორებას, რაა მიზეზი ჩვენი ბიწიერებისა და ღმერთთან გაორგულებრისა. ერთ-ერთ ასეთ ცოდვად მას ორპირობა და ფარისევლობა მიჩნია. მისი აზრით, „ფარისევლობა არის ერთი უსაშინელესი და უშიძიესთა ცოდვათაგანი, რომელნი პბუდობენ გულსა შინა კაცისასა. იგი მით უმეტესად არის მძინე და მავნებელ, რომელ თითქმის ძვირად მოიპოვება ქვეყანაზედ კაც... არა მოზარე ამ ცოდვისა“ (I, გვ. 29). მართალია, ბევრი ადამიანის ფარისევლობა გაჩეუე თვალისთვის ღაფარულია, მაგრამ ღმერთს არაფერი დაემალება. იგი ყველაფერს ხედავს და წვდება. ამიტომაც, — შეაგონებს მრევლს გაბრიელი, — ნუ ვითვალთმაქცებთ. ვიყოთ წრფელნი და გულახდილნი.

ფარისევლობის დიდ ცოდვას ორატორი იმაშიც ხედავს, რომ პირმოთნეობით, მლიქვნელობითა და ორპირობით ადამიანს ქეშმარიტების გზას ვუხშობთ და მას გონების თვალს ვუბნელებთ. მოყვასისათვის ნათქვამი სიძარტლე კი, თუგინდ იგი მწარეც იყოს, დაეხმარება მას ზნეობრივ გაკეთილშობილებასა და ცოდვათაგან განწმენდაში. ამიტომაც მიიჩნევს ორატორი ფარისევლობას მსაკერულ და სულის წამწყემედ ბიწიერებად.

გაბრიელ ეპისკოპოსი რეალისტური თვალთახედვით სჯიდა ცხოვრებისეულ მოვლენებს. ის, როგორც თეოლოგი და მოაზროვნე, კარგად იცნობდა ადამიანის ბუნებას, იცოდა, რომ ჩვენ, ყოველნი, „ნამეტნავად ვართ. მიდრეკილნი მტრობისა და შურისძიებისადმი“ და რომ „მიზეზნი ჩვენის განხეთქილებისა და ურთიერთ-შორის უკმაყოფილებისა თითქმის ყოველთვის არიან ფრიად წვრილნი და მცირე-ფასიანი“.

ამ საყოველთაო ადამიანურ სისუსტეებს, მისი აზრით, ემატება ჩვენი ეროვნული ხასიათისთვის ბუნებრივად თანამდევი ისეთი თვისებებიც. როგორებიცაა გულფიცხობა და ურთიერთ შორის ჭიდილი. „საუბედურთ, — წერს იგი, — თვბთ ხასიათითა ვართ ჩვენ გულ-ფიცხნი, ადვილად დავემღურებით და ხშირად უსაფუძვლოდ და უმიზეზოღ გადავემტერებით ერთი მეორესა“ (I, გვ.

63). განა სხვა ქვეყნებში კი არ არის ურთიერთ შორის ცილობა და განხეთქილებათა? — სვამს კითხვას ორატორი და თავადვე უპასუხებს: „სხვათა ქვეყანასა შინა მხოლოდ მას ცდილობენ, რომ სამართალმა უსამართლობას აჯობოს, ხოლო აქ ცდილობენ, რომ კაცმა კაცს აჯობოს; იქ პაზრი პაზრთან პბრძვის და საქმე საქმესთან, აქ კაცი — კაცთან, გვარი გვართან“...

ცხადია, ამ მსჯელობაში უთუო არის ერთგვარი გადაჭარბება და ცალმხრივობაც, მაგრამ, მიუხედავად ამისა, ავტორი მართებულად გამოყოფს ჩვენი ეროვნული ხასიათის ზოგიერთ მანკიერ თავისებურებას და ვაძაფრებით ცდილობს მათი უარყოფითი შედეგების წარმოჩენას, რათა ამით მრევლი გაოფხიზლოს და უფრო მეტად განაწყოს ამ მანკიერებათა დასათრგუნად.

~~გ ქიქოძის თეოლოგიური მოძღვრება შორს ღვას ასეკტობისკენ მოწოდებისაგან. მას არასოდეს უქადაგებია მრევლისათვის ამქვეყნიური ცხოვრებისგან განსტემა, გაბრიელის მთელი მოღვაწეობა იქეთკენ იყო მიმართული. დახმარებოდა მოყვასს იმ გზის პოვნაში, რომელიც მას ერთპანეთთან შეათავსებინებდა უზანდეს ღვთაებრივ რწმენასა და მიწიერ ცხოვრებას. ღმერთი, უფალი, მის ქადაგებებში გააზრებულია როგორც უმაღლესი ბედნიერება და მიზანსწრაფვა, რომელშიც უნდა შეთავაზონოს. ცხოველური და ეშმაკისეული ვნებების მონად არ ვიქცეთ. ცხოვრებისეულ ბიწიერებათა მორევში არ ჩავეფლოთ და ზნეობრივი სიწმინდე შევინარჩუნოთ.~~

ეს არ ნიშნავს ცხოვრებაზე უარის თქმას. პირიქით, გაბრიელს არაერთხელ უღიარებია ის ჭეშმარიტება, რომ ღმერთმა ქვეყანა ჩვენთვის, ადამიანებისთვის, შექმნა. „როგორ ვიცხოვრო ქვეყანაზე, შეტყვის ვინმე, თუ კი არაფერი ქვეყნიური არ მიყვარს და არაფერზე ვზრუნავ? — კითხულობს იგი და იქვე უპასუხებს: — არა, ძმაო, ღმერთმა არ აგვიკრძალა ზრუნვა და შეძენა ყოვლისა, რაიცა არს შენთვის სახმარო. ქვეყანა ღმერთმა შენთვის შექმნა“ (I, გვ. 66). მაგრამ მთავარი ის არის, ქვეყნის ამოებამ მეტისმეტად არ გაგიტაცოს და „გული არ დაუქონო ვერცულსა, ანუ პატრისა“ და ამით სული არ წაიწყმიდო, რადგანაც „ყოველივე ამ სოფლის ბაუნჯე არის წარმავალი და მოღალატე“. ამ „ცრუ საუნჯისადმი“ თავიანთსცემა კი ადამიანს დაეკარგვინებს ჭეშმარიტ ზეციურ საუნჯეს.

ცოდვითაგან განწმენდის გზად, ქრისტიანული მოძღვრების თანახმად, გაბრიელი მორწმუნეს ლოცვასა და მონანიებას უსახავს. არ არსებობს ცოდვა, რომელიც უფალმა არ მოგიტევოს გულწრფელი მონანიების შედეგად. ლოცვა ეს არის ღმერთთან ზიარების გზა, სწრაფვა საკუთარი სულის თვითშეცნობისაკენ. გ. ქიქოძის სიტყვებსა და მოძღვრებებში დიდი ადგილი აქვს დათმობილი ლოცვის არსის განმარტება-დახასიათებას. თავისი ქადაგებებით ორატორი ცდილობდა მორწმუნეთათვის ნათელი გაეხადა ის მაგიური ძალა, რომელიც გულწრფელ ლოცვას ახლავს თან. ამ თვალსაზრისით იგი გამოყოფა რამდენიმე არსებით ნიშან-თვისებას, რითაც ~~ქეშმარიტი ლოცვა ხასიათდება~~ ნოლქე.

პირველი ეს არის ადამიანის მიერ „თავის ცნობა, თავის სულიერის მდგომარეობის შეტყობა, როდესაც კაცი თვისითა ჰაზრითა და გონებითა მიბრუნდება თავის თავისკენ, გამოიკვლევს თავისის საკუთარს სულიერის ცხოვრების სახესა, შეიტყობს თავისსა შემცოდობას“ (1, გვ. 50). მეორე ნიშანი, რითაც ქეშმარიტი ლოცვა-ხასიათდება, ესაა „ღვთის ძებნა; იგი არის მოძრაობა და მისწრაფება კაცის სულისა ზეციურისა მიმართ მამისა. ქეშმარიტს ლოცვაში კაცის სული თითქმის გაძოვა ღორცთაგან და შეევა ცათა შინა. მაშინ იგი ცხადათ ჰგრძნობს ღვთის სიახლოვეს და არათუ სიახლოვეს, არამედ მასთან ერთობას“.

ქეშმარიტმა ლოცვამ ადამიანი უნდა განაწყოს კეთილ საქმეთა საკეთებლად. მან უნდა გააღვიძოს კაცის გულში ყოველი კეთილი აზრი და განზრახვა. „ის ლოცვა არ არის ქეშმარიტი ლოცვა, რომელიც არ გადაიქცევა კეთილ საქმედ“ — ესაა ლოცვისთვის დამახასიათებელი მესამე ნიშანი.

ორატორი ერთმანეთისაგან განარჩევს ქეშმარიტ ლოცვასა და ზოჩვენებითს. ადამიანი, რომელიც ეკლესიაში მიდის „დაფანტულითა ჰაზრითა“ და გული დამძიმებული აქვს „სოფლის ურკით“, მიზანს ვერ მიაღწევს და ღვთაებრივ საუნჯეს ვერ ეზიარება. იგი ლოცულობს არა სულით და გულით, არამედ „ენითა და ხელითა“. ამიტომაცაა, რომ ამდაგვარი ლოცვა ვერავითარ ზეგავლენას ვერ ახდენს მის ადამიანურ ბუნებაზე, ვერ განწმენდს და ვერ აღამაღლებს მას.

ზნეობრივი ჰარმონიის მიღწევა და ღმერთთან მიახლება გულწრფელი ლოცვისა და მონანიების გარეშე შეუძლებელია. ამ ქეშ-

მარიტებათა ქადაგებას გაბრიელ ეპისკოპოსის, როგორც ღვთის-მსახურის, სიტყვებსა და მოძღვრებებში ცენტრალური ადგილი აქვს დათმობილი.

გ. ქიქოძე არაერთგზის მიაქცევს ყურადღებას სიტყვისა და საქმის ერთიანობას და მოაგონებს მრევლს, რომ მართო სიტყვიერი აღიარება ქრისტეს სჯულისა ვერავითარ სიკეთეს ვერ მოგვიტანს. ადამიანმა, რომელსაც სურს „სათნო-ეყოს უფალსა“, ერთმანეთთან უნდა „შეაერთოს სიტყვა და საქმე“. თუ კაცი მხოლოდ ცნით აღიარებს უფალს, საქმით კი უწინააღმდეგება მის მცნებებს, „არა თუ ქრისტიანე არ არის, არამედ არის მოლაღატე ქრისტესი“ (I, გვ. 80).

ამ საყოველთაოდ ცნობილი ჭეშმარიტების ხაზგასმას გაბრიელი იმიტომაც თვლიდა აუცილებლად, რომ, მისი აზრით, „სათნოდ გამრავლდნენ კაცნი წინააღმდეგნი საღმრთოსა სჯულისანი“. მათი მხილებით იგი ცდილობდა გამოეთხიზლებინა ცოდვამადლს შორის მოყოყმანე და გაორებული ადამიანი, დაეხსნა მისი სული ეშმაკის ტყვეობისაგან.

საზოგადოდ, გაბრიელის მშვიდ, დამრიგებლურ და შემწყნარებლურ თხრობის ტონს შიგადაშიგ სიმკაცრეც შეეჩრევა ხოლმე, როცა საუბარი სჯულის მოლაღატე ადამიანებს შეეხება. ორატორი მკაცრად ამხელს ღვთისაგან განდგომილებს და კატეგორიულად აცხადებს: „ესრეთსა გარემოებასა შინა ფრიად საჭირო და სასარგებლო არის, რომ წმიდამან ეკლესიამან აღიმაღლოს ხმა თვისი და ნათლად აღიაროს სწავლა ქრისტეს სჯულისა სანუგეშოდ ყოველთა ქრისტეს მოყვარეთა, ხოლო ყოველნი წინააღმდეგნი და განდრეკილნი ზარ-განხადოს საშინელთა ანათემითა“ (I, გვ. 81).

ასე იქცევა, ჩვეულებრივ, ეს შემწყნარებელი, მოყვასის მოყვარული, შენდობისა და ცოდვათა მიმტევებლობის მქადაგებელი ღვთისმსახური უღმობელ კაცად, როცა საქმე ურწმუნოებასა და ღვთისგან „განდრეკილ“ ადამიანთა მხილებაზე მიდგება. და ეს ხდება იმიტომ, რომ გაბრიელს ურწმუნო კაცთა „განმრავლება“ ქვეყნისთვის თავსდატეხილ უდიდეს უბედურებად მიაჩნია. ამ თვალსაზრისით იგი ბრალს დებს თავის თავსაც და სხვა მოძღვართაც, რომელთაც ბოლომდე ვერ შეასრულეს უფლის ნება — „უმეტესითა ბეჯითობითა“ ვერ განამტკიცებ საღმრთო სჯული.

გ. ქიქოძის ეთიკური მოძღვრება დაფუძნებულია იმის რწმენაზე, რომ „ვისაც არა აქვს სარწმუნოება ცხოველი, მას არცა წმიდა ზნეობა ექნება“ (I, გვ. 82). გაბრიელ ეპისკოპოსის ქადაგებანი, მთელი მისი საღვთისმსახურებლო მოღვაწეობა, ამ დებულების დასაბუთებაა. მას ღრმად სწამს, რომ წარმოუდგენელია „სარწმუნოება ანუ ღვთის სჯული არ ჰქონდეს კაცსა და ზნეობით, ანუ ყოფა-ქცევით კი იყოს წმიდა და სათნო“.

ამის დამადასტურებელ მაგალითებს ორატორი, პირველ ყოვლისა, ბიბლიურ წიგნებში პოულობს. სარწმუნოება არის ის ძალა, რომელიც ადამიანს ზნეობრივად სრულყოფს და ცოდვთაგან განწმენდს. მან თანმიმდევრული და შეუპოვარი ბრძოლა გამოუცხადა ყოველგვარ უკეთურობას. გაბრიელი კარგად იცნობდა ადამიანის შინაგან სამყაროს, იცოდა, რომ „ბუნება მისი არის ფრიად მიდრეკილი ცოდვისადმი“. ამიტომაცაა, რომ „ცოდვა ყოვლისა კაცისათვის უფრო ადვილია, ვიდრე სათნოება“, რომლის მიღწევა დიდ სულიერ ძალისხმევასთან და მსხვერპლშეწირვასთანაა დაკავშირებული.

გაბრიელი მრევლს განუმტკიცებდა რწმენას იმისას, რომ ღმერთი, სარწმუნოება, არის ამ ძალისხმევის მომნიჭებელი ძალა. იგია ის უხილავი საუნჯე, რომელიც მარადიულად თან ახლავს მორწმუნე ადამიანს და უზშობს მას ბოროტებისაგან სავალ გზას. ის ერთმანეთს უპირისპირებს ღვთისმოსავი და ურწმუნო ადამიანებს შეხედულებებს და ნათლად შეგვაგრძნობინებს ღვთაებრივი რწმენის მადლსა და სიკეთეს. „თუ მორწმუნე ვარ, — ქადაგებს ორატორი, — ჰკუა მეტყვის: ყოველი მოითმინე, სათნოება შეიძინე, აქაური ცხოვრება მოკლე არის, იქ ღმერთი მაგიერს მოგაგებს; თუ ურწმუნო ვარ, ჰკუა ასე მეტყვის: ამ წუთ სოფელში ვიდრემდის ხარ, იხუგეშე, სჭამე, სვი, მოკვდები და ყოველივე განქრება“ (I, გვ. 83—84).

ცხადია, ამ და მსგავს მსჯელობებში ორატორი საყოველთაოდ ცნობილ ჰეშმარიტებებს ქადაგებდა ხოლმე, მაგრამ მთავარი ამ შემთხვევაში სხვა რამ იყო: თავისი შთამბეჭდავი ქადაგებებით გაბრიელი ცდილობდა, თავის მხრივ, ერთხელ კიდევ შეეხსენებინა ეს ჰეშმარიტებანი ხალხისთვის და სწორ გზაზე დაეყენებინა გაორებული და კვალარეული ადამიანი.



გაბრიელ ეპისკოპოსის თეოლოგიური მოძღვრება ხშირად მორჩილებასა და სოციალურ შემწყნარებლობას ქადაგებს. იგი, როგორც სასულიერო პირი, გმობს ყოველგვარ კლასობრივ პროტესტსა და წინააღმდეგობას, მოითხოვს, ადამიანი მორჩილად შეეკუთოს ღვთისგან კეთენილ უღელს და ამ მორჩილებით დაიპყვიდროს სასუფეველი.

მაგალითად, ერთ თავის სიტყვაში, უქადაგებს რა მორჩილებასა და ერთგულ სამსახურს შინაშინადასახურებებს და ყქებს, ეპისკოპოსი არწმუნებს მათ იმაში, რომ ბატონისადმი მსახურება იგივე ღვთისადმი სამსახურია. „უკეთუ იგი არის მართალი და ერთგული მებატონისა, უკეთუ მას უყვარს თავისი ბატონი, ცდილობს მისთვის, ითმენს მისგან სულ-გრძელად ყოველსა სიტყვასა და გაკირვებასა, ემსახურება მას ღვთის წინაშე და თავის დავიწყებამდე, — სწორედ მან უარჰყო თავი თვისი, აიღო ჭვარი თვისი და შეუდგა უფალსა; გარნა, უკეთუ იგი არის ორგული და ურწმუნო, უკეთუ იგი, ვითარცა საუბედუროდ მრავალ-გზის ვხედავთ, მხოლოდ იმას ფიქრობს, რომ ბატონს გამორჩეს რამე და მხოლოდ თავისი თავი ახსოვს, მაშინ მსახურება მისი არ მიეთვლება მას ღვთისგან კეთილად, არაჲდ დაიხლება იგი“ (I, გვ. 96).

სოციალური მორჩილებისკენ ამდაგვარი მოწოდება კრდეუ უფრო ღრმავდება გაბრიელის სხვა გამოცვლებში. იგი არაორაზროვნად ქადაგებდა იმას, რომ „შინაურმა მოსამსახურემ სრულიად უნდა მოჰკეთოს საკუთარი თვისი ნება და სურვილი და აღასრულოს მხოლოდ ის, რასაც უბრძანებს მას ბატონი მისი; წინააღმდეგ შემთხვევაში იგი მოსძულდება მალე უფალსა მისსა“ (I, 98). მაგრამ გ. ქიქოძის ქადაგებებში გამოთქმული ამდაგვარი შეხედულებანი ისე არ უნდა გავიგოთ, თითქოს ის ამართლებდა თავისი დროის საზოგადოებაში გაბატონებულ სოციალურ უსამართლობას და მისი განმტკიცებისათვის იბრძოდა. რა თქმა უნდა, არა. მის სიტყვებსა და მოძღვრებებში დიდი ადგილი ეთმობა მებატონეთა უზნეობისა და უსამართლო მოქმედების მკაცრ კრიტიკასაც.

საზოგადოლო, იგი დემოკრატიული იდეების ქადაგებელი მოძღვარია, რომელიც ყოველნიარად ცდილობს წოდებათა შორის ჰარმონიული ურთიერთობის დამყარებას კეთილმოსურნეობისა და განმანათლებლობის გზით. გაბრიელს მიაჩნია, რომ „არცა ერთა წოდება, ანუ მდგომარეობა კაცისა ქვეყანასა ზედა არ არის შე-

ურაცხებელი ანუ დამამდაბლებელი კაცისა“, „ღმერთი მიხედავს შინაგანსა ღირსებასა კაცისასა და არა გარეგანსა მდგომარეობასა მისსა“ და ყოველი წოდების კაცს „შეუძლია დაიცვას კაცობრივი თვისი ღირსება“.

ამ თვალსაზრისით, იგი თავისებური გამგრძელებელია მე-19 საუკუნის პირველი ნახევრის ჩვენი პროგრესული ინტელიგენციის დემოკრატიული იდეებისა. თუმცა, სავსებით ბუნებრივად, მისი, როგორც სასულიერო მოღვაწის, მოძღვრებაში სოციალურა შეხედულებების გამოხატვას არ შეუძენია ის სიმამფრე და ფართო მასშტაბები, რითაც ქართველ „სამოციანელთა“ მოღვაწეობა ხასიათდება.

როგორც ითქვა, გაბრიელისთვის ყოველგვარი ცხოვრებისეული წინააღმდეგობის დაძლევა მხოლოდ და მხოლოდ უფლის მცნებათა აღსრულებითა და განმანათლებლობითაა შესაძლებელი. იგი ცდილობს წოდებათა შორის ჰარმონიული ურთიერთობის დამყარებას ურთიერთგაგებისა და სიყვარულის გზით.

საზოგადოებრივ წოდებებად ღიფერებისკრება, მისი აზრით, არაერთად საფუძველს არ უნდა იძლეოდეს ადამიანის პიროვნული ღირსებების დასამყარებლად. გაბრიელს ღრმად სწამდა, რომ „ხშირად ძონძით მოსილს, ეშიერს, გასვრილს და ყოვლითავე სახითა მოკლებულს კაცსა უმეტესი შინაგანი ღირსება და სათნოება აქვს ღვთის წინაშე, ვიდრე იმ კაცს, რომელიცა არის მოსილი ოქრომკედით, შემკული თვალმარგალიტითა. მაშასადამე, ნუ გაზომავე შენცა კაცის ღირსებასა შესამოსელითა, არამედ შინაგანითა მისითა თვისებითა“ (I, გვ. 307).

ბატონსა და ყმას შორის კეთილგანწყობითი დამოკიდებულების ტრადიცია, ეპისკოპოსის აზრით, საქართველოში საუკუნეების მანძილზე ყალბდებოდა და ყველაფერი უნდა ვიღონოთ საიმისოდ, წინაპართაგან გადმოცემული ეს კარგი „ჩვეულება“ არ მოისპოსო, — ამბობდა იგი. „ყმები და ბატონები არასოდეს არ იყვნენ დაშორებული ურთიერთს, არამედ იყვნენ დაახლოვებულნი, მეზობლურად განწყობილნი. ჭირში და ღატანში მათ მარადის ქონდათ ერთმანეთის მონაწილეობა და ხელის მიცემა. ეს კარგი ჩვეულება არ უნდა მოისპოს, ძმანო, არამედ დარჩეს მარადინ ჩვენში“ (I, გვ. 507). ეს „ჩვეულება“, გაბრიელის აზრით, არ უნდა მოშალოს იმ დიდმა სოციალურმა ცვლილებამ (იგულისხმება

ბატონყმობის რეფორმა), რომელიც ხელმწიფის ბრძანებით განხორციელდა. იგი შეაგონებს ყმებს, რომ ეს რეფორმა, პირველ ყოვლისა, სწორედ მებატონეთა თანხმობით მოხდაო. მაგრამ იქვე ბატონებსაც მოაგონებდა, ყმები „მამაპაპაობით რომ არიან ნამსახურნი“ მათზე და კეთილი განწყობა არ მოეკლოთ მათთვის.

სოციალურ წინააღმდეგობათა დაძლევის გზად, როგორც ითქვა, გ. ქიქოძე ქრისტიანულ მორჩილებასა და შენწყენარებლობას სახავს. იგი კატეგორიულად გმობს ყოველგვარ კლასობრივ წინააღმდეგობასა და ძალადობას. გაბრიელის სოციალურ შეხედულებათა დასახასიათებლად მეტად საინტერესოა ერთი სიტყვა, რომელშიც სახარებიდან მოხმობილია იგავი მდიდარ კაცსა და ღარიბ ლაზარეზე.

განცხრომასა და მხიარულებაში ატარებდა მდიდარი წუთისოფელს, გლახაკი ლაზარე კი მარადღღე მშვიერი, მწყურვალი და დაწყლულებული იყო. მაგრამ სიკვდილის შემდეგ სწორედ ის ცხონდა და ნეტარ იქმნა, ხოლო მდიდარი „შთავარდა ჯოჯოხეთსა შინა“. „რისთვის თქვა, ძმანო, მაცხოვარმან იგავი ესე?“ — სვამს იქვე კითხვას გაბრიელი და თავადვე ხსნის ამ იგავის არსს. მისი განმარტებით, ლაზარეს ცხოვრების მაგალითი წარმოადგენს ნუგეშს „ყოველთა ღარიბთა, საწყალთა და უბედურთა კაცთათვის“, ასწავლის მათ მხნეობასა და სულგრძელობას. ამით ისინი, ლაზარეს მსგავსად, შეიძენენ საუკუნო ნეტარებას. „მეორე მხრით. — აგრძელებს ორატორი, — ყოველთა მდიდართა და ნუგეშინისცემულთა ქვეყანასა ზედა უფალი იგავითა ამით წინადვე გვაფრთხილებს, რათა სიმდიდრე თვისი არ მოიხმარონ, ვითარცა მდიდარმან კაცმან, ერთისა მხოლოდ ხორციელისა ფუფუნებისათვის და ესრედ არ წარწყმიდონ საუკუნოდ სული თვისი“ (I, გვ. 352).

ამ მსჯელობიდან ნათლად ვლინდება ავტორის პოზიცია. ერთის მხრივ, იგი ღარიბსა და უპოვარს მოუწოდებს მორჩილად ატაროს ცხოვრების უღელი, აიტანოს ყოველგვარი აქვეყნური ჩაგვრა-შევიწროება სასუფევლის მოპოვების იმედით. სწორედ ეს მიზანსწრაფვა უნდა განაპირობებდეს მის მოთმინებასა და მორჩილებას. მეორეს მხრივ კი გაბრიელი წამდაუწუმ შეახსენებს მდიდარს, სიმდიდრემ არ გაათუქსავატოს, ხორციელ ფუფუნებას არ გადაყვეს და ამით სული არ წაიწყმიდოს. ეს, სამწუხაროდ,

შევჩვერ ხდება ხოლმე, რადგანაც „მდიდართა კაცთა სიმდიდრე თვისი ხშირად გარდაექცევათ საფრთხედ და განსაცდელად“.

გაბრიელს ბუნებრივ მოვლენად მიაჩნდა ამქვეყნად, „სოფლოურ ცხოვრებაში“, ორი ხარისხის არსებობა — მდიდრისა და ღარიბისა. ეს „ადამის ძეთა“ ცხოვრებისთვის საზოგადოდ დამახასიათებელი ჩვეულებრივი ამბავია. ამიტომაც იგი არ ებრძვის საზოგადოების ამგვარ დაყოფას, არ ქადაგებს კლასობრივ და სოციალურ თანასწორობას. მთავარი მისთვის იმაზე ზრუნვაა, რომ საზოგადოების ამ ორ „ხარისხს“ შორის კეთილგანწყობითი და ჰარმონიული დამოკიდებულება სუფევდეს.

ეს კი მხოლოდ მაშინ მიიღწევა, თუ; ერთის მხრივ, ღარიბი და ყმა ერთგული იქნებიან თავიანთ ბატონისა, ხოლო მდიდარი მებატონე, მეორეს მხრივ, გულმოწყალებას არ მოაკლებს თავის ხელქვეითებს. ცხოვრებით გალაღებულმა მდიდარმა არასოდეს არ უნდა დაივიწყოს, რომ „ოდეს იგი ყელამდე არის მაძლარი და შთაფლული ფუფუნებასა შინა, იქნება იმავე ეპას მრავალი კვდება სიმშლითა და წყურვილითა“.

თავის მხრივ. გ. ქიქოძე წამლაუწუმ არწმუნებს ღარიბსა და გლახაკს, რომ მისი ჭირი და უბედურება დროებითი, ამქვეყნიური ამბავია, რომელიც „მალე გაპოცვლება“. ეს მალე საიქიოა, მოთმინების წილ მოპოვებულ და დამკვიდრებული სასუფეველია. ამის გამო გლახაკმა არათუ უნდა მხოლოდ მოითმინოს გასაჭირი, არამედ უფრო მეტიც, მას არ უნდა ქონდეს „შური და სიძულვილი მდიდრისა და ბედნიერის კაცისა“. გაბრიელს დიდ მკრეხელობად და ღვთის წინაშე ჩადენილ მძიმე ცოდვად მიაჩნია ქვეყნად დაწესებული სოციალური უსამართლობის გამო უფლის სამართლიანობის გმობა და განსჯა, რადგანაც ადამიანმა ყოველი კითხვის პასუხი, პირველ ყოვლისა, სახარებაში უნდა პპოვოს, სახარებაში. რომელიც „კარგად ახსნის შენსა ცხოვრებასა“ და დავარწმუნებს იმაში, რომ „იქნება ნაცვლად ტირილისა შენ მადლოზაც შესწარო ღმერთსა, რომ ცხოვრება შენი არს ესრეთი და არა მსგავს მდიდრისა მის; თვით ამ სიგლახაკითა და უბედურებითა შენითა შენ უადვილესად შეგიძლია მიაღწიო დიდსა მას ბოლოსა, რომელი დაუნაშნა ღმერთმა ყოველსა ადამიანსა“ (I, გვ. 354).

მაგრამ ეს ისე არ უნდა გავიგოთ, თითქოს გაბრიელი ქვეყნად გამეფებული სოციალური ბოროტების დაკანონებას ქადაგებდეს.

რა თქმა უნდა, არა. მთელი მისი მოღვაწეობა ამ ბოროტებინ დაგ-  
მოზითა და მისი დაძლევის სულისკვეთებითაა შთაგონებული.  
ოღონდ, როგორც ითქვა, მისი ამოძირკვის გზად იგი ძალადობა-  
სა და ბრძოლას კი არ სახავს, არამედ ქრისტიანულ სიყვარულს,  
შემწყნარებლობასა და განმანათლებლობას.

ეს კარგად ჩანს იმ ქადაგებებში, რომლებშიც ორატორი ბა-  
ტონებს მოუწოდებდა ყმებისადმი სიყვარულსა და სიბრალულს.  
„უკეთუ მებატონესა მას არ ებრალება ყმანი თვისნი, — ამბობდა  
იგი ერთგან, — არ უვლის კარგად, არ აკმევს და არ აცმევს საყ-  
მაოდ; ერთი სიტყვით არ მიაჩნია იგინი, ვითარცა უმცროსნი ძმა-  
ნი, ბრძანებისა-მებრ სახარებისა, არამედ უყურებს მათ, ვითარცა  
რომელსამე საქონელსა ანუ ნივთსა, უსამართლოდ ეპყრობა მათ,  
ცდილობს, რომ მხოლოდ მიიღოს მათგან რაც შეუძლიან უმეტესი  
სარგებლობა, ... სარწმუნოება მისი არ არის ცხოველი, არამედ  
მკვდარი, თუმცადა იგი არა-ოდეს არ მოაკლდებოდეს წირვა-ლოც-  
ვასა, მტკიცედ იმარხვიდეს ყოველსა წესსა ეკლესიისასა“ (I, გვ.  
422).

ასეთია გ. ქიქოძის სოციალური მსოფლმხედველობის რელი-  
გიურ-ჰუმანისტური არსი, რომელიც მის მრავალ ქადაგებაშია ჩა-  
მოყალიბებული. ცხოვრებისეულ უსამართლობებზე დაფიქრებუ-  
ლი მღვდელმთავარი წამდაუწუმ შეაგონებდა ადამიანებს, რომ  
თუ კაცი „ჭაპისა, სმისა და ლხინის მეტს არაფერს აკეთებს ჯე-  
ყანასა ზედა, იგი ცხადად დაემსგავსება პირუტყთა. ადამიანს კი  
მისთვის მისცა ღმერთმა უმაღლესი ბუნება, რათა იგი ეძიებდეს  
უმაღლესსაცა სახესა ცხოვრებისასა“ (I, გვ. 353).

ამ მსჯელობაში ნათლად ირეკლება მე-19 საუკუნის ქართველ  
მოღვაწეთა დემოკრატიული სოციალური იდეების ზეკავლენის  
კვალი.

ხაზგასმით აღსანიშნავია ის გარემოებაც, რომ გ. ქიქოძის სო-  
ციალური იდეების პროგრესულობასა და მნიშვნელობას დიდად  
ზრდიდა მღვდელმთავრის პრაქტიკული მოღვაწეობაც. იგი არა  
მარტო სიტყვიერად ქადაგებდა ღარიბთა და შეჭირვებულთა შე-  
წყალებას, არამედ თავად იყო მათი უპირველესი შემწე და მწყა-  
ლობელი. მისი ცხოვრებიდან ამის დამადასტურებელი მრავალი  
კონკრეტული მაგალითის მოტანა შეიძლება. გაბრიელის შემწეო-

ბითა და აქტიური მატერიალური მზრუნველობით მრავალ გაჭირვებულსა და დავრდომილს გასჩენია ცხოვრების სახსარი.

იგი ყოველთვის ხელგაშლილი მწყალობელი იყო უპოვართა და სნეულთა. მისი ზრუნვით ბევრმა გაჭირვებულმა მიიღო განათლება. ერთი სიტყვით, არ დარჩენილა უანგარო ქველმოქმედების რაივე ფორმა, რომელიც ფართოდ არ გამოეყენებინოს გ. ქიქოძეს თავისი ხანგრძლივი მოღვაწეობის დროს და ამით კეთილშობილების სანიმუშო მაგალითი არ მიეცა თანამედროვეთათვის. ასეთი იყო იგი, მოსარჩლე და ქომავი ყოველთა შეჭირვებულთა და შდაბიოთა, რომელსაც სჯეროდა, რომ „ქვეყანაზედ არ არის ისეთი მუშაობა, რომელი კაცს აძლევდეს სარგებლობას, გარნა შემაგინებელი კი იყოს მისის ღირსებისა“ (I, გვ. 181). გაბრიელს თავადაც ღრმად სწამდა და მრევლსაც განუმტკიცებდა იმ აზრს, რომ არანაირი სამუშაო, თვით ყველაზე „მდაბიო მუშაობაც“ კი, სირცხვილი არაა. შრომა პიროვნების ამამაღლებელი და გამაკეთილშობილებელი ძალაა, უშრომელობა კი ადამიანს ამცონარებს და პირუტყვად აქცევს.

შრომის კეთილშობილების დასამტკიცებლად მას თავის ქადაგებებში მრავალი ეპიზოდი მოაქვს საღმრთო წერილიდან. მაგალითად: ყოველი ღირსებით შემკობილი პავლე მოციქული, — გვაუწყებს ორატორი ერთ თავის სიტყვაში, — როგორც კი თავისუფალ დროს იშოვიდა, მაშინვე დაჯდებოდა და დაიწყებდა მუშაობას. „იგი თავისი ხელით ჰკერვიდა კარვებს, ჰყიდდა და ამით იზრდებოდა, რათა არავინ დაეძიმებინა“. ასე მსჯელობს იგი შრომის აუცილებლობაზე და მრევლს ერთხელ კიდევ შეაგონებს იმ ჰემარიტებას, რომ — „უქმად დროების განტარება არს დედა ყოვლისა ცოდვისა“ (I, გვ. 182).

გაბრიელ ეპისკოპოსს ბედნიერად მიაჩნია ის ქვეყანა, სადაც ყოველი მცხოვრები, „დიდნი და მცირენი, არიან შრომის მოყვარენი“, ხოლო „საწყალი და საბრალოა ის ქვეყანა, სადაცა უმრავლესნი პირნი შეჩერებიან და უმზერენ მთავრობასა და ყოველი იმედი ბედნიერებისა და წარმატებისა დაუდვიათ ჩინებზე, ჯამაგირზე, ჯილდოზე, ხოლო შრომასა და მუშაობასა შეურაცხ-ჰყოფენ და უკადრისობენ“ (I, გვ. 186).

მთელი თავისი მოღვაწეობის მანძილზე გაბიელ ეპისკოპოსი ცდილობდა მრევლისათვის ღრმად შთაენერგა და განემტკიცებო-

ნა რწმენა იმისა, რომ მხოლოდ სარწმუნოება არის ის ძალა, რომელიც საზოგადოებიდან ამოძირკვავს ყოველგვარ ბოროტებას და მის ნაცვლად სიყვარულსა და ერთობას დაამკვიდრებს. „პირველი და ნამდვილი ნაყოფი ცხოველისა სარწმუნოებისა არს სიყვარული და ერთობა“, — ქადაგებდა იგი და ამ გზით ცდილობდა ადამიანებს შორის თანასწორობისა და სამართლიანობის განმტკიცებას.

დასაგმობი და უარსაყოფი კი ბევრი რამ იყო. მღვდელმთავარი ნათლად ხედავდა, რომ მის ირგვლივ შყოფთა შორის მრავალნი იყვნენ „საწყალნი და ღარიბნი, მოკლებულნი... საქმლითა და მასმლითა“ (I, 434). თავის ქადაგებებში გაბრიელი არ კმაყოფილდებოდა სოციალური უსამართლობის მხოლოდ ზოგადი დაგმობით და კონკრეტული მაგალითების მოტანით ცდილობდა ხალხისთვის ეჩვენებინა ამ ბოროტების მძიმე შედეგები. ასე უხატავდა იგი მრევლს ღავრდომილთა და შექირვებულთა ცხოვრების მძიმე სურათებს და დასძენდა: „მეტს არაფერს გეტყვი, მხოლოდ ესაღსოვებ, რომ შენ გიყვარს ქრისტე ღმერთი: ახლა შეიტყობს ქრისტე, რა ზოვად გიყვარს შენ იგი“.

გ. ქიქოძის ქადაგებებში იშვიათად ვლენდება ხელისუფლების კრიტიკა. მართალია, მას ბევრი რამ არ მოსწონდა მმართველობის მამოშინებელი სისტემისა, მაგრამ, როგორც ღვთისმოსავი, თავის მოვალეობად თვლიდა არა ამ უვარგისი მმართველობითი რეჟიმის წინააღმდეგ ბრძოლას, არამედ ქრისტიანული ქადაგებისა და განათლების გზით აღდგომოდა წინ ყოველგვარ უსამართლობას და ამგვარად ეზრუნა სიკეთის თესლის გაღვივებისთვის. იგი ენერგიულად უჭერდა მხარს ყოველ წამოწყებას, რომელიც, მისი აზრით, მასიკეთო შედეგებს მოუტანდა საზოგადოებას.

ავიღოთ, მაგალითად, სასამართლო. ერთ თავის სიტყვაში ორატორი იწონებს მთავრობის მიერ გატარებულ სასამართლოს რეფორმას (იგულისხმება 1864 წლის რეფორმა), რომელსაც, მისი აზრით, სასიკეთო შედეგები უნდა მოჰყოლოდა ქვეყანაში სამართლიანობის განსამტკიცებლად. „კეთილმან და დიდსულოვანმან ხელმწიფემან ჩვენმან“, — ამბობს გაბრიელი, — ამ რეფორმის მიხედვით „შეავსო“ და „გააუჭოპესა“ ნაკლულოვნებანი მართლმსაჯულებისა. იგი ერთმანეთს უღარებს ძველ და ახალ სასამართლოს და ძველის ნაკლად იმას მიიჩნევს, რომ იგი „სრულდებო-

და ფარულად ანუ საიდუმლოდ, ოთხ კედელშია... ახალი წესი, წინააღმდეგ ამისა, პირველად უნდა აღსრულდეს განცხადებულად, ანუ სახალხოდ" (I, გვ. 445).

დღესდღეობით ყოველი ჩვენთაგანისათვის ნათელია, რამდენად სასარგებლო გამოდგა ხალხისთვის ხელმწიფის მიერ გატარებული ეს და მსგავსი სასამართლო რეფორმები; გაბრიელის მოლოდინს, თითქოს განახლებულ სასამართლოში სიკეთე იხიებოდა და საბოლოოდ დაითრგუნებოდა უსამართლობა, საერთაოდ არ ეწერა აღსრულება. მით უფრო უტოპიური ჩანდა ეს ოცნება საქართველოში, სადაც ხელისუფლების ყოველი მმართველობითი ორგანოდან მთლიანად იყო გაძევებული მშობლიური ენა და ნებაზე მიშვებული ბიუროკრატიულ-ჩინოვნიკური აპარატი მოხელეები ათასგვარ უმსგავსობას ჩადიოდნენ. ამის დამადასტურებელი მაგალითები მრავლად შეიძლება მოვიტანოთ იმდროინდელი ჩვენი პრესიდანაც და მხატვრულ-მეცნიერული ლიტერატურიდანაც.

ეს ფაქტი დასტურდება გ. ქიქოძის ქადაგებებიდანაც. გაბრიელი მალე დაწვუნდა იმაში, რომ ხელისუფლების მიერ გატარებულ რეფორმას არავითარი სასიკეთო შედეგი არ მოჰყოლია. საუბედუროდ, უნდა ვსთქვათ. — აღნიშნავდა იგი ამასთან დაკავშირებით ერთ თავის სიტყვაში, — რომ „მართლ-მსაჯულება ეხლაც არ სრულდება ისე კარგად, როგორც ჩვენ ველოდით“ (II, გვ. 244). ორატორი ცდილობს ამისი მიზეზების დადგენას. ერთ-ერთი მათგანი, მისი აზრით, ისაა, რომ ქვეყანაში მრავლად გაჩნდნენ ისეთი მოხელენი, რომლებმაც „გააძნელეს და დააბრკოლეს მართლმსაჯულების აღსრულება“. ესენი არიან ადვოკატები, რომელნიც, „ოდონდ ფული იშოვნონ“ და სხვაზე არაფერზე სწუხან. გაბრიელი მათ „ცრუ ადვოკატებს“ უწოდებს. ამას ემატება ისიც, რომ სიმართლის დადგენას ხელს უშლიან „ცრუ მოწიგებებიც“. ყოველივე ამით შეწუხებული და გულნატკენი მღვდელმთავარი სასოწარკვეთილი ხმით დაასკვნის: „დაეცა ზნეობა! წახდა ქვეყანა! გამრავლდა ცრუ მოწმობა, ფიცის ტეხა! გათამაზდნენ ქურდნი და ავაზაკნი!“

ქვეყნად გამეფებული უწესრიგობისა და უსამართლობის აღკვეთის საქმეში, საჩუმუნოებასთან და განათლებასთან ერთად, გაბრიელ ეპისკოპოსი დიდ როლს აკისრებს ხელმწიფისადმი ერ-



ბრტულუბას. საერთოდ, მის ქადაგებებში იკვეთება ხოლმე რწმენა ე. წ. კეთილი ხელმწიფისა, როგორც ხალხის ბედზე მზრუნველი მამისა და პატრონისა. ამიტომაც, ყოველგვარი წინააღმდეგობა და დაპირისპირება მეფესთან მას შერეხელობად მიაჩნდა და იგი მრევლს მისდამი მორჩილებასა და ერთგულებას უქადაგებდა.

ამ საკითხებზე განსაკუთრებით ამახვილებდა ხოლმე ის ყუჩადღებას მოსწავლეებთან შეხვედრებზე. მაგალითად, ქუთაისის სასულიერო სასწავლებლის მოწაფეებთან შეხვედრის დროს, 1874 წელს, წარმოთქმულ სიტყვაში მღვდელმთავარმა მთავრობისა და ხელმწიფის მოლაღატე კაცუქს ღვთის სჯულის მგმობელნი: უწოდა. იგი წუქს იმის გამო, რომ ასეთი ბოროტი და ეშმაკეული კაცები ბოლო დროს მომრავლდნენ ქვეყანაში. ისინი გონებას ურევენ ადამიანებს, განსაკუთრებით კი ახალგაზრდებს, შთააგონებენ უკეთურ აზრებს. გაბრიელი გმობს მათ და მოუწოდებს მოსწავლეებს ხელმწიფისადმი ერთგულებას. „თვით ჩვენი საღმრთო სჯული გვაწავლის ხელმწიფის ერთგულებას და მორჩილებასო“, — ხაზგასმით აღნიშნა მღვდელმთავარმა თავის სიტყვაში და ერთხელ კიდევ შეახსენა სემინარიელებს, რომ მათი უმთავრესი საქმე სასწავლებელში ყოფნის პერიოდში მხოლოდ და მხოლოდ სწავლა უნდა ყოფილიყო.

საგანგებოდ გამოეხმაურა გ. ქიქოძე იმპერატორ ალექსანდრე მეორის მკვლელობის ფაქტს 1881 წლის 25 მარტს ქუთაისის მონასტერში წარმოთქმული სიტყვით. მან, როგორც მღვდელმთავარმა, აღშფოთებულმა დაგმო ხელმწიფის მკვლელობა.

ამ ტერორისტული მკვლელობის ფაქტს ბევრმა იმდროინდელმა მამულიშვილმა ქვეყნის უკეთესი მომავლის მოლოდინი დაუკავშირა. ეს საოცნებო მოლოდინი შესანიშნავად გამოხატა აკაკი წერეთელმა თავის შემოქმედებაში. გაეხსენოთ მისი საქვეყნოდ ცნობილი ლექსები „გაზაფხული“ და „ხანჯალს“ რომლებიც სწორედ იმპერატორ ალექსანდრე მეორის მკვლელობის ფაქტმა შთააგონა პოეტს. როგორ დიამეტრალურად განსხვავდებიან ამ შემთხვევაში ერთმანეთისაგან აკაკისა და გაბრიელის შეხედულებანი!

თუ აკაკისათვის იმპერატორის სიკვდილი, ალეგორიულად, გაზაფხულის მოახლოების მაჩვენებელი მოვლენა იყო, გაბრიელი

თვლიდა, რომ ხელმწიფის მკვლევლები რუსეთის მტრები და დამ-  
ლუპველნი იყვნენ, „გამხეცებულნი კაცნი“. მან არამარტო რელი-  
გიური თვალსაზრისით შეაჩვენა ეს მკვლევლობა, არამედ პოლიტი-  
კურადაც დაგვო იგი. იმპერატორის ბარბაროსული მკვლევლობის  
ორგანიზატორად გაბრიელი იმ „ახირებულ და გარდარეულ“  
პარტიას მიიჩნევს, რომელიც დიდი ხანია გაჩნდა ევროპაში. „ამ  
პარტიამ, — ამბობს ის, — მცირე რამ საქმე არ მოინდომა, მან  
მოინდომა მთელი ქვეყნის მოწყობილობის, ჩვეულების, სჯულის,  
ყოფა-ქცევის გამოცვლა, გადაბრუნება“ (II, გვ. 317).

ზემოთაც ითქვა და კვლავ უნდა გავიმეოროთ, რომ ამდაგვარი  
პოლიტიკური შეფასებანი, მღვდელმთავრის ასეთი მკვეთრი და-  
პირისპირებულობა ყოველგვარი ძალადობისადმი და კლასობრივი  
წინააღმდეგობებისადმი, მისი რეაქციული სოციალური შეხედუ-  
ლებების შედეგი ო არ იყო, არამედ იმისა, რომ იგი, როგორც  
სასულიერო პირი, სარწმუნოებისა და სიყვარულის გზით ცდა-  
ლობდა ცხოვრებისეულ უსამართლობათა დაძლევისა და მოწეს-  
რიგებას. მისთვის პრინციპულად მუღებელი იყო ამ წინააღმდე-  
გობათა დათრგუნვა ბრძოლებითა და ძალადობით.

იგი ქადაგებს, რომ ყოველგვარი უსამართლობა სარწმუნოების,  
ურთიერთსიყვარულის, განმანათლებლობის, მეშვეობით უნდა  
იქნეს დაძლეული. ამიტომაც მისთვის პრინციპულადაა მიუღებე-  
ლი ქრისტიანული ზნეობის ამ ფუძემდებლური დებულებიდან  
ყოველნაირი გადახვევა.

ამითაცაა განპირობებული გ. ქიქოძის მკვეთრად უარყოფითი  
დამოკიდებულება იმ რევოლუციური მოძრაობისადმი, გასული სა-  
უკუნის 80-იანი წლებიდან რომ იწყებდა ჩვენში აღზევებას. ეს პო-  
ზიცია ნათლად ვლინდება იმ შეფასებებში, რომელთაც გაბრიელი  
აძლევს ამ მოძრაობის მიმდევართა მოთხოვნებს.

და რას მოითხოვდნენ ამ „გარდარეული პარტიის“ წარმომად-  
გენელნი? „თავდაპირველად მათ დაიწყეს სწავლა და შეგონება  
ყოველთა, რომ ქვეყანა ცუდად არის დაწყობილი, ზოგი მღაღა-  
რია, ზოგი ღარიბი, ზოგს ბევრი ქონება აქვს, ფული, მიწა-წყა-  
ლი, ზოგს არაფერი, ასე არ ვარგაო, თავის საკუთრება არავის  
არაფერი უნდა ჰქონდესო, ყოველიფერი საზოგადო უნდა იყო-  
სო“.

ასე მოინდომა ამ პარტიამ „ყოველიფერი ახლანდელი მოწყობილობის მოსპობა“ და მისი წევრები მალე სიტყვიდან საქმეზე გადავიდნენ. ასე მიიღო „ამ უკანასკნელს წლებში იმ პარტიამ ავანაჟური მიმართულება, გარდაიქცა კაცის მკვლელად, ავანაჟად და ისეთ ავანაჟად, რომელთა მსკავისი არ ყოფილა ჯერედ ქვეყანაზედ“ (იქვე).

საერთოდ, გაბრიელი, როგორც ითქვა, ყოველთვის განსაკუთრებულ სიფრთხილეს იჩენს ყოველგვარი პოლიტიკური რადიკალიზმისადმი. როგორც მღვდელმსახურ. იგი სასტიკი წინააღმდეგია ყოველნაირი ძალადობისა და წინააღმდეგობათა შემთანხმებლური, განმანათლებლური, ქრისტიანული სიყვარულით გადაწყვეტის გზებს უჭერს მხოლოდ მხარს.

ამიტომაც არაა მოულოდნელი ის შეკვეთრად უარყოფითი პოზიცია, რომელსაც იგი ამჟღავნებს მისი მღვდელმთავრობის პერიოდში გამოვლენილი პოლიტიკური მოძრაობისადმი. ამ მოძრაობის მიმდევართ ის ცრუ წინასწარმეტყველებს უწოდებს, რომლებიც „მოდიან სამოსლითა ცხოვართაჲსიანიცა შეაგონებენ, რომ მათ ჰსურსთ თქვენი წარმატება. სიკეთე და ბედნიერება; ტკბულად გელაპარაკებინან. მაგრამ შინაგან არიან მგელპტაცებელი. იმათ ჰსურსთ, რომ მოგტაცონ შენ ის, რაც არის უძვირფასესი კაცისათვის: მოგტაცონ და წაგართვან შენ ღმერთი და სჯული და ჩააბარონ ეშმაკსა და ჯოჯობესსა“ (II, გვ. 359). ბრძოლისა და ქვეყნის გაჩაღების მათეული პროგრამა გ. ქრქოძეს დამლუპველად მიაჩნია: „ის ზომა და საშუალება, რომელსაც იგინი აცხადებენ, შეიქმნება დალუპვა ქვეყნისაო“, — ხაზგასმით აცხადებდა იგი.

შემთხვევითი არ არის ის გარემოება, რომ ასეთ საკითხებზე მღვდელმთავარი უფრო ხშირად მოსწავლე-ახალგაზრდობასთან საუბრობდა, რადგანაც, პირველ ყოვლისა, სწორედ მასში ხედავდა ამ საფრთხეს. ეს ის წლებია, როცა ახალი თაობა ძველი თაობის ბევრი წარმომადგენლის მიერ მეტისმეტად ურჩ, სარწმუნოებისადმი გაორგულებულ, კადნიერ თაობად იყო მიჩნეული.

გაბრიელი, როგორც განმანათლებელი, ერთგვარი შიშითა და სკეპტიციზმითაც უტკვეროდა იმ მოძრაობას, რომელიც ძველმდანგრევეს შოითხოვდა. ამ მოძრაობაში იგი ხედავდა ღვთისგმობას. ღმერთი, ეკლესია და ხალხთო სჯული მათ არ სწამ-

თა", — შემფოთებული ამბობდა და საჯაროდ გმობდა მათ მო-  
თხოვნებს. „უმცროს-უფროსობა არ უნდა იყოს ქვეყანაზე, არა-  
მედ სუყველანი უნდა გასწორდნენ პატრიოტაც, ქონებოტაცო“  
(II, გვ. 360). თანასწორობისაკენ ასეთი მოწოდება გაბრიელ  
ეპისკოპოსს ღვთის საწინააღმდეგო მოთხოვნად მიაჩნია, რადგა-  
ნაც უთანასწორობა ბუნებაშიც და სასოგადოებაშიც თავად  
ღმერთის მიერაა დაწესებული. და რომც მოხდეს ასე, მდიდარმა  
და მშრომელმა კაცმა თავისი ნაოფლარი სხვას რომ თანაბრად  
გაუყოს, „გამოვა ის, რომ პირველი წახდება და გაღარიბდება და  
მეორეც არ გამდიდრდება“.

განსაკუთრებით აშფოთებს მას ის ამბავი, რომ ამკვარი თა-  
ნასწორობის დამყარებას ახალი მოძრაობის მიმდევარნი სიხლი-  
თა და მახვილით აპირებენ. „ვინც თანახმა არ გახდება ამ ჩვენი  
პლანისა და წყობილობისაო, იმათ უნდა სისხლი გამოუშვათ,  
ამოვწყვიტოთო და მასუკან კაცობრივი ნათესავი გაბედნიერდე-  
ბაო, — შეწუხებული ამცნობს მრევლს „ცრუ წინასწარმეტყველ-  
თა“ განზრახვას ორატორი. ასეთია გაბრიელის დამოკიდებულება  
ან „ცოფიანი და გარდარეული აზრების“ მატარებელი პიროვნე-  
ნებებისადმი, რომლებიც „მოვიდნენ სამოსელითა ცხოვართათა,  
ხოლო შინაგან არიან მგელშტაცებელ“ (II, გვ. 361).

ვინც გასული საუკუნის 80—90-იანი წლების ჩვენს ისტორიას  
იცნობს, მისთვის ძნელი არაა იმის გარკვევა, თუ ვის გულისხ-  
მობდა გ. ქიქოძე ამ ცრუ წინასწარმეტყველებაში. მან თავიდანვე,  
ამ მოძრაობის ჩასახვისთანავე, მიაქცია ყურადღება მათ. დრომ  
და ისტორიამ საგვსებით დაადასტურა, რომ მისი შიში და სიფრთ-  
ხილე არ იყო საფუძველს მოკლებული.

გაბრიელმა სწორად გამოიცნო ის უარყოფითი ტენდენცია,  
რამელიც ამ მოძრაობაში დღითი დღე ძლიერდებოდა და მძლავ-  
რდებოდა: ამ მოძრაობის რიგებში თანდათანობით ბევრმა ავან-  
ტიურისტმა და ავანჯაკმაც მოიყარა თავი. ავანტიურიზმისა და  
კოსმოპოლიტიზმის მასშტაბები სულ მალე იმდენად გაიზარდა,  
რომ ამ მოძრაობის ბევრი ლიდერისათვის ქვეყნად, მის წარსულ-  
შიც და თანამედროვეობაშიც, აღარაფერი დარჩა წმინდა და წა-  
უხებილწავი.

ეს ის ძალა გამოდგა, რომელმაც ბარბაროსულად დაამსწვრია  
ჩვენში; საქართველოში, ეროვნული თვითმყოფადობის განმსაზღ-

ვრელი საფუძვლები და ილია ქავჭავაძის სისხლით მორწყო ქართული მიწა. „ძალად ღმერთიც კი ვერ აცხონებს კაცსა, — ამბობს გაბრიელი, — და ამ პარტიას უნდა ძალად გააბედნიეროს მთელი ქვეყანა. კიდევ რომ მათი აზრი და შინაზე ქვეყნის გაბედნიერება იყოს, ნუ თუ შეიძლება საკვდილით, მოწამლვით, ავაზაკობით გაბედნიერება ქვეყნისა? ხსენებული მხეცური პარტია, ვინც მათ სიტყვას და სწავლას არ დაიჯერებს, მოჰკვლენ, მოსწამლვენ, დასწვენ და ამბობენ — ქვეყანა უნდა გააბედნიეროთ!“

როგორ წინასწარმეტყველური გამოდგა გაბრიელ ეპისკოპოსის ეს სიტყვები იმ პოლიტიკური მოძრაობის დასახასიათებლად, რომელიც სულ მალე მოევლინა ქვეყანას და ყველაფერი მართლაც თავდაყირა დააყენა.

\* \*

საგანგებო ყურადღება უნდა მიაქციოთ გ. ქიქოძეს, როგორც საღმრთო წიგნების კომენტატორს. მის ქადაგებებში ხშირად გვხვდება ხოლმე ბიბლიური სიუჟეტები და ამონაწერები, რომელთაც ორი ძირითადი მიზნით იყენებს ორატორი: ერთი მხრივ, სსნის და განმარტავს მათ სიზოლურ-ალეგორიულ შინაარსს და ხელმისაწვდომს ხდის მრევლისათვის და, მეორე მხრივ, მათზე დაყრდნობით, აყალიბებს თავის თეოლოგიურ და ზნეობრივ მოძღვრებას.

გაბრიელ ეპისკოპოსის ყოველი ქადაგება, ძირითადად, ერთა რომელიმე საკითხისადმი მიძღვნილი — რაიმე რელიგიური დღესასწაულისადმი ან საკულტო წეს-ჩვეულებისადმი, ამა თუ იმ ცხოვრებისეული ან ზნეობრივი პრობლემისადმი და ა. შ. ორატორი თავის სიტყვას ხშირად წარუშლვარებდა ხოლმე წმინდა წიგნებიდან მოტანილ შესაბამის ფრაგმენტს, განმარტავდა მის არსს და მასზე დაყრდნობით მსჯელობდა განსახილველ საკითხზე. ასევე ხშირად იყენებდა ბიბლიურ სიუჟეტებს. ქადაგებათა შესავალში მსმენელებს მოუთხრობდა რომელიმე ეპიზოდს ან იგავს სახარებიდან და საფუძვლიანად აცნობდა მათ მის სიმბოლურ-ალეგორიულ შინაარსს. იმის ნათელსაყოფად, თუ როგორ აქეთებდა ამას გაბრიელი, მოვიშველიებ კონკრეტულ მაგალითს.

ამაღლებს დღეს წარმოთქმულ ერთ თავის სიტყვაში ორატორს მოჰყავს შემდეგი სიუჟეტური ფრაგმენტი ლუკას სახარებისა: იესო ქრისტემ მკვდრეთით აღდგომიდან მეორმოცე დღეს გამოიყვანა თავისი მოციქულები იერუსალიმიდან ბეთანიამდე, მისცა უკანასკნელი დარიგება, აღუთქვა მოვლინება ნუგეშისმცემლისა, აკურთხა ისინი და ამაღლდა მათ წინაშე ზეცად. მოციქულებმა თაყვანი სცეს უფალს, გახარებულები მოიქცნენ იერუსალიმს და აქებდნენ, აკურთხებდნენ და აღიდებდნენ ღმერთს (I, გვ. 195).

„რას ნიშნავდა, ძმანო ქრისტიანენო, ესრეთი სიხარული მოციქულთა?“ — კითხულობს ამ ეპიზოდის მოთხრობისთანავე ორატორი და თავადვე იძლევა იქვე ვრცელ და დასაბუთებულ კომენტარს. „მოციქულთა ცხოვლად იგრძნეს, რომელ უფალი არა თუ განეშორა მათგან, არამედ უმეტესად მიეახლა მათ. თვალნი მათი აღარა ხედოდენ მაცხოვარსა, გარნა გული მათი გრძნობდა, რომელ იგი არს მუნ, მათ შორის. ეჰა, სასწაული ღვთაებრივისა სიყვარულისა და მადლისა! მაცხოვარი, უფალი ამაღლდა ზეცად. გარნა არ განეშორა მოწაფეთა თვისთა; იგი მიეფერა თვალთა მათთაგან, გარნა მიეახლა გულთა მათთა.“

ასეთი კომენტარი გრძელდება ქვემოთაც. და ეს ყველ-ჯერ ორატორს სჭირდება იმისათვის, რომ მრევლი დაარწმუნოს ერთ დიდ ქეშმარიტებაში: „იგივე უფალი ახლაცა არის ჩვენთანა. ჩინი მადლი, მისი სიტყვა, მისი ქადაგება, მისი სიყვარული ახლაც არის და მოქმედებს ჩვენ ქრისტიანეთა შორის“. მაგრამ იმისათვის, რომ ადამიანმა იგრძნოს უზენაესი ძალა ამ მადლისა, მისი გული ღმერთს უნდა იყოს მინდობილი. ასეთები კი, გაბრიელის თქმით, ცოტანი არიან. ამიტომაც მიმართავდა იგი მის ირგვლივ მყოფ ურწმუნო და ცხოვრების ამაოებით გატაცებულ ადამიანებს: „რა სახით უნდა შევიდეს უფალი იესო ქრისტე შენს გულში, როდესაც იგი არის აღვსებული ყოვლითა ამაოებითა და ადგილი აღარ არის თავისუფალი, რომ განისვენოს უფალმან.“

ანდა ავიღოთ სხვა ქადაგება, რომელშიც განმარტებულია ალფეგორიული ქვეტექსტი სახარებიდან მოტანილი შემდეგი იგავისა: გამოვიდა თესვად მთესვარი, — დაიწყო მაცხოვარმა იგავი, — და დაიწყო თესვა. ზოგი თესლი დავარდა გზაზე, მოფრინდნენ ფრინველები და შეჭამეს. ზოგი კლდოვან ადგილზე დაეცა,

ფესვი ვერ გაიდგა და სიცხისაგან გახმა, ზოგჯერ ეკალში ჩავარდა და იქ გამოიღრჩო. მხოლოდ ის თესლი გავლივდა, აღმოცენდა და გამოიღო ნაყოფი, რომელიც ნაყოფიერ ნიადაგზე დაეცა. ასეთია ის ამბავი, რომელსაც გაბრიელი ყუება (I, გვ. 328—329). ორატორი ღრმად და დასაბუთებულად განუშარტავს მსმენელებს იგავის ალეგორიულ შინაარსს. მთესვარი, — ამბობს იგი, — არის თვით ქრისტე ღმერთი, აგრეთვე ყოველი მოძღვარი, რომელიც უფლის მცნებებს ასწავლის მრევლს. „თესლი არის სიტყვა ღვთისა და ეგრედვე ყოველი სწავლა და აზრი; ზოლო სხვა და სხვა მიწა, რომელსა ზედა დავარდენ თესლნი, მოასწავებს მრავალ ფერთა გულთა კაცთასა, რომელნი ისმენენ სიტყვასა ღვთისასა“.

ამის შემდეგ ორატორი აკონკრეტებს ნათქვამის არსს და ცალ-ცალკე ახასიათებს იმ ადამიანთა სახეებს, რომლებიც განსხვავებული რწმენითა და გულსყურით უდგებიან ღვთისგან შთავონებულ მცნებებს. ასეთი კონკრეტული დახასიათება მას იმისთვის ჰქირდება, რომ დაეხმაროს აღაშიანებას ჭეშმარიტი გზის პოვნაში, დააწახოს ის საბედისწერო შეცდომები, რომელნიც სამუდამო წაწყვედით ეშუქებიან მათ სულს. „ახლა, საყვარელო ძმო, — მიმართავს გაბრიელი მრევლს, — მიაქციე ყურადღება შენდამი და განიცადე თევი შენი, რომელსა მიწასა ემსგავსება გული შენი? ჰგავსა იგი კეთილსა მიწასა და პოიერსა, რომელი თესლისაგან, მისდამი მინდობილისა, გამოიღებს ნაყოფსა შრავალს?“

გაბრიელი თავის უპირველეს მოვალეობად თვლიდა გაედვივებინა მოძმის გულში ღვთაებრივი რწმენა და მთელი ცხოვრება ერთგულად ეზიდებოდა იმ მძიმე უღელს, რომელიც მას, როგორც ერთ-ერთ მთესვართაგანს, ღმერთისგან ჰქონდა დაკისრებული. „დასასრულ, — დაასკვნის ქადაგების ბოლოს მღვდელმთავარი, — ძმანო ჩემნო საყვარელნო, მეცა, ცოდვილი და უღირსი, ვარ ერთი მთესვართაგანი, რომელი, შეძლებისა და ვალისამებრ ჩემისა, ვთესავ თქვენს შორის სიტყვასა ღვთისასა. ხოლო ვინ ან რომელი კაცი სთესავს საყანესა ზედა თვისსა და არა მოელის ნაყოფსა? მეცა, ძმანო ჩემნო საყვარელნო, თუმცა სუსტი მთესვარი ვარ, გარნა ვესავ ღმერთსა ნაყოფისა ხილვად, ვინაითგან არა ჩემსა და ჩემგნით ვთესავ, არამედ ბრძანებითა ღვთისათა და სიტყვასა ღვთისასა“ (იქვე, გვ. 332).

როგორც ზემოთაც აღინიშნა, გაბრიელ ეპისკოპოსის ქადაგებანი ყურადღებას იქცევენ მხატვრული დახვეწილობით. ორატორი ხშირად იყენებს აზრის ემოციური და ეფექტური გამოხატვის ორიგინალურ ფორმებს, სასულიერო მწერლობის უძლიდრესი საგანძურიდან სესხულობს ფართოდ გავრცელებულ ლიტერატურულ ხერხებსა და გამოსახვის საშუალებებს. მაგრამ ხაზგასმით უნდა აღინიშნოს ის გარემოება, რომ ყოველგვარი მხატვრული სიახლე თუ ხერხი მის ქადაგებებში ვლინდება ძალდატანების გარეშე, სადად და ბუნებრივად. ორიგინალურ ლიტერატურულ გამოშახველობით საშუალებათა ძიება მისთვის არასოდეს იქცევა თვითმიზნად.

ამიტომაცაა გ. ქიქოძის სიტყვები და მოძღვრებანი სისადავითა და უშუალოებით აღბეჭდილნი, თავისუფალნი ხელოვნური ჩუქურთმებისაგან, გადაუტვირთავნი მწიგნობრული ფრაზეოლოგიით და ყალბი პათეტიკისაგან გამიჯნულნი. ეს ნიშან-თვისებები, უპირველეს ყოვლისა, თავად ორატორის შინაგანი ადამიანური ბუნებიდან მომდინარეობდა. თავისი ცხოვრებისეული უბრალოებითა და თავმდაბლობით გაბრიელი გულწრფელად უყვარდა მრევლს, სწამდა და სჯეროდა მისი.

ამ რწმენას კიდევ უფრო განამტკიცებდა ის გულითადი სიახლოვე, რითაც მღვდელმთავარი იყო დაკავშირებული თავისი სამწყსოს ყოველ წევრთან. ეპისკოპოსობა მისთვის რაიმე უპირატესობის მიწიქებული წოდება არ ყოფილა, რომელიც გამიჯნავდა მას ადამიანებისაგან და პატივმოყვარეობის გრძნობას გაუღვივებდა გულში.

გაბრიელმა შესანიშნავად იცოდა და სხვასაც მუდამ განუმტკიცებდა იმის შეგნებას, რომ ყოველი ადამიანი ცოდვილია ქვეყნად და ამ ცოდვათა გამოსყიდვა მხოლოდ მორჩილებით, თავმდაბლობითა და შონანიებითაა შესაძლებელი. „მეცა, აღმსრულებელი ამ მშვენიერისა ჩვეულებისა და წესისა, — მიმართავდა იგი ერთ-ერთ ქადაგებაში მრევლს, — მორჩილად გთხოვთ მომიტევოთ, ვისაც რა ვსცოდე, და რაც ვაწყენინე წარსული წლის განმავლობაში სიტყვით, გინა საქმით, ნებით, გინა უნებლიედ. ჩემის მხრითგანაც ვაძლევ შენდობასა ყოველთა, ვინც რა შემკოდა და მაწყენინა“ (II, გვ. 32). საკუთარი მრევლისაგან შენდობისა და პატივების ამ გამოთხოვნაში არაფერი იყო გადა-



კარბებული. ეს კარგად იცოდნენ ეპისკოპოსის სამწყსოს შვილებმა. ამიტომაც ენდობოდნენ მის ყოველ სიტყვას, გულწრფელად სწამდათ და ჯეროდ მისი დამოძღვრისა.

გაბრიელის ქადაგებებიდან ცტირებულ ფრაგმენტებზე დაკვირვებითაც ნათლად შეიძინებოდა მკითხველი იმ მხატვრულ სპეციფიკას, რითაც ნააზრვეის გადმოცემის მისეული სტილი ხასიათდება ამ სპეციფიკის საჩვენებლად ქვემოთ კიდევ შოვიშვილები რამდენიმე საინტერესო ნაწყვეტს. მავალითად, ავტორის დახასიათებით, მარჯვა არის „აღვირი ჩვენი ზორც-სა“ და მას მხოლოდ ის ვერ დაიცავს, ვინც მოკლებულია სულიერ ძალას და „ზორცს მონაა“ (II, გვ. 39). ანდა: „ცოდვა ერთნაირად ეწიგავსება ეკალს, რომელი შეერქო კაცს ზორცში: სანამ ეკალს ზორციდან არ გამოიღებს, მისი წყლული არ მორჩება“ (II, გვ. 53).

ადამიანის ზნეობრივი გაკეთილშობილების შესახებ საუბარს გაბრიელი უკავშირებს ე. წ. სამი საჩკის თვალსაზრისს. პირველ საჩკეს იგი უწოდებს საღმრთო წერილსა და წმინდა მამების ლოცვებს, მეორეს — ადამიანის გონებასა და სინდისს, მესამეს კი მოძღვრის წინაშე წარმოთქმულ აღსარებას. „სამნი ზემოხსენებულნი საჩკენი, — განაგრძობს შემდგომ საუბარს, — უთუოდ ცხადად გვაჩვენებდა, რომ სულიერნი ჩვენი სახე არის გასკრილი და უწინდური მრავალთა ცოდვათაგან ჩვენთა: დავიბანოთ სულიერი პირი ცრემლითა, გავწმინდოთ სულიერი სახე ჩვენი კეთილთა საქმეთა მიერ, ცუდთა ჩვეულებათა მოშლითა... ხშირად წვეხედოთ სამთა იმათ სულიერთა საჩკეთა და, თუ რამე ცუდი გამოთქმულება შევატყვეთ ჩვენს სულს, მოვიშალოთ იგი და მივაჩვიოთ გამოთქმულებასა და ჩვეულებასა; ერთი სიტყვით, გავისწოროთ ცხოვრება“ (II, გვ. 61).

მსგავსი მაგალითები, რომლებიც ტიპურია გ. ქიქოძის ქადაგებებისათვის, ნათლად წარმოაჩენენ მისი სტილის სპეციფიკას. ამ სპეციფიკის შინაგანი ბუნება, მისი სტრუქტურა და მხატვრული თავისებურებანი, როგორც ამას ადვილად შეამჩნევს დაკვირვებული მკითხველი, ბევრი რამითაა დავალებული საღმრთო წიგნებითა და ჩვენი მდიდარი სასულიერო მწერლობით.

1. გ. ქიქოძის ქადაგებები, როგორც არაერთხელ ითქვა, ყურადღებას იქცევენ აზრის გამოხატვის ფილოსოფიურობით. თრატორი ყოველთვის ცდილობს დარწმუნების, სათანადო ახსნა-განმარ-

ტებისა და განსჯის გზით მიიყვანოს მორწმუნე სასურველ მცნებათა თვითშეცნობამდე და აღიარებამდე, პასუხი გასცეს ყოველ დამაქვეპებელ კოთხვას.

ამ თვალსაზრისით, გ. ქიქოძის სიტყვებსა და მოძღვრებებში ენციკლოპედიური ყოვლისმომცველობითაა გააზრებული და დახასიათებული ადამიანის რწმენისა და ზნეობრივი საწყაროს თითქმის ყოველი მნიშვნელოვანი საკითხი. მათზე მის ქადაგებებში დანტერესებული მკითხველი სათანადოდ დასაბუთებულ პასუხს იპოვის ხოლმე. და, როგორც ითქვა, ეს მსჯელობა მუდამ ხასიათდება მაღალი აკადემიზმით, ფილოსოფიური სიღრმით, ლოგიკური განსჯის დახვეწილობით.

იმის ნათელსაყოფად, თუ როგორი სიღრმითა და დამაჯერებლობით წვდება ორატორი პრობლემის არსს და რა ლოგიკური დასაბუთებულობით აყალიბებს თავის თვალსაზრისს, მოვიყვან ფრაგმენტს მისი ერთ-ერთი მოძღვრებიდან: „თუ არ გწამს სახარება, ძმაო, ან თუ სარწმუნოება შენი ცავია, ან მკვდარია, არც კი იფიქრებ, არც მოინდომებ სინანულსა. წმინდა, ჭეროვანი სინანული იპყრობს თვის შორის კიდევ სასოებასა. ღმერთზედ, თუ არ ესავ ღმერთსა, რომ იგი მოწყალეა, შეგირიგდება, ცოდვებს მოგტევებს და კვალადვე აღგადგენს პირველსავე ხარისხსა ზედა, რაღა მოგანდომებს სინანულსა? ბოლოს და უმეტესად ნამდვილს სინანულში არის და უნდა გამოიხატოს სიყვარული ღვთისა. სიყვარული არის შემყვანებელი კაცის სინანულში. ის აღძრავს და აიძულებს კაცს შეინანოს, შეურიგდეს ზეციერსა მამასა, იგი შეაწუხებს კაცს, რომ გაეშორა ზეციერსა მამასა უღირსებითა თვისითა და აიძულებს მოიქცეს კვალად მისდამი. თუ სამნი ესენი: სარწმუნოება, ცხოველი სასოება, ანთებული სიყვარული არ გააჩენენ კაცის გულში სინანულსა, მაშინ სინანული იქნება ყალბი, ცრუ, უნაყოფო“ (II, გვ. 44—45).

ასე გრძელდება ეს საინტერესო მსჯელობა ქვემოთაც, გრძელდება სიღრმისეულად, ადამიანის შინაგანი ბუნების საფუძვლიანი ცოდნით, გრძელდება და ლოგიკური დამაჯერებლობით აღძრავს პიროვნების გულში ცოდვათა მონანიებისა და ღვთაებრივ პარმონიასთან ზიარების უკეთილშობილეს გრძნობას, რომელიც შთაგაგონებს ალაგმო შენს არსებაში ჩაბუდებული ბიწიერება და ეძებო სათნოების წმინდა გზა,

გ. ქიქოძის ქადაგებათა დიდი ნაწილი, როგორც აღინიშნა, ეძღვნება სხვადასხვა რელიგიურ დღესასწაულებს. ორატორი განუმარტავს მრევლს მათ ხასიათს, სპეციფიკას, შიზანდასახულებას. არ დარჩენილა ქრისტიანული სარწმუნოების რაიმე მნიშვნელოვანი საკულტო დღესასწაული, რომელსაც გაბრიელ ეპისკოპოსი თავისი ქადაგებებით არ შეხებოდეს. იგი ცდილობს უფრო ნათელი და გასაგები გახადოს მსმენელთათვის არსი ისეთი საუფლო დღესასწაულებისა, როგორებიცაა: აღდგომა, ბზობა, შობა და ა. შ.

ამ განმარტებებში, ცხადია, გაბრიელი ორიგინალური ვერ იქნებოდა, მაგრამ მთავარი ამ შემთხვევაში საყოველთაოდ ცნობილ რელიგიურ ჭეშმარიტებათა შთაბეჭქდავი ფორმით გადმოცემაა. ეს ჭეშმარიტებანი და მცნებანი, როგორც ღმერთისგან ადამიანთათვის ნაბოძები „დიდი იდეალები“, მღვდელმთავრის სიტყვებსა და მოძღვრებებში ახსნილია და განმარტებული პოპულარული, მრევლისთვის ადვილად მისაწვდომი ენით, ეფექტურად და ლაკონურად.

გაბრიელ ეპისკოპოსი ერთმანეთს უღარებს სარწმუნოების მიღებისა და შეთვისების ორ გზას. ერთია ჭკურთ ან გონებით შეთვისებული რწმენა, მეორე კი გულით შეცნობილი სარწმუნოება. მათ შორის. ორატორის მტკიცებით, დიდი განსხვავებაა, რადგანაც „სხვა არს მიღება, დათანხმება ჭკურთ რომელიმე ჰაზრის, ანუ წინადადებისა, და სხვა არის დარწმუნება, შეტკობა, დაჯერება. ჭკუა მიიღებს, იცნობს. დაეთანხმება. გული დაიჭერებს, შეიტკობს, შეიყვარებს“ (II, გვ. 66). გაბრიელი ამთგან ჭეშმარიტ გზად სარწმუნოების გულით შეთვრებას მიიჩნევს. რადგანაც „ვიც გულით მიითვისებს და შეიტკობს სარწმუნოებას, ამით იგი ამტკიცებს. ცხად ჰყოფს, რომ მას კეთილი და წმინდა გული აქვს“. სარწმუნოების შეთვრება და მისადმი ერთგულება კი ადამიანის სულის დახსნის ერთადერთი გზაა, რადგანაც „სარწმუნოება არის ზნეობრივი მოღვაწეობა, თავისუფალი და სასურველი სულისა და გულისა“.

გ. ქიქოძის ქადაგებებში ახსნილია და განმარტებული არა მარტო ქრისტიანული საკულტო წეს-ჩვეულებანი და ბიბლიური ეპიზოდები, არამედ ლოცვებიც. ლოცვათა განმარტება-ომენტირებას იგი უფრო ხშირად მიჰართავდა იმათთან შეხვედრების დროს,

რომელნიც ისტორიული ვითარების ვამო გამდგარნი ან გაორგულეულნი იყვნენ სარწმუნოებისადმი. ეს განსაკუთრებით ითქმის აფხაზებსა და ოსებზე. გაბრიელი არაერთხელ სწვევია აფხაზეთსა და ოსეთს და ბევრი რამ გაუკეთებია ამ კუთხეებში ქრისტიანული რწმენის დასამკვიდრებლად და განსამტკიცებლად.

საყოველთაოდ ცნობილია, მაგალითად, ის ფაქტი, რომ თავისი აქტიური მოღვაწეობის შედეგად მან ქრისტეს სჯულზე მოაქცია 18 000 აფხაზი. „აფხაზეთში გაბრიელ ეპისკოპოსის დროს, — წერს მოსე ქიქოძე, — მისი ღვაწლით, სწავლით ბევრმა მიიღეს ქრისტეს სჯული; იქ წარმოთქმულ ქადაგებებს აქვს სამისიონერო და არა მამხილებელი ხასიათი“ (იხ. კრებული „სულ-მნათ გაბრიელის საუნჯე“, 1897 წ., გვ. 32).

ქრისტეს რჯულზე ახლად მოქცეული მრევლისთვის კი ბევრი რამ, ბუნებრივია, უცხო და გაუგებარი იქნებოდა სარწმუნოებრივ წეს-ჩვეულებათაგანაც და საკულტო წესთაგანაც. ამიტომაც გაბრიელი თავის უწმინდეს საღმრთო მოვალეობად თვლიდა, ხშირად სტუმრებოდა ამ კუთხეებს და დახმარებოდა იქაურ მორწუნეებს ქრისტიანული რელიგიის არსის ღრმად შეცნობასა და შეთვისებაში. ამითაა განპირობებული, პირველ ყოვლისა, ქრისტიანული ლოცვების მისეული ახსნა-განმარტებანი. რომელთაც მღვდელმთავარი აფხაზეთსა და ოსეთში სტუმრობის დროს მიმართავდა სოლმე. გავიხსენოთ, მაგალითად, „განმარტება, ანუ აღხსნა უფლისა იესო ქრისტეს ლოცვისა, ესე იგი, მამაო ჩვენოისა, სპთა მოძღვრებათა შინა, თქმული აფხაზეთში ახლად მონათლულთა წინაშე“, „განმარტება ანუ აღხსნა ცხრათა ინტარებათა, თქმული ოსეთში კუდრის ხეობაში“, „განმარტება ანუ აღხსნა ეფრემ ასურის ლოცვისა, ოთხთა მოძღვრებათა შინა, რომელნიც თქმულან ოსეთში და სევანეთში“...

ასე ცდილობდა მღვდელმთავარი ქრისტიანული რწმენის აღდგენას და განმტკიცებას იმ ადგილებში, სადაც ისტორიული ავბედობის შედეგად ხალხი განუღვა სარწმუნოებას. „ძმანო ჩემნო, — მიმართავდა ის ერთ თავის მოძღვრებაში ოსეთში, კუდაროს ხეობაში, მის მიერ განათლულ ოსებს, — ვინაითგან თქვენ ახლა მოინათლენით, გაქრისტიანდით, მაშ, ეცადეთ, რომ შეიტ-

ყოფი, თუ რაი არს ქრისტიანობა, როგორი უნდა იყოს ქრისტიანე ცხოვრებითა თვისითა“ (I, გვ. 491).

ისტორიიდან მოშველიებული მაგალითებითა და ფაქტებით გაბრიელი განუმარტავდა ოსებსა და აფხაზებს, რომ მათი წინაპრები ქრისტიანები იყვნენ, მაგრამ „უცუდი დროებისა“, საქართველოში გავრცელებული „ადრეულობისა“ და მტერთა გამუდმებული შემონევენისაგან „ყოველი სწავლა და სჯული დამცირდა და შემდგომ დაიკარგა მათ შორის“. მღვდელმთავარი აღუდგენდა ხალხს მამა-პაპათა რწმენას, ასწორებდა ისტორიის საბედისწერო შეცდომებს. და ეს ყველაფერი კეთდებოდა ადგილობრივი მოსახლეობის ეროვნული ინტერესების სრული დაცვითა და პატივისცემით. მაგალითად, მან საგენგებო დავალება გასცა და ოსეთში ჩასულმა იქაურ მოსახლეობას ოსი მღვდლები დაუნიშნა, რათა მათ მშობლიურ ენაზე მოესმინათ მღვდელმსახურება. ლოცვები, — მიმართა მან ერთ ასეთ შეკრებაზე მრევლს, — „მე უბრძანებ მღვდელსა, თქვენს ოსურს ენაზედ წაიკითხონ ყოველს წიგნაზედო“ (I, გვ. 491).

არ დარჩენილა დასავლეთ საქართველოში რომელიმე სოფელი, ყველაზე შიუვალიც კი, რომელსაც გ. ქიქოძე არ სტუმრებოდა ეპისკოპოსად ყოფნის პერიოდში და იქ ლოცვა-კურთხევა არ აღევლინა. ეს იყო არა მარტო ქრისტიანული რწმენის განმამტკიცებელი მოგზაურობა, არამედ განმანათლებლურიც. გაბრიელის სტუმრობა, როგორც წესი, დიდ დღესასწაულად, განსაკუთრებული მნიშვნელობის მოვლენად იქცეოდა ხოლმე ადგილობრივი მოსახლეობისათვის. იმ პირობებში ეს მოგზაურობა ძალზე ძნელი საქმე იყო, მომქანცავი და სახიფათო. მაგრამ ეპისკოპოსი არ ერიდებოდა არავითარ სირთულეს. სადაც ეტლითა და ცხენით ვერ მოხერხდებოდა მისვლა, იქ ფეხით მიდიოდა და ადგილზე ლოცავდა, მოძღვრავდა და არიგებდა საწმყსოს. მისი ქადაგებების დიდი ნაწილი სწორედ ამ მოგზაურობის დროსაა წარმოქმნილი.

გაბრიელის ამგვარ თავდადებულ მოღვაწეობას საფუძვლად ედო სურვილი იმისა, კიდევ უფრო განემტკიცებინა თავის სამწყსოში ქრისტიანული სარწმუნოებისადმი სიყვარული. იგი დღენიადგ შთააგონებდა მრევლს იმ ჭეშმარიტებას, რომ მხოლოდ

„სოფლურ საქმეებზე“ ზრუნვა „კაცს კაცისაგან განყოფის, განაშორებს, ხშირადაც ერთმანეთს გადაამტერებს“. ამიტომაც საჭიროა ადამიანმა არ დაივიწყოს ღმერთი, ზურგი არ აქციოს ეკლესიას, რადგანაც უფალი „არა თუ განყოფს, არამედ შეაერთებს, დაახლოვებს, შეაყვარებს კაცს კაცთან“... „ეკლესიაში ყველანი ერთი ხართო, — მიმართავდა იგი მრევლს, — ეკლესია ყოველთათვის ერთს წირვას, ერთს ლოცვას და ერთს მოქმედებას აღასრულებს. ერთი ემბაზისაგან გაცემს ყოველთა ნათელს, ერთი ბარძიბისაგან გაქმევს ხორცსა და გასმევს სისხლსა ქრისტესსა. წარმოიდგინე, როგორ დაშორებული არის სოფელში მდიდარი ღარიბისაგან, შემძლებელი უღონოსაგან, და დიდი მცირისაგან. გარნა აქ, ეკლესიაში, ყოველნი ერთ-ხართ და ერთად-ერთი ლოცვა გესმისთ, ერთ წესს და საიდუმლოს მიიღებს ყველანი“ (I, გვ. 489).

ქრისტიანული სარწმუნოების სიკეთის დახასიათებას გ. ქიქოძე ორი უმთავრესი კუთხით უდგება: ერთი მხრივ, იგი ქრისტეს სჯულს ადამიანის სულიერი ხსნისა და აშაღლების უპირველეს საშუალებად აღიარებს, მეორე მხრივ კი ხაზს უსვამს ქრისტიანობის უდიდეს როლს ჩვენი ეროვნული გადარჩენის საქმეში. „უკეთეს წინაპართა ჩვენთა მრავალთა ჭირთა და განსაცდელთა შორის არ შეენახათ მართლ-მადიდებელი სჯული, ახლა აღარ იქნებოდა ქვეყანაზედ არცა სახელი ჩვენი, არცა ენა“, — შეახსენებს იგი სამწყსოს ქრისტიანობის განსაკუთრებულ ეროვნულ დამსახურებას და იქვე უმატებს: „სხვა მიზეზი რომ არ გვექონდეს, მარტო ამ მიზეზმან უნდა შეგვაყვაროს ჩვენ სარწმუნოებაო“ (I, გვ. 366).

ყოველივე ამისი ხაზგასმა იმიტომაც იყო აუცილებელი, რომ გაბრიელი ხედავდა საზოგადოებას ერთი ნაწილის გაორგულებას სარწმუნოებისადმი. ამ გარემოებას ორი ძირითადი საფუძველი ჰქონდა. ერთი ეს იყო ადამიანთა მეტისმეტი გატაცება ამქვეყნიური ამოებით, ურთიერთ შური, მოყვანისადმი გულგრილობა, მიწიერი ცოდვების ტყვეობაში მოქცევა და მისთანანი. და მეორე, იმ ადამიანთა მომრავლება, რომელთაც არც ღმერთი სწამდათ და არც ეკლესია და რომელნიც ქვეყნის ბატონ-პატრონად, მის მხსნელად აცხადებდნენ თავიანთ თავს.

რაც დრო გადიოდა, ეს შოძრახობა უფრო და უფრო ძლიერდებოდა და დიდ მასშტაბებს მოიცავდა. მეოცე საუკუნის დასაწყისსა და ოქტომბრის რევოლუციის შემდგომ ხანაში ამ უღმერთობამ ზენიტს მიაღწია, ყველაფერი თავდაყირა დააყენა და საზოგადოება ზნეობრივი გადაგვარების უფსკრულამდე მიიყვანა. მართალია, გ. ქიქოძე ვერ მოესწრო ამ დროის დადგომას, მაგრამ მან, როგორც ეს მისი ქადაგებებიდან ჩანს, ინტუიციით იგრძნო ამ საბედისწერო საფრთხის მოახლოება. „განსაცვიფრებლად ჩვენდა, — აღნიშნავდა იგი ერთ თავის სიტყვაში, — ამ მოკლე დროებაში გამოსჩნდნენ აქაც, ამ ჩვენს ქალაქშიც, რომელნიმე პირნი, არა-რად მრაცხველნი სარწმუნოებისა, თითქმის ცხადად უარ-მყოფელნი ყოვლისა სჯულისა, გამომცხადებელნი, რომელკაცს არაფერი არ უნდა სწამდეს, არცა ეკლესია, არცა სახარება და არცა სხვა რაიმე“ (I, 366).

ამით შეშფოთებული ეპისკოპოსი თავის მოვალეობად თვლიდა, ხმა აღემადლებინა და წინ აღდგომოდა უსჯულოების ამ ბარბაროსულ შემოტევას. მას განსაკუთრებით აწუხებდა ის ფაქტი, რომ ასეთი მკრეხელური აზრები უფრო მეტად მოსწავლე ახალგაზრდობაში ვრცელდებოდა. „უშეტესი ნაწილი მათგანი, განსაკვირველად ჩვენდა, არიან თითქმის კაბუჯნი, გაპოუცდელნიო“, — წუხდა მღვდელმთავარი. მათ „ჭერეთ ანბანის მეტი თითქმის არაფერი იციან ზედ-მიწევნილად“. მათი „დაუფწვფარი, მკვახე, ნედლი კკუა და უსაფუძვლო ამღვრეული სწავლა განაშორებს გულსა კაცისასა სახარებისასაგან“. ამ ვითარებით შეწუხებული გაბრიელი ხშირად სტუმრობდა თავის ეპარქიაში არსებულ სასწავლებლებს, მოძღვრავდა მოსწავლეებს და ცდილობდა აეხილა მათთვის გონების თვალი, დაეხსნა ისინი ურწმუნოებისაგან.

გ. ქიქოძის ქადაგებათა უპირველესი ყურადღების საგანი, ბუნებრივია, ქრისტიანული სარწმუნოების განმტკიცება და ადამიანის ზნეობრივი გაკეთილშობილებისაქენ სწრაფვანა. მაგრამ მღვდელმთავარი გვერდს არ უვლის ეროვნულ პრობლემათა განსჯასაც. ქადაგებების ერთი ნაწილი მან სწორედ ჩვენი ხალხის წარსულისა და თანამედროვეობის მწვევე, საკითხების ანალიზს დაუკავშირა და ნათლად გამოკვეთა თავისი ეროვნული თვალსაზრისი.

გაბრიელის ყურადღების საგნად ამ შემთხვევაში ძირითადად ის მანკურებანია ქცეული, რომელნიც სხვადასხვა მიზეზთა შედეგად დამკვიდრდნენ ჩვენს ეროვნულ ყოფაში. ორატორი წუხილით საუბრობს იმაზე, რომ „ჩვენს შორის არ არის ერთობა, სიყვარული და ერთგულება ქრისტიანული... ყოველნი მცხოვრებნი ამა ქვეყნისანი ას-წილად იქნებოდნენ უბედნიერესნი ხორციელად და უმჯობესნი სულიერადაც, უკეთუ ჰქონდესთ მათ სიყვარული ურთიერთობრივი, უკეთუ არ იყოს მათ შორის განყოფა მოყვრობისა და მტერობისა“ (I, 375).

ჩვენი ეროვნული უბედურების განმაპირობებელ ამ ნიშანს — ურთიერთშუღლსა და გაუტანლობას, რომელიც ისტორიულად ქსაქსავე და ასუსტებდა საქართველოს, გაბრიელი არაერთგზის მიაპყრობს ყურადღებას თავის ქადაგებებში. იგი წუხს იმის გამო, რომ ეს სენი თავისი დროის საქართველოსაც აუძლურებს და ართმევს ენერგიას. „ძველად აღძრულნი შურითა მცხოვრებნი ამ მცირე ქვეყნისანი, — ამბობს ორატორი, — განიკრძობოდნენ მრავალ-ნაწილად, ებრძოდნენ და აონხრებდნენ ერთი მეორესა... იყო ერთი ღიდი ჩხუბი, განხეთქილება, მეფის დალატობა, მტერთადმი მიდრეკილება და ესე ყოველი ურთიერთობრივისა შურასაგან. აწ. ამ ჩვენ დროში, მადლითა ღვთისათა და მოწყალებითა შემძლებელისა მთავრობისათა, არ შეიძლება იყოს ჩვენს შორის ის ცხადი ომი და მომხრება, გარნა შურმანს სხვა გზა და ბილიკი გამოიჩინა“ (I, გვ 403).

ეს თვალსაზრისი ხშირად ვლინდება გაბრიელის ქადაგებებში. ქრისტიანულ სიყვარულსა და ადამიანთა ზნეობრივ სრულყოფაზე მეოცნებე მღვდელმთავარს არ შეიძლებოდა გული განსაკუთრებით არ ტყენოდა იმის გამო, რომ მის სამშობლოში, ისტორიულადაც და იმჟამადაც, არნახულად იყო აღზევებული „სასოგალო განხეთქილება, მტრობა, შური, შურის-ძიება და სიძულვილი“. „არა-თუ მეზობელთა შორის აღარ არის სიყვარული და მოყვარეობა, არაჲდ ნათესავნი და მახლობელნი უმეტეს განხეთქილებაში არიან: ძმა ძმას ემტერება, მამა და შვილნი ველარ სდგებიან ერთად; დედანი ხშირად სწყევლიან შობილთა თვისთა, ძენი აღარ ემორჩილებიან მშობელთა. საშინელ არს და საზარელ წარმოდგენა ამის ყოვლისა. ამოდენა ჩივილი, დავა და



მტრობა, რაც ამ პატარა ქვეყანაში არის, არსად არ გამოგონილა ქვეყნაზედ“ (I, გვ. 467).

მეორე დიდი ვნება და ჭირი, რომელიც ჩვენ ეროვნულ მანკიერებათაგან გამოყო გ. ქიქოძემ, ეს არის უსაქმობა. „ახლა, ძმანო, ისრედი დროება და ეამი მოიწია, — ამბობს იგი ამასთან დაკავშირებით სოფელ ჩხარში წარმოთქმულ მოძღვრებაში, — ქოველი კეთილშობილი კაცი უნდა დაადგეს რომელსამე საქმესა და იყოს შრომაში და გამოზარდოს თავი თვისი შრომითა თვისითა“ (I, გვ. 468). მაგრამ ამას ცოტა აკეთებს და „უქმად დროების გატარებას“ არჩევს.

გ. ქიქოძის ეროვნული თვალსაზრისი განუყოფლადაა შესისხლხორცებული ქრისტიანული სარწმუნოების სასიცოცხლო როლის აღიარებასთან ჩვენი ეროვნული თვითმყოფადობის გადარჩენის საქმეში. საყოველთაოდ ცნობილი ეს შეხედულება გაბრიელის ქადაგებებში საზგასმითაა წინა პლანზე წამოწეული. ქრისტიანულ რწმენას ამ შემთხვევაში იგი მიიჩნევს ერის მხსნელ და გადამრჩენ ძალად.

ეს თვალსაზრისი განმტკიცებულია ქართველი ხალხის ისტორიული ყოფის განზოგადებული შეფასებებით. მისი აზრით. უპირველეს ყოვლისა, სწორედ ქრისტიანული სარწმუნოება არის ის უზენაესი ძალა, რომელმაც ერთი მუჟა ერა ამდენი ჭირისა და უბედურებისაგან დაიხსნა და გადაარჩინა მაშინ, როცა „დაეცნენ და განქარდნენ უმძლავრესი მეფობანი და ერანი... რამ დაიცვა ქართველები, როგორ მოხდა, რომ ჩვენი ერი არ მოისპო, არ განქარდა და ჩვენი სახსენებელი დარჩა ქვეყანასა ზედა? მიზეზი ამისა არის ის, რომ ჩვენი ერი იყო ყოველთვის ერთგული სიმაართლისა სჯულისა და ღმერთიცი იფარვიდა მას მეოხებითა და ვედრებითა დედისა მისისათა, რომელსა წილად ერგო ივერია და ერი ივერიისა. ეს მცირე. ერთი მუჟა ერი გადაარჩა, აღორძინდა, განათლდა, სოლო ურიცხვნი მათნი მტერნი განქარდნენ“ (II, გვ. 137).

ქრისტიანობის უდიდეს ისტორიულ ეროვნულ დამსახურებას გაბრიელი განსაკუთრებით ხშირად ეხებოდა ხოლმე მოსწავლესა ხალგაზრდობასთან შეხვედრების დროს. ამით მას სურდა სარწმუნოებისადმი პატრიოტული ინტერესიც გაეღვივებინა. ამ თვალსაზრისით მეტად საინტერესოა მისი სიტყვა, წარმოთქმული ქუთაისის საკათედრო ეკლესიაში სასულიერო და „სახორციელო“ სასწავლებლების მოსწავლეებთან შეხვედრაზე 1876 წელს. ის-

ტორიიდან მოშველიებული მაგალითებით ეპისკოპოსი შთააგონებდა მოსწავლეებს, რომ ქრისტიანობა ქართველი ხალხისათვის „გარდაიქცა სისხლად და ხორცად“. სწორედ ქრისტეს რჯულმა დაიწვა ქართველობა უთვალავი მტრისგან, რომლებიც საუკუნეების მანძილზე „პლუჯდენ, კმუსვრიდენ, აოხრებდენ“ ჩვენს სამშობლოს.

გაბრიელი მოსწავლეთა ყურადღებას მიაპყრობს ქრისტიანობის უდიდეს მწიგნობრულ-განმანათლებლურ როლსაც ჩვენი ერის ისტორიაში. „სარწმუნოებათა თვისთა გამხნევებულთა, მათ, არა თუ დაიცვეს თვისი ქვეყანა და ეკლესიები უცხოთა მტერთაგან, არამედ გააჩინეს მწიგნობრობა და მწერლობა, გადმოსთარგმნეს საღმრთო წერილი დაწერილნი წმიდათა მამათა, დააწესეს საკუთარ ენაზედ წირვა, ლოცვა და მწერლობა“ (II, გვ. 356).

რმისათვის, რომ ქრისტიანული სარწმუნოების ეროვნული დამსახურება ქართველი ხალხის კულტურული აღმავლობის საქმეში უფრო ეფექტურად და დასაბუთებულად წარმოაჩინოს, გაბრიელი ერთმანეთს უდარებს კავკასიის სხვა არაქრისტიანი ხალხებისა და ქართველების კულტურას და ამბობს: „ახლა ის გაიხსოვნეთ და იფიქრეთ, რა მოუვიდა, რა დაემართა სხვა მრავალთა კავკასიის ერთა და ტომთა, ლეკთა, ჩერქეზთა, აფხაზთა და სხვას? ივინი ყოველნი, რადგანაც არ შეიწყნარეს ქრისტიანობა, დარჩნენ ველურს, დაცემულს შდგომარეობაში. არა თუ განათლება ვითარიმე არ გაჩნდა მათ შორის, არამედ სახელებიცა მათი ძლივს იხსენიება“ (II, გვ. 355-57).

გაბრიელი ქვეყნის აწინდელ მდგომარეობას „მყუდროს, მშვიდობიანს, წარმატებულს“ უწოდებს, რადგანაც იგი დაცულია „ყოველთა მტერთაგან“. თავის ქადაგებებში მღვდელმთავარი თითქმის არაფერს ამბობს მოყვრის, რჯულისმიერი მფარველის სახელით მოსულ მტერზე, რომელიც ათასგვარი ცბიერებითა და მზაკვრობით ცდილობდა გაეკეთებინა ის, რისი გაკეთებაც ხშირთა და მახვილით მოსულმა მტერმა ვერ შეძლო.

პირიქით, იგი დიდ მადლიერებას იჩენს რუსეთისადმი და სხვებსაც იმას უქადაგებს, ერთგულება და პატივისცემა არ დაიშურონ ხელმწიფისადმი საქართველოს ხსნისთვის. რუსეთის მეფისაგან მიღებული მოწყალეობა და მფარველობა, გაბრიელის აზრით, ქრისტიანული რწმენის ერთობით მოგვრილი ბედნიერებაა. „რუსეთის

ხელმწიფემ რისთვის მიიღო ჩვენი ქვეყანა? — კითხულობს ეპისკოპოსი და თავადვე უპასუხებს: — რათა დაცული ქნას ამ ქვეყანაში მართლმადიდებელი სჯული“ (II, 357).

დღევანდელი მკითხველსთვის ძნელი არაა ამ მსჯელობაში დაინახოს რუსეთის, როგორც ჩვენი „ეროვნული მხსნელის“, ტენდენციური შეფასება. ამ შემთხვევაში გ. ქიქოძე პირდაპირი გამგრძელ“ებელია იმ ხაზისა, რომლის მიმდევარნიც რუსეთთან საქართველოს შეერთებას ეროვნული გადარჩენის ერთადერთ სწორ გზად მიიჩნევდნენ.

ამ რწმენით აიხსნება ის გარემოება, რომ გაბრიელ ეპისკოპოსს, მიუხედავად იმ გაცხარებული ბრძოლებ-სა, რომელთაც იგი აწარმოებდა ქართველი ხალხის წინააღმდეგ ამხედრებულ შავრაზმელ რუს მოხელეებთან, არასოდეს უქადაგებია ქართველებისათვის რუსეთთან კავშირ-ურთიერთობის გაწყვეტა. პირიქით, მუდამ ცდილობდა ამ კავშირის განმტკიცებას და ხშირად გამოხატავდა ეროვნულ მადლიერებას რუსეთისადმი სახელმწიფოებრივი მფარველობის გამო. ამიტომაც კიცხავს მეფისა და რუსეთის ყოველ მოწინააღმდეგეს, რომელთაც სჯულის მგმობელებად მიიჩნევს. „ახლა ჩვენ რომ დაფარულნი ვართ, დიდი ხელმწიფის მოწყალებითაო“, — ამბობდა ერთგან მღვდელმთავარი.

გაბრიელი წუხს იმის გამო, რომ მრეველში შენეულა სარწმუნოებისადმი კრძალვა და სიყვარული. ამ თვალსაზრისით ის ერთმანეთს უდარებს ძველ და ახალ დროებას. მართალიაო, — ამბობს იგი 1861 წლის 8 სექტემბერს გელათში წარმოთქმულ სიტყვაში — ჩვენი მამული წარსულში დაუძლეურებული და დამცირებული იყო, მაგრამ „მაშინ უმეტესად ვიყავით განკრძალულ ღვთის-მსახურებას შინა“. ახალ დროში კი ხალხი იმდენად გაუორგულდა ღმერთს, რომ თვით მღვდელმსახურთა შორისაც მომრავლდნენ ბიწიერი ვნებებით შეპყრობილნი. „გული გაგვიგრილდა ღვთის-მსახურებაზედ, სოფლებში განეფინა ბიწიერება და უსამართლობა, დაგვეკარგა ერთგულება, განქარდა სიყვარული, შეირყა ზნეობა,“ — ასეთია, გაბრიელის აზრით, შეულამაზებელი სახე მისი დროის საზოგადოებისა.

ხალხის ზნეობინ გადაგვარებად მიაჩნია მღვდელმთავარს, მუხალითად, ის „საშინელი საქმე“, რომლის მსგავსი „უწინ არა-ოდენ არ მომხდარა“. ასეთი რამ არ მომხდარა იმ დროშიც, როცა

ურციხევი მტერი აოსრებდა და აწიოკებდა ირგვლივ უკელაფერს. და ეს ხდებოდა იმის გამო, რომ ყოვლადწმინდა ღვთისმშობელი იფარავდა უმწუო მდგომარეობაში ჩავარდნილ თავის წილხვედრ ქვეყანას. „ხოლო აწ, ესა მშვიდობისასა“ მოსდა საშინელი დანაშაული: ავაზაკებმა გაძარცვეს გელათის მონასტერში დასვენებული ღვთისმშობლის ხატი, მფარველი ძალა საქართველოსა. ამას ეპისკოპოსი ღვთისგან მოვლენილ სასჯელად მიიჩნევს, სამაგეროდ იმ უზნეობისა, რომელიც ღმერთთან გაორგულებულ საზოგადოებაში აღხევებულა. „ვიდრემდის იყო ჩვენს შორის ერთგულება და კეთილზნეობა, ღვთისმშობელიცა მიიღებდა და იცავდა, მსხვერპლსა ჩვენსა, — ამბობს იგი, — ხოლო ოდეს განქარდა ერთგულება ჩვენი, განმრავლდა ორგულება ჩვენს შორის და დაიკარგა კეთილზნეობა, მაშინ უარ-ჰყო ყოვლადწმინდამან მსხვერპლი ჩვენი“ (I, გვ. 260).

ამდაგვარი თვალსაზრისი ახალი არ არის და, როგორც ცნობილია, იგი სხვებსაც გამოუთქვამთ ხოლმე. ამის დასტურად მკითხველს შევახსენებ დავით გურამიშვილის „ქართლის ჳირს“, სადაც დიდი პოეტი ქვეყნისთვის თავსდატეხილ უბედურებას იმ სასჯელად მიიჩნევს, რომელიც ღმერთმა მოუვლინა ქართველებს სარწმუნოებისადმი ორგულობისა და განდგომის გამო.

ქრისტიანული მსახურება მარტო პირჯვრის წერა როდია. „ყოველი მსხვერპლი და შესაწირავი ჩვენი, ყოველი სამკაული ხატთა და სიმდიდრე ტაძრისა მხოლოდ მაშინ არის სათნო და საყვარელ ღვთისათვის, ოდესცა გული ჩვენი მიქცეულ-არს მისდამი“ (I, გვ. 261). ცხოვრებაში პრაქტიკული გატარება ქრისტიანული პრინციპებისა, საქმით ერთგულება ღვთისადმი — აი, რა უნდა იყოს მთავარი. „შენს სახლში, შენს ოჯახში, შენს მისვლა-მოსვლაში — იქ მაჩვენე ქრისტიანობა შენი“, — მიმართავს მორწმუნეს გაბრიელი, თორემ მარტო ეკლესიაში მისვლა და ვითომცდა პირჯვრის გამოსახვა ეს არაფერს არ ნიშნავს. ორად გაყოფილ კაცის გულს ღმერთი არ მიიღებს. იგი მთლიანად მას უნდა შეეწიროთ, რადგანაც „ვინც ერთსა მხოლოდ წაშა არის ღვთისა, მერმედ კვალად მისცემს თვისსა გულსა სოფელსა და ამაობასა“, ვერც სოფელს შეეძინება და ვერც ღმერთს. ასეთია რწმენა გაბრიელ ეპისკოპოსისა.

გ. ქიქოძის ქადაგებათა დიდი ნაწილი ქრისტიანული საკულტო დღესასწაულებისა და წმინდანებისადმი მიძღვნილი. ამას თავისი კონკრეტული მიზანდასახულება ჰქონდა. ჯერ ერთი, ამ გზით, მღვდელმთავარი ხელს უწყობდა თავისი სამწყსოს ვაცნობიერებას, უფრო საფუძვლიანად აცნობდა მრევლს ქრისტიანობის არსსა და ზნეობრივ პრინციპებს და, მეორე, ხალხს რწმენისადმი თავყვანს-ცემისა და თავგანწირვის იდეალურ მაგალითებს უსახავდა. „რ-სთ-ვის დააწესა, ძმანო ქრისტიანენო, წმიდამან ეკლესიამან ესრეთი დღესასწაულობითი ხსენება წმიდათა მთავართა მოცქულთა, პეტრესი და პავლესი?“ — კითხულობს პეტრე-პავლობის დღეს წარმოთქმულ ერთ-ერთ ქადაგებაში ორატორი და თავადვე უპასუხებს: „მისთვის, რათა ჩვენ. ქრისტიანენო, გავჩხოვნებდეთ მათსა ცხოვრებასა და მათთა საქმეთა და იქითგან მივრღებდეთ სულიერსა სწავლასა და აღშენებასა... სწავლისა და ნუგეშისა მიღება მათითა მაგალითითა ახლა უნდა აღვასრულოთ ჩვენ სიტყვითა ამითა“ (I, გვ. 40).

ასეთი დიდი აღმზრდელობითი და დიდაქტუური მნიშვნელობა აქვს ქრისტიანულ დღესასწაულებსა და წმინდანებისადმი თავყვანს-ცემას.

გაბრიელ ეპისკოპოსი ქადაგებათა ორ ძირ თად სახეობას განარჩევს. პირველი ესაა იმგვარი ქადაგება, სადაც ორატორი გამოთქვამს მხოლოდ ისეთ აზრებს, „რომელნიცა არიან საზოგადოანი, განყენებულნი ანუ განშორებულნი ცხოვრებისაგან და არავის პირდაპირ არ შეეხებიან“. ასეთი ქადაგებანი ნაკლებსასარგებლოდ მიაჩნია მას, რადგანაც ისინი „არავის არ გააჯავრებს“, მიუხედავად იმისა, რომ შეიძლება დაწერილი იყოს „მკვევრმეტყველად, მაღალთა ლექსებთა შინა“.

ქადაგების მეორე სახეობად მღვდელმთავარი გამოყოფს ისეთ მოძღვრებას, სადაც ორატორი ცდილობს, რომ „სიტყვა მისი იყოს დაახლოვებული მსმენელთა მისთათანა... იყოს არა უქმი და განყენებული, მავალი ღრუბელთა ზედა, არამედ მახლობელ კაცთა, ცხოველ და გამოყვანილ თვით კაცის ცხოვრებისაგან, მისთვის, რათა ყოველმან კაცმან დაინახოს სიტყვათა შინა მისთა, ვითარცა სარკესა, მისი სულიერი მდგომარეობა“ (I, გვ. 202).

ვინც გ. ქიქოძის სიტყვებსა და მოძღვრებებს გაეცნობა, ნათლად დარწმუნდება იმაში, რომ იგი, პირველ ყოვლისა, სწორედ ასეთ

პრაქტიკულ მნიშვნელობას სძენდა თავის ქადაგებებს. მას არასოდეს უძებნია ფუჭი „მჭევრ-მეტყველება“ და ყოველთვის ცდილობდა „მარტივი სიტყვით შესულიყო მსმენელთა გულსა შინა“, დაეტოვებინა „მუნ რომელიმე კვალი“. ამიტომაცაა, რომ მის ქადაგებებში, როგორც ზნეობის „სარკვეში, შეულამაზებლად ირეკლება ადამიანური ცხოვრების „ნაკლიცა და ღარსებაც. განსაკუთრებულ ყურადღებას გაბრიელი მაინც პიროვნების მანკერებათა მხილებას აქცევდა, რადგანაც ამ მხილებით იგი ცდილობდა ადამიანის სულის გაჯანსაღებას და ღვთაებრივი რწმენის განმტკიცებას.

ამაზე ნათლად მეტყველებს მისი ქადაგებების ორი ტომი. თანამედროვეთა ცნობით, ეს მხოლოდ მცირე ნაწილი ყოფილა გაბრიელის მიერ წარმოთქმული სიტყვებისა და მოძღვრებებისა. მოსე ქიქოძე ამბობს, მხოლოდ მეათედიოა. ბევრ ქადაგებას თურმე ზეპირად წარმოთქვამდა, რაიმე ჩანაწერის გარეშე, რის გამოც ისინი სამუდამოდ დაეკარგა შთამომავლობას.

თავად ეპისკოპოსი ასე განსაზღვრავს თავისი ქადაგებების მიზანდასახულებას: „ჩვენ შევიტყვეთ, რა ნაკლულევანება და საჭიროება აქვს მცხოვრებთა ჩვენის ქვეყნისათა და გვსურს, რათა დავნერგოთ გულთა შინა მათთა რომელიმე ზრუნვა გამოცვლად მათის ზნეობისა და ყოფა-ქცევისა. მარად-ყამს ყოველთა ადგილთა და სოფლებთა შინა ვამხილებდით ჩვენ ორთა საშინელთა და დამლუპველთა ჩვენთა ცოდვათა, ესე იგი უქმად დროების დაკარგვასა და ურთიერთშორის მტერობასა და განხეთქილებასა. თითქმის ყოველსა კაცსა ვაჩვენებდით მისსა საკუთარსა ნაკლულევანებასა“ (I, გვ. 203).

ამდაგვარი მხილების გამო გაბრიელს ბევრი უსიამოვნებაც შეხვედრია. „ჩვენმან სიტყვამან განამწარა რომელიმე პირიო“, — გულისტკივილით შენიშნავს იგი. ბევრს გამოუხატავს ეს უკმაყოფილება საჯაროდ. ცილიც მრავალჯერ დაუწამებიათ მღვდელმთავრისთვის. მაგრამ მას კარგად ახსოვდა ის ჭეშმარიტება, რომ პირში ნათქვამი შეულამაზებელი სიმართლე „ხშირად აღძრავს უკმაყოფილებასა და შფოთსა“ და მზად იყო ამ უსიამოვნების მისაღებად. ამას ავალებდა მას მოყვასისადმი უანგარო ქრისტიანული სიყვარული, სიყვარული, რომლის იდეალურ მაგალითს ადამიანებს თვით უფალი აძლევდა.

გაბრიელი ამ უსიამოვნების გამო კი არა, იმაზე წუხდა, რომ „სიტყვა ჩემი არის ერთობ სუსტი და უძლური... ნეტავი ვინმე მომცეს მე ისეთი სიტყვა, რომელი შევიდოდეს შინაგან მსმენელისა და გამოსცვლიდეს მის გულსა“. ასე უპრეტენზიოდ და მოკრძალებულად აფასებდა იგი თავის საღვთისმსახურებლო ღვაწლს. მაგრამ, ამ თავმდაბლობის მოუხედავად, მას ურყევად და დაბეჭითებოთ სწამდა, რომ სიტყვა მისი იყო „კვლ-წრფელი და მომდინარე სიყვარულის და ერთგულების წყაროსაგან: თვით სულიერი მტერი ჩვენი. ეშმაკი რომ წარმოსდგეს აქა, — ამბობდა ორატორი, — იგიცა ვერ დაამტკიცებს, რომელ სხვა რაიმე მიზეზი აღძრავდეს ენასა ჩვენსა, ანუ იყოს ვითარიმე ორგულობა ჩვენ გულში“ (I, გვ. 204).

ამდაგვარი განცხადების გაკეთება იმიტომაც გამხდარა აუცილებელი, რომ, ეტყობა, მისი ქადაგებებით გაღიზიანებულ და შეურაცხყოფილ პიროვნებებს თვით ეკლესიაში აუტეხიათ შფოთი და შეუტევიათ მქადაგებლისათვის. გაბრიელი კიცხავს მათ და გულნატკენი ეკითხება: „მაშასადამე, რისთვის მოახდინე შფოთი, ჰოი შენ ბოროტო კაცო! რისთვის აჩვენე შეურაცხება წმიდასა ამას ადგილსა? რათ აჩვენე სირცხვილი ეკლესიის კრებასა და სჯულსა ჩვენსა? რას იტყვიან ახლა ურწმუნონი? არ იტყვიან იგინი, რომელ მართლ-მადიდებელთა ესრეთ მცირედი აქვსთ სასოება და მორჩილება თვისის საკუთარის საყდრისა, რომელ არ ერიდებიან თვით ეკლესიაში შფოთსა და უწესობას? ეს სწავეს გულსა ჩემსა; სხვა არაფერი გვაწუხებს ჩვენ“.

გაბრიელ ეპისკოპოსის ქადაგებათა უმთავრესი მიზანი ღვთაებრივი ჰარმონისაა და ზნეობრივი სრულყოფის მიღწევაა. მქადაგებელს უყურადღებოდ არ დაუტოვებია არც ერთი მეტ-ნაკლებად მნიშვნელოვანი საკითხი, რომელიც ამ მიზნის მიღწევის გზაზე უნდა გაითვალისწინოს ადამიანმა. პიროვნებისთვის თავსდატეხილ ყოველგვარ უბედურებას იგი ღვთის გამოცანად თვლიდა. „ღვთისგან არის ისიც, — ამბობდა მღვდელმთავარი, — როდესაც შეგემთხვევა რომელიმე უბედურება, როდესაც შენ ხარ შეწუხებული ანუ სიკვდილითა, ანუ სიღარიბითა, ანუ სნეულებითა, ყოველთა ესრეთთა შემთხვევათა კაცნი ღვთის-მოშიშნი და ღვთის-მოსავნი მიიღებენ, ვითარცა ღვთისაგან მოვლინებულსა წოდებასა, შეიმუხვრიან გულთა თვისთა, დაემორჩილებიან სიმართლით დამსჯელსა

მარჯვენესა ღვთისასა და ცდილობენ, რომ სინანულითა, მოთმინებითა და მორჩილებითა გაისწორონ ცხოვრება თვისი და შეიქმნენ ღირსნი ღვთის მოწყალებისა“ (I, გვ. 218).

გაბრიელის ამ სიტყვებს განსაკუთრებული ძალა და შთაბეჭდლობა ჰქონდა იმიტომაც, რომ მათ ავტორს თვითონ მოუწყო ღმერთმა ასეთი უმკაცრესი გამოცდა, როცა ერთიანად დაუხოცა ცოლ-შვილი და ეულად დატოვა ამქვეყნად. მაგრამ, ამისდა მიუხედავად, მას ცხოვრებაზე ხელი არ ჩაუქნევია, ყველაფერი ღვთის ნებად ჩათვალა და კიდევ უფრო მეტი ერთგულებით შეუდგა სარწმუნოებისა და საზოგადოებისადმი სამსახურს.

გ. ქიქოძის რწმენით, ადამიანმა, უპირველეს ყოვლისა, თავის თავში უნდა ეძებოს ყოველი განსაცდელის განმაპირობებელი მიზეზები. ამ შემთხვევაში იგი ერთი შეხედვით პარადოქსულ აზრსაც კი გამოთქვამს, როცა ამბობს, რომ „თითქმის გარეშე განსაცდელისა არც კი შეიძლება სულიერი წარმატება. განსაცდელი აღამალლებს აზრსა და განწმენდს ცნობასა, გაგვსწორებს ზნობასა“ (II, გვ. 241). ასე რომ, ადამიანი „მაპაცად“ უნდა შეხედეს განსაცდელს, სულით არ დაეცეს და მისგან ზნეობრივი სარგებლობა მიიღოს. ასეთია რწმენა ათას ქირში გამოვლილი ეპისკოპოსისა.

გ. ქიქოძის ქადაგებათა დიდი ნაწილი ადამიანურ მანკიერებათა მხილების მძაფრი სულისკვეთებითაა გამსჭვალული. ცხოვრებისეულ ბიწიერებათა ამ მხილებას ორატორი განზოგადებულ ხასიათსა სძენს და კონკრეტული შინაარსითაც აღბეჭდავს ზოლმე. ბიბლიიდან მოტანილი მაგალითებით იგი სამწყსოს განუმარტავდა ბოროტების სულისწამწყმედ არსს, ზოლო კონკრეტული ცხოვრებისეული ფაქტებით ამ ზოგად საუბარს მეტ შთაბეჭდლობასა და დასაბუთებულობას სძენდა.

მანკიერებათა დაგმობის დროს მღვდელმთავარი ემყარებოდა იმის ღრმა რწმენას, რომ ადამიანში შინაგანად ყოველთვის გაცილებით უფრო ძლიერია სიკეთისა და პატიოსნების გრძნობა, ვიდრე ბოროტების საწყისი. იმიტომაც ცდილობდა იგი, მორწმუნეთა გულში განემტკიცებინა შეგნება იმისა, რომ „ქვეყანაზედ არ იპოვება ისრეთი კაცი, რომელმანც არ იცოდეს განრჩევა შორის ცოდვისა და მადლისა, სიცრუისა და სიმართლის. ყოველი კაცი ხშირად სცოდავს, გარნა, გგონებ, ისრეთი ადამიანი არ იპოვება ქვე-



ყანაზედ, რომელსაცა თავის პაზრში და გრძნობაში მანც სიმართლე და მადლი არ ერჩიოს სიცრუესა და ცოდვასა. თვით უკანასკნელი და ყოველადვე გარყვნილი, ყოველ ბოროტებაში გამოსული კაცი რომ მოვიყვანოთ მაგალითად, ისიც კი ზოგჯერ გრძნობს მწუხარებასა თავის თავზედ: „მამასადამე კაცს ბუნებაში ახლაც არის თესლი ღვთის სასუფეველისა“ (I, გვ. 225).

აი, სწორედ აღამიანის ეს შინაგანი სიწრფელე და მოწოდება — იდგეს სიმართლის მხარეზე — მიაჩნია გაბრიელს იმ საფუძვლად, რომელსაც უნდა დავემყაროთ უკეთურების წინააღმდეგ ბრძოლის დროს. ორატორის აზრით, თვით ყველაზე დაცემულ და გარყვნილ აღამიანშიც კი ბედობს სიკეთისა და სიმართლის ეს გრძნობა, ძვეს თესლი „ღვთის სასუფეველისა“. რომელიც უნდა გვაღვივოთ და მისგან სიკეთის მადლი აღმოვაყვანოთ. გაბრიელის ქადაგებანი, მთელი მისი საღვთისმსახურებლო მოღვაწეობა, უანგარო და თავდადებული ღვწაა სწორედ ამ ღვთაებრივი თესლის გასაღვივებლად და მისგან სიკეთის ნერგის აღმოსაყვანებლად.

ამასთან, ორატორი არასოდეს, თავის არც ერთ გამოსვლაში, არ წყდება ცხოვრებისეულ რეალობას, არ არბილებს წინააღმდეგობებს, რადგანაც კარგად იცის, რომ წუთისოფელში ცოდვა და მადლი, სიმართლე და სიცრუე, ერთმანეთშია არეული. „ცხოვრება აღამიანისა, — აღნიშნავდა იგი, — ბრუნავს, ვითარცა ურმის თვალი, და ამასთანვე ბრუნავენ და იძვრიან ქვეყანაზედ ცოდვა და მადლი“ (I გვ. 226). აღამიანზეა დამოკიდებული, ვის ემსახურება და ვის გაიხდის ცხოვრების იდეალად — მადლს თუ ცოდვას.

საზოგადოებას გაბრიელი სამ ძირითად ნაწილად ყოფდა. პირველ ნაწილს, რომელიც, სამწუხაროდ, „ფრიად მცირეა“, იგი იმით მიაკუთვნებდა, ვისი გულიც „სრულებით განუყოფელად ეკუთვნის ღმერთსა, მარად ემსახურებს ღვთის-მსახურებასა ზედა, ერთგულად და შეურყევლად ასრულებს საღმრთოსა მოვალეობასა თვისსა“ (I, გვ. 230). საღმრთო წერილში ამით ეწოდებოთ მარილი სოფლისა, ნათელი ქვეყნისა, თესლი წმიდა, რჩეული ღვთისა.

საზოგადოების მეორე ნაწილს, რომელთაც გ. ქიქოძე გამოპყოფს ქრისტიანთა შორის, მხოლოდ სახელად უწოდებენ ქრისტიანებს და მართო ამქვეყნიური, მიწიერი ვნებებით არიან შეპყრობილნი, ისინი „პატივის-ჰსცემენ და ემსახურებიან მხოლოდ მა-

მონასა“ და მათი გული სრულიად „გრილ-არს ღვთის-მსახურება-ზედ“, მესამე ნაწილს კი შეადგენენ ის ადამიანები, „რომელნი ირყევიან შორის ორთა უფალთა, ღვთისა და მამონისა, რომელთა, თუმცა არ ჰსურთ მონება ღვთისა, გარნა ვერ გადუგდიათ უღელი მამონისა“.

გაბრიელ ეპისკოპოსი თავის ღვთაებრივ მოვალეობად მიიჩნევდა დახმარებოდა ამ ადამიანებს, განთავისუფლებულიყვნენ ისინი „ორთა უფალთა“ მონობისაგან და ეპოვებინათ სულის ხსნის ჭეშმარიტი გზა.

მაგრამ ეს ისე არ უნდა გავიგოთ, თითქოს ორატორი ადამიანს მოუწოდებდა ზურგი ექცია ყოველივე ამქვეყნიურისა და მიწიერისადმი და მხოლოდ სარწმუნოებრივი დოგმებით შებოჭილიყო. გაბრიელი, როგორც ითქვა, რეალისტური თვალთახედვით უდგება მოვლენებს და ასეთ უკიდურესობამდე არასოდეს არ მიდის. იგი მიწიერი ცხოვრების შუაგულში დგომასაც უფლის ნებად თვლიდა და არაორაზროვნად უქადაგებდა ადამიანებს: „უფალი არ მოითხოვს შენგან, რომ დაუტევო ყოველი ზრუნვა და ფიქრი სოფლიური; სხვა არის ზრუნვა და ფიქრი ხორციელისა ცხოვრებისათვის და სხვა არის მონება სოფლისა. უფალი მოითხოვს შენგან — არ დაემონო სოფელსა ანუ მამონასა ისრეთ, ვითარცა ღმერთსა; უფალი და ბატონი შენი იყოს მხოლოდ ღმერთი“ (I, გვ. 232). ასეთი იყო მისი, როგორც ღვთისმსახურის, თვალსაზრისი, რომელიც, როგორც ვხედავთ, სრულებით არ ჰქადაგებს ცხოვრებისგან განდგომას.

გ. ქიქოძეს არაერთხელ გამოუხატავს წუხილი იმის გამო, რომ ადამიანებს გაუნელდათ ქრისტიანული სიყვარული ერთმანეთისადმი. მათ დაივიწყეს უფლის მიერ შთაგონებული ჭეშმარიტება, მოყვასისადმი სიყვარული იგივე ღვთის სიყვარული რომან. ამის დასტურად მას მოჰყავს ერთი ასეთი კონკრეტული მაგალითი: „მახლობლათ ჩვენი ქალაქისა, ერთი შორი სოფლითგან მოსული კაცი მოდიოდა გზაზედ“. დაუძლურებულს ვერსად ეშოვნა თავშესაფარი, გზის პირას დაცემულა და უპატრონოდ გდებულა ათი დღის განმავლობაში. ამ ხნის მანძილზე რამდენმა ჩაუარა მას გვერდით, მაგრამ ერთმაც კი არ აღმოუჩინა შეშწევობა, ერთმაც კი არ იფიქრა, რომ „ის არის ადამიანი, ძმა მისი და ღმერთი გვიბრძანებს ჩვენ: „შეიყვარო მოყვასი შენი ვითარცა თავი თვისი“ (I, გვ.

295). აქედან განსაჯეთ, გვაქვს თუ არა ჩვენ კაცთმოყვარეობაო, — დაასკენის ამ ფაქტით გულნატკენი ეპისკოპოსი. მის წუხილს კიდევ უფრო აძლიერებს ის გარემოება, რომ მსგავსი მაგალითები საქმეობრივად არაა და „თითქმის საზოგადო ჩვეულებაა ჩვენში“. ასეთ საზოგადოებაში დეგრადირებულია და ჩამკვდარი ადამიანური სინდისი — ეს „უხილავი მსაჯული, მკდომარე გულსა შინა ყოვლისა კაცისასა“. კაცობრიობის ხსნა ადამიანის სულში მთვლემარე ამ უხილავი მსაჯულის გამოფხიზლებაა. ეს კი მხოლოდ მაშინ მოხდება, ღეთაებრივი სიყვარული მხოლოდ მაშინ იხეიმებს ჩვენს გულებში, როდესაც კაცი პირმოთნეობითა და ანგარიშით კი არ ჩაიღვენს სიკეთეს, არამედ სულის კარნახითა და რწმენის მოწოდებით.

გ. ქიქოძის თეოლოგიური მოძღვრება ხშირად კონტრასტულ მცნებათა დაპირისპირების შედეგად ვლინდება ხოლმე. მკად-კებელი ერთმანეთს უდარებს საწინააღმდეგო მსოფლმანედულობრივ პოლუსებზე მოთავსებულ ზნეობრივ პრინციპებს. უმადურობას სულგრძელობა უპირისპირდება, ღალატს — ერთგულება, ცოდვას — მადლი, შურისგებას — მიმტევებლობა, ანგარებას — უანგარობა... ეს მარადიული ზნეობრივი ღირებულებანი, რომლებიც ყოველ დროსა და ეპოქაში აღელვებდა კაცობრიობას, ცენტრალურ ადგილს იჭერენ გაბრიელის თეოლოგიურ მოძღვრებაშიც.

ორატორი ცდილობდა ამ ცნებებთან დაკავშირებული ცნობილი ჭეშმარიტებანი ემოციური შთამბეჭდაობითა და მკვერმეტყველებით მეტანა მსმენელამდე. იგი ენციკლოპედიური ყოვლისმომცველობით, მოკლედ და ამომწურავად, განმარტავდა და ახასიათებდა ყველა იმ ძირითად ნიშან-თვისებას, რაც ამა თუ იმ ზნეობრივი კატეგორიისათვის არის დამახასიათებელი. ამის გაკეთება იმიტომაც იყო აუცილებელი, რომ ორატორს თავისი განმანათლებლური ქადაგებებით გამოსვლა უწყედა ფართო აუდიტორი სწინაშე.

ამდაგვარი საუბრებით იგი ცდილობდა აემალლებინა საზოგადოების თვითშეგნებასა და განათლების დონე. ამ მიზნით, საღმრთო წიგნებიდან მოტანილი მაგალითების გვერდით, მას თავის სიტყვებსა და მოძღვრებებში მეცნიერული განსჯის ელემენტებიც შემოჰქონდა ხოლმე, რითაც ესწრაფვოდა გამოეყვანა ხალხი ცრუმორწმუნეობისა და უმეტრების ტყვეობიდან. ქრისტიანული საკულტო

წენ-ჩვეულებების დახასიათებასთან ერთად, ორატორი მრევლის ყურადღებას ხშირად ისეთ მავნე მოვლენებსაც მიაპყრობდა, როგორებიცაა: მკითხაობა ანუ მარჩიელობა, ჭორაობა, ენატანიობა, ეკრებთმსახურება და ა. შ.

ამდგავარი უმეცრებიდან ხალხის დახსნის ერთადერთ გზად გაბრიელი განათლებას მიიჩნევდა. ამიტომაც მოუწოდებდა ის ხალხს მეტი დაინტერესება გამოეჩინათ სწავლისადმი. უსწავლელ ადამიანსო, — ხშირად მოძღვრავდა ორატორი მრევლს, — აწუხებენ „ათასნი ცრუნი აზრნი, უსაფუძვლონი შიშნი“. იგი ყველაფერს აკეთებდა საიმისოდ, რაც შეიძლება აემალლებინა სწავლისადმი ინტერესი და პატივისცემა მოსახლეობაში.

გ. ქიქოძის ქადაგებებში მოყვასისადმი გამოხატული ქრისტიანული სიყვარული უაღრესად ფართო მასშტაბების მომცველია და არაა შემოფარგლული ადამიანთა ეროვნული და სარწმუნოებრივი განსხვავებულობით. მოყვასის ცნებაში იგი, საზოგადოდ, ადამიანს, მთელ კაცობრიობას გულისხმობდა და ღრმად სწამდა, რომ „ყოველნი ტომნი და თესლი კაცთანი შთამომავლობენ ერთისა წინაპრისა ადამ და ევასაგან, მაშასადამე, არიან ძმანი და მოყვასნი“. ამის დასტურად მას მრავალი მაგალითი მოაქვს ბიბლიიდანაც და უშუალოდ ცხოვრებისეული სინამდვილიდანაც, რითაც ცდილობს გააღვივოს ადამიანებში მოძმისადმი სიყვარული.

ერთ-ერთი ასეთი მაგალითია შემდეგი ეპიზოდი სახარებიდან: ერთი ებრაელი კაცი იერიქონიდან იერუსალიმში მიდიოდა. მას თავს დაესხნენ ავაზაკები. გაძარცვეს, დაჭრეს და ცოცხალ-მკვდარი მიატოვეს გზაზე. ჩამოიარა ერთმა მღვდელმა, ნახა დაჭრილი, მაგრამ ყურადღება არ მიაქცია. შემდეგ ებრაელთა ტაძრის მსახურმა, ლევიტელმა, გამოიარა, არც მან მიხედა გაჭირვებულს. ბოლოს გამოჩნდა ვინმე სამარიტელი, კაცი უცხოელი და „ებრაელთაგან ფრიად შეძულებული“, შეებრალა დაჭრილი. მოუარა, წყლულები დაუამა და „შთაბარა იგი სახლისა უფალსა“. გაბრიელი ასე განუმარტავს მრევლს ამ იგავის ქვეტექსტს. ამ დაჭრილ და გზაზე უპატრონოდ მიგდებულ კაცში მთელი „კაცობრივი ნათესავი“ იგულისხმება, ხოლო სამარიტელი უფალს ნიშნავსო.

სამარიტელმა, მიუხედავად იმისა, რომ დავრდომილი ებრაელი იყო, „მაშასადამე. მტერი და მოშურნე მისისა ტომისა“, მოწყალება უყო გაუბედურებულ ადამიანს, რათაც მან აღასრულა

მცნება უფლისა; თუმცა იმ დაჭრილისგან ვერავითარ სამაგიერო სიკეთეს ვერ მიიღებდა. გაბრიელის აზრით, სწორედ ეს არის „საქმით აღსრულება მოყვასობის მცნებისა“. მართალია, მღვდელი და ლევიტელი სიტყვით შესანიშნავად განმარტავდნენ ხოლმე მოყვასისადმი სიყვარულის რაობას, მაგრამ საქმით, როცა ამ სიყვარულის პრაქტიკული ხორცშესხმა იყო საჭირო, არაფერი გააკეთეს.

ეს ერთი მაგალითიც მკაფიოდ გამოხატავს მღვდელმთავრის თვალსაზრისს იმის თაობაზე, რომ სიკეთის ქმნა და მოყვასისადმი სიყვარული არ უნდა შემოიფარგლებოდეს სარწმუნოებრივი და ეროვნული განსხვავებულობით. ამის შესახებ გაბრიელის ქადაგებებში ხშირადაა ყურადღება გამახვილებული. ამ შემთხვევაში იგი მრევლს განუმტკიცებდა რწმენას იმისას, რომ „ქრისტიანული მოწყალეობა არის ბუნებითი გრძნობა კეთილი კაცის გულისა, უმეტესად განღვიძებული და გაღონიერებული სარწმუნოებითა“ (II, გვ. 221). ამიტომაც, ქრისტიანი კაცი მოვალეა თვით მოსისხლე მტერსაც კი უყოს სიკეთე, „ვინც გინდა იყოს იგი, თუ გინდ მან-ლობელი და მონათესავე კაცი, თუ გინდ უცხო, უცნობელი და სხვა სჯულის კაცი, ურია, გინდა თათარი“. ასეთი რჯულშემწყნარებლობა ხაზგასმითაა წინა პლანზე წამოწეული გ. ქიქოძის თეოლოგიურ მოძღვრებაში.

შემდეგი ფაქტორი, რომელსაც განსაკუთრებულ ყურადღებას აქცევს ორატორი მოყვასისადმი სიკეთის გამოვლენის დროს, ესაა მოწყალეების უანგაროდ აღსრულება. იგი გმობს იმ ადამიანთა მოქმედებას, რომლებიც მათ მიერ „მდიდრად და უხვად“ გაღებულ მოწყალეობას ქვეყანას მოსდებენ, ბუკსა და ნალარას დასცემენ, გაზეთებში გამოაცხადებენ. გაბრიელის რწმენით, ამით მოწყალეობა ჰკარგავს ქრისტიანულ ხასიათს და უფრო ვაჭრობას ემსგავსება, რადგანაც იგი ანგარებითა და პატივმოყვარეობით კეთდება.

საერთოდ, პატივმოყვარეობა მას ერთ-ერთ ყველაზე ფართოდ გავრცელებულ საშიშ ცოდვად მიიჩნია. თავისი დროის საზოგადოებას, გაბრიელის აზრით, ეს სენი იმდენად მოსდებია, რომ „სათნოებითა, ჭკუითა და ქვეყნის სარგებლობათა არავინ არ ჰფიქრობს და არ ეძიებს თავის გამოჩენას“ (II, გვ. 236). პატივმოყვარეობით შებყრობილი ადამიანები ცდილობენ, რაც შეიძლება მეტი ჩინ-მედლები მიიღონ მთავრობისაგან და საამისოდ არაფერს არ ზოგავენ.

ამის დასტურად ორატორი იხსენებს ერთ მაგალითს იმ შფოთისას და დავიდარაბისას, ქუთაისში რომ ატეხილა ჩინის მაძიებელთა შორას. რა იყო ამ ამბოხების მიზეზი? — გულისტკივილით კითხულობს მღვდელმთავარი, — ნუთუ ის „ერთი მტკაველი სარმა, რომელსა დააკრებენ შხრებზე, ღირს იმად, რომ კაცმა თავისი მამული დახარჯოს, ან სასოწარკვეთილებაში შთავარდეს?“ გაბრიელი საკმაოდ კონტრასტული და ემოციურად შთამბეჭდავი ფერებით უხატავს მრევლს „ამაოებით აღვსებული იმ საცოდავი კაცის“ სულიერ უბადრუკობას, ვისაც მიწიერი პატივის ძიებამ ზნეობა გაუფუჭა და სული დაუმდაბლა. „ღმერთო, ზეციერო! — დასკვნის გულნატენი ორატორი, — ვის შეუძლია გაპზომოს ჩენი ამაოება, სისაწყლე, რეგენობა?.. ზნეობის გაწმენდა ტალახისაგან, რომელსა შინაა შთაფლული ვართ“...

გ. ქიქოძის ქადაგებებში მძაფრად ვლინდება კაცობრიობის მარადიული სევდა ე. წ. „აღუვსებელი საწყაულის“ გამო, ფილოსოფიური განსჯა ამქვეყნიური ყოფის ამაოებისა. იგი ცდილობს ბიბლიიდან მოტანილი მაგალითებითა და ცხოვრებისეული გამოცდილების განზოგადებით მრევლისათვის უფრო ნათელი და მისაწვდომი გახადოს მარადიულ ფილოსოფიურ ჭეშმარიტებათა არსი. გაბრიელი, როგორც ითქვა, ცხოვრებას მოწყვეტილი მღვდელმსახური არ ყოფილა და კარგად იცნობდა ადამიანის სულიერ სამყაროს. მან შესანიშნავად იცოდა, რომ ძლივს შეიძლება ქვეყანაზე ისეთი კაცის პოვნა, „რომელიც არ დრტვინავდეს, არ სტიროდეს, არ სჩიოდეს თავის ხვედრზედ“ (II, გვ. 193). ამის დასტურად მას მოჰყავს მაგალითი ერთი მეფისა, რომელმაც ქუჩაში სეირნობისას დაინახა, რომ რამდენიმე მუშა სადილად იჯდა, პურისა და წყლის მეტი არაფერი ჰქონდათ, მაგრამ ისე მხიარულად იყვნენ, რომ მეფეს შეეხარბა მათი, ტირილი დაიწყო და თქვა, არასოდეს ასე მხიარულად არ მისადილიაო.

ბედით ბოლომდე კმაყოფილი და მიზანმიღწეული ადამიანი რომ არ არსებობს, ამის დასტურად ორატორი სოლომონ ბრძენსაც და ალექსანდრე მაკედონელსაც უსახელებს მრევლს. უზარმაზარი იმპერიის შემქნელი მაკედონელი მთელი დედამიწის დაპყრობაზე ოცნებობდა, ხოლო სოლომონი, რომელსაც თითქოს ყოველგვარი ბედნიერება ჰქონდა მოპოვებული, რასაც კი კაცის გული ინატრებდა, მაინც მოწყენილი იყო და დრტვინავდა: „ამაობა ამაოთა

და ყოველივე ამო არსო“ (II, გვ. 193). „მარადი უკმაყოფილები-  
სა და ღრტვინვის“ ამ ფილოსოფიურ განსჯაში თავისებურად ირეკ-  
ლებოდა კაცობრიობის დასაბამიდანვე აღამიანთა მოღვმისთვის  
თანამდევნი სევდა ცხოვრების ამოების შეცნობისა.

ქართული მწერლობისათვის ეს სევდა კარგად წაცნობი თემა  
იყო. აქ, ამის დასტურად, მარტო ნ. ბარათაშვილის განხეხებაც იკ-  
მარებდა. მაგრამ „ფიქრნი მტერის პირაში“ გამოვლენილ ამ პრობ-  
ლემის რეალისტურ განსჯას და ცხოვრების ამოებისაგან თავდასა-  
სნელ გზათა ამქვეყნადვე ძიებას გაბრიელმა, როგორც ღვთისმსა-  
ხურმა, სარწმუნოებრივი ახსნა მოუძებნა და ცხოვრების ამოები-  
საგან განსათავისუფლებელ გზად საღმრთო მცნებებისადმი ერთგუ-  
ლება მიიჩნია. ამქვეყნიურ ბედნიერებაზე მარადიულად მეოცნე-  
ბე კაცი, მისი აზრით, „ადვილად დაჰკარგავს საუკუნო ცხოვრე-  
ბის ნეტარებასაც. ეს მისთვის, რომ იმას შეუძციოდება სარწმუნო-  
ება, დააკლდება სასოება, კარგად ვერ ილოცავს, ღვთის სიყვა-  
რული აღარა აქვს, ყოველი მოყვასი ეძაგება“.

ამ სწეულების განმაკურნებელ ძალად მას სახარება, ქრისტეს  
ჩვეული, მიაჩნია. მიწიერი ცხოვრების პირობებში აღამიანმა სი-  
ცოცხლის ამოების სევდას, სარწმუნოებასთან ერთად, კეთილ  
საქმეთა კეთებით უნდა სძლიოს. მხოლოდ ასე შეიძლება „აღვაშე-  
ნით ჩვენი ბედნიერება და კეთილი მდგომარეობა“ ჩვენივე შრო-  
ხთა და მეცადინეობით. ამ შეგონების მნიშვნელობა მით უფრო  
ზრდება, რომ, გაბრიელის აზრით, ქართველი კაცის ხორციელი  
უნება „ერთობ მიდრეკილია და მსურველი ზარმაცად და უქმად  
ბროების გატარებისა“ (II, გვ. 195). იგი წუხს იმის გამო, რომ  
ვერ ჩვენთაგანს დავიწყებული აქვს ერთი საყოველთაოდ ცნობი-  
ლი ჭეშმარიტება: შრომა არის საძირკველი აღამიანთა ბედნიე-  
ებისა და კეთილდღეობისა.

როგორც ვხედავთ, ეპისკოპოსი ღრმად იცნობს აღამიანის ბუ-  
ებას და შეულამაზებლად წარმოაჩენს მისთვის დამახასიათებელ  
რსებებსაც და მანკიერებებსაც. მან კარგად იცის, რომ „პატივის  
ა მთავრობის მოყვარება ღრმად არის დანერგული“ ყოველი ხორ-  
ული კაცის სულში. „ამ ვნებას შობილგან ვიდრე სიკვდილამდე  
სონება თითქმის ყოველი კაცი“ (II, გვ. 109), რადგანაც იგი არის  
უნებითი თვისება კაცისა“. ამიტომაც მისი მთლიანი ამოძირკვა  
ამიანის შეგნებიდან, გაბრიელის აზრით, შეუძლებელია. არც

ქრისტიანული რწმენა მოითხოვს მის სრულ „განქარვებას“ კაცობუნებისაგან, „არამედ მისცა მას სხვა მიმართულება, განსხვავებული სახით გვაჩვენა ჩვენ ძიება პატივისა და მთავრობისა“ (II, გვ. 106). ეს მიმართულება, სახარების ენით, ასეთია: „რომელსა უნდეს დიდყოფა თქვენს შროის, იყოს ყოველთა მონა“.

ორატორი შეაგონებს სამწყსოს, რომ, ქრისტიანული რწმენის მიხედვით, კაცი პირველობასა და ძმათაგან გამორჩეულობას უნდა ეძიებდეს არა „ძალადობით, შეშინებითა და ბოროტის ყოფითა, არამედ სიყვარულითა“. ეს არის ადამიანის პიროვნული ამაღლების ის ერთადერთი ქეშმარიტი გზა, რომელსაც გვასწავლის მაცხოვარი. ეს არის ქვეყნის სამსახური, ერის წინამძღოლობა „ყოველთა წმინდა საქმეთა შინა“, სარგებლობის მოტანა სოფლასათვის.

გ. ქიქოძე ხშირად ქადაგებს სასულიერო და საერო წოდებათა ერთობასა და განუყოფელობას. ჩვენი საზოგადოების სულიერი წარმატებისა და განათლების აუცილებელ პირობად მას, პირველ ყოვლისა, სწორედ ეს ერთობა და „მინდობილობა“ მიაჩნია „მღვდელთა და ერთა შორის“. სამწუხაროდ, იგი ხედავდა, რომ ეს ერთობა საზოგადოებაში არ სუფევდა. ამაში ის ბრალს დებდა არა მარტო საერო წოდებას, არამედ სასულიეროსაც, რომელთა შორისაც, მისი სიტყვით, საკმაოდ იყვნენ „დასაწუნარნი და გასამტყუნებელნი“. ეს გარემოება მას ქვეყნისთვის დიდ სირცხვილად და უბედურებად მიაჩნია (I, გვ. 388).

გაბრიელის მიერ წარმოსახულ იდეალურად სრულქმნილ და პარმონიულ საზოგადოებაში ერი და ბერი ერთმანეთისაგან განუყოფელი ინტერესებით უნდა ცხოვრობდნენ. გმობდა რა სასულიერო წოდებაში შეპარული ზოგიერთი მღვდელმსახურის შურს, სიხარბესა და გამომძალველობას, იგი საზოგადოებას არწმუნებდა იმაში, რომ ქეშმარიტი სასულიერო პირი უანგარო მსახურია ქვეყნისა. ეპისკოპოსი განუმარტავდა მრევლს, რომ ეკლესიაში შესულთ შეწირულობანი „მრავალ კეთილ და ქვეყნისთვის სასარგებლო საქმეს“ ხმარდებოდა. ამ ფულით ეწყობოდა სასწავლებლები, „რომელთა შინა იზრდებოდნენ და სწავლობდნენ თითქმის უმეტეს ოცი ათასი ყმაწვილისა. მათ შორის თითქმის ნახევარი იყვნენ ობლები“ (II, გვ. 148). ასე გრძელდება ეკლესიაში შემოსული ფულით გაკეთებულ კეთილ საქმეთა დახასიათება. ბოლოს კი ორატორი და



ზსკენის: „ახლა, ძეო, იფიქრე და წარმოიდგინე, ერთად რაოდენი კეთილი და მოსაწონი კერძო აქვს ამ ჩვეულებას, ესე იგი, სანთლის ანთებას, რაოდენი კეთილი და სასარგებლო საქმე შეუდგება მას!“

მაგრამ გაბრიელის გულისტკივილს დიდად ზრდიდა ის გარემოება, რომ მის დროს საზოგადოებაში საკმაოდ მომრავლებულიყვნენ რწმენაგაპარტახებული ადამიანები, რომლებიც სოფლის ამოებით იმდენად იყვნენ გონარეულნი, საერთოდ, აღარ ახსოვდათ ღმერთი და მისი მადლი. ისინი არავითარ საკულტო წესს არ იცავდნენ და სულის ცხოვებაზე ერთხელაც კი არ დაფიქრდებოდნენ.

ამ ურწმუნოების განმაპირობებელ ერთ-ერთ ძირითად მიზეზად გაბრიელი იმასაც მიიჩნევდა, რომ ჩვენში სათანადო დონეზე არ იდგა ახალგაზრდობის სწავლა-აღზრდის საქმე. ცუდმა აღზრდამ და გაუნათლებლობამ კი ხალხი დაამდაბლა და გადააგვარა ზნეობრივად. ამის შესახებ ეპისკოპოსი გულისტკივილით ესაუბრება მრევლს თავის ერთ-ერთ მოძღვრებაში, რომელაც მან 1879 წლის 18 მარტს წარმოთქვა ქუთაისის საკათედრო ეკლესიაში ხარებისა და ბზობის დღესასწაულებთან დაკავშირებით.

წინა წელიწადს, ზაფხულში, გელათის მონასტერს მთვრალი ახალგაზრდების ჯგუფი წვევია. გაბრიელი გულისტკივილით უამბობს მრევლს მათი უწესო საქციელის შესახებ. ტაძარში შესულებს ერთი აურზაური აუტეხიათ. სუყველანი რუსულად ლაპარაკობდნენო, — შენიშნავს ორატორი და განაგრძობს: „როდესაც გავიხსოვნებ ამ ამბავს, მწუხარებით ვკითხავ ჩემს თავს: რას ვშვრებით? სად მივდივართ? რას ვსწავლობთ? საიდგან მიიღეს და და ვისგან ისწავლეს ამისთანა ზნეობა ახალგაზრდა ყმაწვილთა კაცთა? (II, გვ. 309).

გაბრიელი წუხს იმის გამო, რომ ღვთის რწმენასთან ერთად ამ გადაგვარებულმა ქართველებმა ეროვნული სახეც, ადამიანური ზნეობაც დაჰკარგეს. „რაც კარგი და მოსაწონი იყო ძველს დროებაში და ცხოვრებაში, — განაგრძობს იგი, — ივიწყებენ; ნაცვლად მისა ეჩვევიან ყოველისფერს ცუდს და საძაგელს. წმიხდად დიპატივის საცემლად მათ აღარაფერი არ მიაჩნიათ, ყოველნი ხორციელნი ვნებანი აშვებულნი აქვსთ და აღვირ-აუხსმელნი, გულდინი კი არიან, რომ განათლებულნი ვართო, რაღაც გვისწავლიაო“. გ. ჭიჭოძის ცხოვრებიდან და მოღვაწეობიდან, საერთოდ, გასული

საუკუნის ჩვენი მოწინავე მამულიშვილების შემოქმედებითი მემკვიდრეობიდან, ნათლად ჩანს ოს მიზეზები, რომელთაც ეროვნული გადაგვარების უფსკრულისაკენ დააქანეს ჩვენი ერი. მათგან უპირველესი ჩვენს სამშობლოში მოყვრისა და მფარველის ნიღაბმორგებული გადამთიელის მოსვლა და გაბატონებაა, ვინც ყოველგვარი საშუალებით ცდილობდა ეროვნული ზნეობისა და ტრადიციის ამოძირკვას და მის სანაცვლოდ საკუთარი ზნე-ჩვეულებების დამკვიდრებას.

საზოგადოებაში მომრავლდნენ ისეთი სულმოკლე ადამიანები, რომლებიც პირად კეთილდღეობაზე ზრუნვას უყოყმანოდ სწირავდნენ ყველაფერს. ისინი თანამოძმეთა „საიდუმლო შესმენითა და დაბეზლებით“ ცდილობდნენ მთავრობის გულის მონადირებას. გაბრიელი მწუხარებით გვაუწყებს, რომ „ამისთანა ვნება“ ერთობ გაერცელებულია ქვეყანაში.

ასეთი ბეზლობის ობიექტად არაერთხელ ქცეულა თავადაც. „ოცდასამი წლიწადი ვარ მე ამ სამწყსოში, — აღნიშნა მან ერთ თავის სიტყვაში, — და ვგონებ, ნამეტანი არ იქნება, რომ ვსთქვა, ორასი მაინც, თუ არა მეტი დაბეზლება და შესმენა მიუვიდა ჩემზე უმაღლეს მთავრობას. რა ცოდვა და უსჯულოება არ მომაწერეს იმ დაბეზლებაში!“ (II, გვ. 417). გაბრიელი, როგორც მღვდელმსახური, თავადაც მიუტყევებდა მათ ამ ადამიანურ სულმდაბლობას და სწევსაც მოუწოდებდა სულგრძელობისაკენ, რადგანაც უფალი იესო ქრისტე მორწმუნე კაცს თვით მტერზედაც კი არ აძლევს შურისძიების ნებას. ცილისმწამებლებს სასჯელად ისიც ეყოფათ, „საკუთარი ხელით რომ სწერენ სიგელს თავისი ცოდვისასო“, — დაასკვნის ეპისკოპოსი.

ერთი სიტყვით, ორატორს თავის ქადაგებებში უყურადღებოდ არ დაუტოვებია არც ერთი მანკიერება, რომელსაც ადამიანის სულში ღვთისგან განდგომა აღაზევებს. გ. ქიქოძის ქადაგებანი რეალისტური თვალთახედვით გვიჩვენებენ ყველა იმ ცოდვას, რომელიც დაუფლებია იმ კაცის არსებას, ვინც „განშორდება ზეციერსა მამასა, აიგდებს უღელსა საღმრთოისა სჯულისასა, დაგლახავდება, დაეცემა და დამახინჯდება, სულიერად დაემსგავსება უწმინდურსა პირუტყვსა“. ყოველივე ამას ორატორი კონტრასტული სიმქაფრით წარმოსახავდა მრევლთან თითქმის ყოველი შეხვედრის დროს, რითაც თავის სამწყსოში განამტკიცებდა „ზნეობით მდგო-

მარეობას“ და ადამიანებს ნათლად შეაგნებინებდა საფრთხეს იმ-  
სას, როგორ „წაახდენს და გააფუჭებს ცოდვა და ღვთისგან გ-  
წორება კაცსა“ (II, გვ. 11-12).

გ. ქიქოძის თეოლოგიური მოძღვრება დამაჯერებელი ცხოვრეპი-  
სეული არგუმენტებით გვისაბუთებს, რომ ადამიანის ყოველღლიუ-  
რი ყოფა სულსა და ხორცის მარადიული ჭიდაობაა. თუ კაცმა  
სსეული აუშუა და გაანებივრა, იგი გადაიქცევა „ბუდედ ყოველ-  
თა ცოდვათა“, დაიმონებს სულს და დაღუპავს მას. საყოველთაოდ  
ცნობილი ამ სარწმუნოებრივი დებულების სსტემატური ახსნა-  
განმარტებებთ გაბრიელი ცდლობდა უფრო მეტად განემტკიცე-  
ბინა მრევლის შინაგანი ნებისყოფა და განესპეტაკებინა მისი სუ-  
ლა.

თავისებური ფორმით ირეკლება გაბრიელის ქადაგებებში მოქ-  
მედების, სიტყვისა და საქმის ერთიანობის ილიასეული პროგრამა.  
ორატორი ხაზგასმით შთააგონებს საზოგადოებას, რომ მაყბ-  
ვარი ჩვენგან მარტო სიტყვას კი არა, მოქმედებას მოითხოვს,  
„მოდრაობასა და არა მხოლოდ უქმსა გულის სიტყვასა და უნაყო-  
ფოსა გრძნობასა... იქნება, შენ, ძმაო, მრავალი კეთილი განზრახ-  
ვა გქონდა გულში, მრავალი და პატროსანი სიტყვა სთქვა, მშვენი-  
ერი სურვილი გამოიჩინე, გარნა თუ განზრახვა შენი არ აღას-  
რულე, სიტყვა საქმედ არ აქციე, სურვილი სისრულეში არ მოიყ-  
ვანე, მაშინ შენ ვერ გაერევი მარჯვენით მდგომარეთა და ვერ  
ცხონდები“ (II, გვ. 23). როგორ ჰვავს ეს ფრაგმენტი, თავისი აზრი-  
თაც და სიტყვიერი ქსოვილითაც, ი. ჰაექჰავაძის „მგზავრის წერილე-  
ბის“ კარგად ცნობილ ადგილებს, სადაც სიტყვისა და საქმის ერ-  
თიანობაზე, მოძრაობასა და მოქმედებაზე, მსჯელობს დიდი მწე-  
რალი.

როგორც ითქვა, გ. ქიქოძის ყურადღების უმთავრესი საგანი სა-  
ზოგადოების ზნეობრივი სრულყოფისაკენ სწრაფვა იყო. ამ მიზანს  
ემსახურებოდა იგი დაუღლეოდ და მუხლჩაუხრელად მთელი თავისი  
ცხოვრების მანძილზე. ეპისკოპოსის ქადაგებანი ამისი შესა-  
ნიშნავი დადასტურებაა. ამ შემთხვევაში გაბრიელი განსაკუთრე-  
ბულ მზრუნველობას იჩენს ქალის მიმართ, რადგანაც, მისი აზ-  
რით, სწორედ ქალია უპირველესი ბურჯი ერის ზნეობისა და სიმ-  
ტკიცისა, ვინც „განანათლებს და მოაქცევს ყოველთა გარემოს  
მისსა“, „განამტკიცებს სათნოებასა შინა ყოველთა მისთა მახ-

ლობელთა“. პირველ ყოვლისა, სწორედ ქალი უნდა ეღვეს ოჯახს ბურჯად და იყოს მთავარი საყრდენი ზნეობრივი სრულმინდისათვის ბრძოლაში.

გაბრიელი ხედავდა, რომ ახალ ვითარებაში კიდევ უფრო იზრდებოდა ქალის საზოგადოებრივი დატვირთვა და მოვალეობა. ძირფესვიანად იცვლებოდნენ აღზრდის ძველი სისტემა. შესეღულულებანი, ზნეობრივი პრინციპები. იგი ცდილობს კარტკულად შეაფასოს ეს ცვლილებები, მისაღები მიიღოს და მოიწონოს, ხოლო დასაგმობი დაგმოს და გაკიცხოს.

გაბრიელ ეპისკოპოსის მიზანი იყო, შეუმცდარად პოვნა იმ გზებისა და საშუალებებისა, რომელთა მეშვეობითაც შესაძლებელი იქნებოდა ზნეობრივად სრულქმნილი ადამიანის აღზრდა.

სრულიად განსხვავებული იყო ქალის აღზრდის წესი ძველი დროის საქართველოში. გაბრიელი აღზრდის ამ ფორმას „შინაურს“ უწოდებს, ამ დროინდელი ქალი დედ-მამის ზედამხედველობის ქვეშ იზრდებოდა და მისი სულისა და ზნეობის მასწავლებელი უმთავრესი წყარო საღმრთო წიგნები იყო. მას ასწავლიდნენ აგრეთვე ოჯახის მოვლას, შინაურ საქმიანობას და ამზადებდნენ ისეთ პიროვნებად, რომელიც „მაშინ არის ბედნიერი, როდესაც სხვას აბედნიერებს“.

მაგრამ ქალის კეთილშობილების განმსაზღვრელი ბევრი ნიშან-თვისება ახალ ვითარებაში ნელ-ნელა იკარგება. მომრავლდნენ ე. წ. განათლებული ქალები, რომელთაც „ხშირად მოშლილი“ აქვთ ოჯახისადმი „ერთგულების გრძნობა“. ცხოვრების ახალმა წესმა, გაბრიელის აზრით, ქალის ყოფაში ახალი ადათები დაამკვიდრა. „იცვლება და სხვანაირად იწყობა გაზრდა, სწავლა და ცხოვრება ქალთა“. ამ ფაქტით შეუფოთებული ეპისკოპოსი ნატრობს: „ნეტავი ღმერთმან ინებოს და ქალთა ჩვენთა არაოდეს დაჰკარგონ ზოგიერთნი ფრიად საქებარნი და საყვარელნი თვისებანი, რომელნი შეამკობენ ძველებურად მცხოვრებთა ქალთა, არამედ შეაერთონ იგინი ახლისა განათლებისა და სწავლისთანა; მაშინ მხოლოდ იქმნებიან იგინი ძვირფას ქრისტიანობისა და საზოგადოებისათვის“ (I, გვ. 120).

როგორც ვხედავთ, გაბრიელი მოითხოვს იმ საუკეთესო წეს-ჩვეულებათა ერთმანეთთან შერწყმა-შეხამებას, რითაც ძველი და ახალი დროება ხასიათდება. აქვე იგი უიშსაც გამოთქვამდა იმის

ჯამო, მისი დროის ქალთა სწავლა-აღზრდის სისტემისადმი მის მიერ ჯამოთქმული კრიტიკული შენიშვნები ვინმეს ისე არ გაეგო, თითქოს ის საერთოდ ილაშქრებდა ქალთა განათლების წინააღმდეგ. შირიქით, ეპისკოპოსი საზოგადოებისთვის „დაუფასებელ საუნჯედ“ თვლიდა იმ ქალს, რომლის არსებაში „შინა შეერთდებოდნენ საყვარელნი თვისებანი ძველებურად აღზრდილთა ქალთა სწავლასა და განათლებასთანა“.

ქალთა განათლებისადმი თავისი აქტიური მზრუნველობა, როგორც ზემოთ ითქვა. გ. ქიქოძემ არა მარტო სიტყვიერად გამოხატა, არამედ საქმითაც მრავალგზის დაადასტურა. ამისი მაჩვენებელია თუნდაც ის ფაქტი, რომ ამ დროისათვის სწორედ მისი თაოსნობითა და მატერიალური ხელშეწყობით გაიხსნა არაერთი სასწავლებელი, მათ შორის, ქუთაისის საქალებო სასწავლებელიც. ასევე შეიძლება გავიხსენოთ მისი ნაყოფიერი პედაგოგიური მოღვაწეობა თბილისის ქალთა ინსტიტუტში.

ქალისადმი გაბრიელის დიდ მოწიწებასა და პატრვისცემას საფუძვლად ედო გაუბზარავი რწმენა იმისა, რომ „გი ვოთარცა სანთელი ნათელსა, ესრეთ განავრცელებს გარემოს მისსა სწინდესა, ბედნიერებასა და ქრისტიანულსა ზნეობასა“.

„ნეტარ არს ის ქვეყანა და ერი, — განავრძობს ეპისკოპოსი. — რომელსა შინა ქალნი არიან წმინდისა ზნეობისა, პატიოსანის ცხოვრებისა. ის ქვეყანა და ერი ყოველთვის იქნება წარმატებასა შინა და ბედნიერებასა“ (II, გვ. 314).

გ. ქიქოძე აქტიურად უჭერს მხარს ქალისა და მამაკაცის უფლებრივი თანასწორობის იდეას, „ქრისტიანობა არ მოითმენს, — აცხადებდა, მაგალითად, იგი ერთ თავის ქადაგებაში, — რომ ქალს ჰქონდეს მონებრივი დამოკიდებულება მამა-კაცთან, თუ გინდ შეუღლესთან, თუ გინდ მამასთან“ (I, გვ. 130). ასეთი რამ, გაბრიელის აზრით, მხოლოდ „გაუნათლებელ და უსჯულო ქვეყნებში“ შეიძლება ხდებოდეს, სადაც ქალი „არს მამა-კაცის მონა და მსახური“.

სპეციალური შესწავლის საგანს წარმოადგენს გ. ქიქოძის დიდაქტიკურ-აღმზრდელობითი შეხედულებანი. ამ თვალსაზრისით მისი ქადაგებანი უმდიდრეს მასალებს შეიცავენ. ორატორი ყურადღებას ამახვილებდა ადამიანის ზნეობრივი აღზრდისა და სწავლა-გა-

ნათლების მრავალ აქტუალურ პრობლემასზე; ასე რომ, გაბრიელისკოპოსის პედაგოგიურმა იდეებმა, ალბათ, სპეციალისტთა მეტადიანტერესება უნდა გამოიწვიონ.

გ. ქიქოძის ქადაგებებს, მათი სპეციფიკური საღვთისმსახურელო დანიშნულების გამო, გამოკვეთილად მსკველავს დიდაქტიკურ-დამრიგებლობითი ტონი. ორატორი ბრძნული შეგონებებით და ახსნა-განმარტებებით ცდილობდა აღამიანის სულში რწმენის განმტკიცებასა და ბოროტი ვნებების დათრგუნვას. და ხაზგასმით აღსანიშნავი ისაა, რომ ეს დიდაქტიკა მოკლებულია კატეგორიულობას, არ აღიზიანებს მსმენელს, გაუღენთილია მრევლსადმი უღრმესი პატივისცემისა და სიყვარულის გრძობით. ყველგან, ყოველ სიტყვაში, ნათლად ვლინდება მოყვასისადმი კეთილმოსურნეობა, თავმდაბლობა, მქადაგებლის მოკრძალება.

ასე რომ, მრევლსა და ორატორს შორის იმთავითვე მყარდბოდა გულითადობისა და გულწრფელობის განწყობილება, იქმნებოდა ნდობასა და ურთიერთპატივისცემაზე დაფუძნებული კეთილ განწყობითი დამოკიდებულება. გაბრიელის მსმენელი გრძობდა რომ მის წინ იდგა მოძღვარი, ვინც ყოველგვარი პოზიორობისა და თეატრალობის გარეშე ამბობდა იმას, რასაც თავად განიცდიდა და რწმენა კარნახობდა. და ამას აკეთებდა ძალდაუტანებლად, ზედმეტი პათეტიკისა და ბრტყელ-ბრტყელი სიტყვების გარეშე. იგი ცდილობდა თავისი რწმენის თანამოზიარედ ექცია მსმენელი, ძალდაუტანებლად, შთაგონებით შეეღო მისი გულისა და გონების კარი და ამგვარად შეესმინა მისთვის სასურველი ჰეშმარიტება მრევლსაც ღრმად სწამდა, რომ ამ ბრძნული შეგონებების მქადაგებელი მოძღვარი ცხოვრების უმდიდრესი გამოცდილებით დაყურსული კაცი იყო.

შემწყნარებლობა, ცოდვათა შენდობა და მიმტევებლობა — აი, ერთ-ერთი მთავარი ნიშანი გ. ქიქოძის თეოლოგიური მოძღვრებისა. ყოველი მისი ქადაგების მიზანი მოყვასის სულში ქრისტიანული სიყვარულის გაღვივება იყო. „და ესრეთ, ძმაო ჩემო, შენც ეცადე, რომ ამიერითგან უმჯობესი შეიქმნე, ვიდრე იყავ აქამდეო“, — არაგებდა მამაშვილურად იგი მსმენელს და მოუწოდებდა, თუ ვინმეზე უკმაყოფილება და შური ჰქონდა, გულწრფელად შერიგებოდა მას და ამით დაემტკიცებინა, რომ მართლაც სურდა „ამიერითგან უმჯობესად“ ცხოვრება, დაეთრგუნა ანგარების მომაკვდინებელი გრძობა-

ბა და გულმოწყალე გამხდარიყო. თუ ეს არ იქნება ადამიანის მთავარი მიზანი, თუ გულით არ ეცდება, „უძკობესი შეიქმნას სულიერადაც და ნორციელადაც, მაშ, რისთვის სცხოვრობს კაცი ქვეყანაზედ“? — კითხულობს ორატორი.

ასე თანმიმდევრულად ესწრაფვის მღვდელთმთავარი შინაგანად აღამაღლოს და განასპეტაკოს ადამიანის სული, გააფოს გზა ქრისტიანული ჰუმანიზმისაკენ, გახადოს პიროვნება დიდსულოვანი და მიმტევებელი, მისცეს მოწინააღმდეგეს ზნეობრივი რაინდობისა და უნგარო სიყვარულის სანიმუშო მაგალითი. ეს არის გულწრფელი მოწოდება საკუთარ თავთან ჰიდილისა და ყოველი ჩვენთაგანის არსებაში ჩაბუდებული ბოროტი საწყისის დათრგუნვისა. გაბრიელმა კარგად იცოდა, რომ ძნელი იყო ამ ორთაბრძოლის მოგება, რადგანაც ამ მძაფრი შინაგანი ჰიდილის ბევრი მხარე სხვათათვის გარეგნულად დაფარულია და მხოლოდ ღმერთთა შინა დაძინებელი. გ. ქიქოძის ყოველი ქადაგების მიზანი მრევლისთვის ამ შეგნების გაღვივება და განმტკიცება იყო.

ადამიანის შინაგანი კეთილშობილების, კეთილსინდისიერების და თავმდაბლობის აღზრდა ბალობიდანვე უნდა დაიწყოს, რადგანაც, გაბრიელის აზრით, იმთავითვე გამოკვეთილად ჩანს, საითკენაა მიმართული ბავშვის პიროვნული ბუნება. „ოდეს შეილი შენი არის ჩჩვილი, — ამბობს ორატორი, — შეიტყობ მას, რომელ მის გულში არის ნერგი ყოველთა მომავალთა თვისებათა, მაშასადამე, იქითგანვე უნდა იწყო მისი სწავლა და გამოზრდა, იქითგანვე უნდა მიიჩვიო ყოველსა კეთილსა და გადააჩვიო ყოველსა ბოროტისაგან“ (I, გვ. 363).

პირველ ყოვლისა, სწორედ ცუდი აღზრდის შედეგად მიაჩნია გაბრიელს ყველა ის მანკიერება, რითაც ადამიანის გულია დამძიმებული: „ყოველთა მათ ცოდვათა და უწყისობათა, — განაგრძობს იგი, — რომელთა აწ, საუბედუროდ, ვხედავთ მცხოვრებთა შორის ამა ქვეყნისათა, მე თითქმის იმას ვაბრალებ და იმით ვხსნი, რომელ იგინი სიყრმიდგანვე იყვნენ მოკლებულნი კეთილ-გონიერსა ყურადღებასა და გამოზრდასა“. ადამიანის ცუდი ყოფაქცევა, პირველ რიგში, მისი არასწორი აღზრდის შედეგია. როგორადაც აღზრდი, ისეთი მოქალაქე დადგება, — ასეთია ეპისკოპოსის თვალსაზრისი ამასთან დაკავშირებით. უსწავლელობა, უმეცრება, ცუდი აღზრდა — აი, მთავარი მიზეზი ქვეყნის ჩამორჩენილობისა და ბი-

წიერებათა გალაღებისა: „ეს ჩვენი ქვეყანა, იმერეთი, ილუპეზა უმეცრებოთა და უსწავლულობითა. ნახევარი, ნახევარზე მეტიც, რაც მოხდება ამ ჩვენს ქვეყანაში ბოროტი საქმე, ჩხუბი, კაცის კვლა, ქურდობა, სიცრუე, ფიცის-გატეხა, წარმომდინარეობს უსაწვლულობისაგან“ (I, გვ. 456).

გაბრიელი მოძღვრავდა მშობლებს, უყურადღებოდ, ქუჩის ამარა, არ მიეტოვებინათ შვილების აღზრდა, რადგანაც აქ ბავშვის გაუწვრთნელი გონება „ყოველს ცუდს საქმეს“ შეითვისებს და „განირყვენება“. ბავშვსო, — ამბობდა იგი, — ჰკუთა თვალეში აქვს. რასაც დაინახავს, იმას შეითვისებს ბრმად და განუხჯელად. ამიტომაც მშობლებმა თავიდანვე განსაკუთრებული მზრუნველობა უნდა გამოიჩინონ შვილების აღზრდისადმი და „ოჯახი გარდაიქცეს საყდრად, აღმზრდელად შეილთა“.

ამ რწმენის განსამტკიცებლად გაბრიელს მოჰყავდა სხვა ქვეყნების მაგალითი, სადაც ბავშვის სწავლა-აღზრდის საქმეს განსაკუთრებული ყურადღება ჰქონდა მიქცეული. იგი ყველაფერს აკეთებდა საიმისოდ, თავადაც შეეტანა პრაქტიკული წვლილი ამ მიმართულებით, რაც იმაში გამოიხატა, რომ მისი აქტიური მზრუნველობითა და მატერიალური შემწეობით მრავალი სასწავლებელი გაიხსნა დასავლეთ საქართველოში, მრავალმა ღარიბმა და გაჭირვებულმა ახალგაზრდამ მიიღო ღირსეული სწავლა-განათლება.

გ. ქიქოძის დიდაქტიკურ-აღმზრდელობითი შეხედულებანი, პირველ ყოვლისა, საღმრთო წიგნებსა და მდიდარ ცხოვრებისეულ გამოცდილებას ეფუძნება. იგი კარგად იცნობდა აგრეთვე თავისი დროის მოწინავე პედაგოგიურ იდეებსაც. მათი პოპულარიზაციით ორატორი ცდილობდა ხელი შეეწყო ამ პროგრესულ შეხედულებათა პრაქტიკული ხორცშესხმისათვის. სწორედ ამით განიზომება, უწინარესად, გაბრიელის, როგორც დიდაქტიკოსის, როლი და დამსახურება იმდროინდელი ქართული პედაგოგიური აზროვნების განვითარებაში.

ყოველ მნიშვნელოვან ფაქტსა და გამოჩენილ პიროვნებას, რომელსაც ჩვენი საზოგადოების განვითარების საქმეში საგულისხმო წვლილი ჰქონდა შეტანილი, გაბრიელი ქვეყნისთვის სამსახურისა და უანგარობის მაგალითად უსახავდა ხოლმე მრევლს. ამ თვალსაზრისით მრავლისმთქმელია ქუთაისის ეკლესიაში 1879 წლის 7 მარტს ცნობილი საზოგადო მოღვაწის ბესარიონ ლოღობერიძის



გარდაცვალების გამო წაზმოთქმული სიტყვა. ორატორმა გულის-ტკივილით აღნიშნა, რომ მსგავსი მოღვაწეებოთ „ყოვლად ღარი-ბია ჩვენი საზოგადოება“. იგი იყო კაცი, რომელმაც მრავალი სი-კეთე მოუტანა ქვეყანას და თავისი პატიოსნებითა და უანგარო მოღვაწეობით მაგალითი უჩვენა ხალხს.

გაბრიელის სიტყვით, იგი „გარდააკვდა მის სამსახურს“ და უკა-ნასკნელ ამოსუნთქვამდე ერთგულად ემსახურებოდა საზოგადოე-ბას. „ღ-ღია ეს მაგალითი! დიღია ამისთანა თავდადება სამსახუ-რისათვის, მეტადრე ახლა, ამ ჩვენს დროებაში, როდესაც თითქმის ყოველნი სამსახურში მყოფნი სცდილობენ, რაც შეიძლება, ერთი მხრით, თავის გაუჭირვებლად გაატარონ თავისი სამსახური და, მე-ორე მხრით, რაც შეიძლება მომეტებული სასყიდველი და სარგებ-ლობა გამოიტანონ სამსახურიდან“ (II, გვ. 405).

ორატორი არც იმას უმაღავს საზოგადოებას, რომ ამდაგვარი თავდადებული და უანგარო მოღვაწეობის „ჯალდოდ“, არცთუ იშ-ვიათად, შურსა და მტრობას მოგიძღვნიან ხოლმე, რისგანაც გან-სვენებულნიც არ ყოფილა დაზღვეული. მაგრამ აქაც სულგრძელობისა და მიმტევებლობის ის მაგალითი უნდა გამოვიჩინოთ, რასაც, მღვდელმთავრის თქმით, ბ. ლოლობერი იჩენდა თავისი მტრების მიმართ.

## გოლოთქმა

ამით ვამთავრებ გ. ქიქოძის ქადაგებათა მიმოხილვას. ცხადია, იგი არ არის სრულყოფილი და მრავალი საკითხი დარჩა ყურად-ღებამიუქცეველი, რაც ორატორის მიერ დასმულ და გაანალიზებულ პრობლემათა მრავალმხრივობითაა განპირობებული.

თავის ქადაგებებში გაბრიელ ეპისკოპოსი ბევრ ისეთ საკითხს ეხება, რომელთა განხილვა-შეფასება ცდება ლიტერატურულ-ისტორიული ანალიზის ფარგლებს. ✓ მე კი მინდოდა, შეძლებისდა-გვარად, უპირველეს ყოვლისა, სწორედ ლიტერატურულ-ისტორიული თვალთახედვით შემეფასებინა ის დიდი ღვაწლი, რომელიც გ. ქიქოძეს მიუძღვის ჩვენი კულტურის ისტორიაში.

ჩემი მოკრძალებული მიზანი იყო მკითხველისათვის, რამდენად-მე მაინც, მეჩვენებინა გაბრიელ ეპისკოპოსის ქადაგებათა ძირი-თადი სარწმუნოებრივი, ეროვნულ-საზოგადოებრივი და ზნეობრი-

ვი პრინციპები; წარმომესაზა მისი, როგორც სამშობლოსა და მოყვასის ბედზე უნგაროდ მზუნველი მამულიშვილის, სამოღვაწეო ასპარეზის ფართო მასშტაბები.

✓ გაბრიელ ეპოსკიპოსის ქადაგებებში დასმული ბევრი პრობლემა ისევე სასიცოცხლო მნიშვნელობისაა და აქტუალური დღევანდელი ჩვენი საზოგადოებისათვის, როგორც იმ პერიოდისათვის, როცა ისინი იქადაგა ორატორმა.

დღესაც ოცნების სფეროს განეკუთვნება ღვთისკენ მიმავალი იმ წმინდა გზის პოვნა, რომელსაც ჩვენი სულიერი, ზნეობრივი და ეროვნული გადარჩენის ერთადერთ სასიცოცხლო პირობად სახაედა მღვდელმთავარი მთელი თავისი ხანგრძლივი მოღვაწეობის მანძილზე. აქტივობა არ დამცხრალა გაბრიელ ეპისკოპოსის ქადაგებებისადმი. მკითხველთა საყოველთაო ინტერესი დღესაც. V

სწორედ ამ ინტერესის კარნახითა და უკეთესი სვალინდელი დღის გაბრიელ ეპისკოპოსისეული რწმენის შთაგონებით დაიწერა დიდი ღვთისმსახურის ცხოვრებისა და მოღვაწეობისადმი მიძღვნილი ეს პატარა წიგნიც.

## შინაარსი

შესავალი	• • • • • • • •	5
ცხოვრება და მოღვაწეობა	•	11
„ქადაგებანი“	• • •	47
ბოლოთქმა	• •	123